

20

4

میرزا رضا
تمثيل لا يتغير



کابوس

Handwritten notes in Urdu script



UTL AT DOWNSVIEW

D RANGE BAY SHLF POS ITEM C
39 14 04 01 02 015 0

استانبول

ایچ اے اے کتب خانہ

مطبعہ حیدرآباد

۱۳۳۴

PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY

PL
248
U78K32

Usakligil, Halid Ziya
Kabus





۶

عشاقی زارہ : فالمد ضیا

کتابوس

مرحق محفوظدر


استانبول

الجمهورية الجزائرية الديمقراطية الشعبية

مطبعة جليل عثمانی شریف

۱۳۳۴

PL
248
U78 K 32



اثر تماشا ۳ برده

کابوس

— — —

اشخاص :

جیل شوکت بك ۴۰ یاشنده شورای دولت اعضا سندن و متمول برعائله دن. حیاتی دالغه سز، صارصنیتیسز کچیر مشدر. عزم و اراده تجر به لرینه معروض قالمه دن از دو واجك دوز زمینی اوزرنده یورو مکه مألوف .

سلما خانم ۳۶ » یگری سنه لك زوجه سی. جدی، وقور. دنیایی یالکیز عزت نفس منشورینك آراسندن کوره ن بر قادی ن . بر شیتك یاپیلمه سنه لزوم کورد کدن صکره سکوت ایچنده قرارینی ویرر، و یایار .

شراره ۱۸ » قیزلری : آتشین ، جدالچو ، فطین ، شطارته منهك

سعدون ۱۷ » اوغللری : نحیف ، مستهزی ، کیندار، ایچندن یشایان

حکمت کمال بك ۳۸ » سلما خانمک بویوک برادری : طیب ، برمدت اجرای صنعتدن صکره اوروپاده سیاحتلرده وقت کچیرمش ؛ حیاتدن تیکسیدنمش. حکمتپرست، منقد ، پرکو. هر شئیته رغماً نزیه قالمش ؛ پدرینك

وفاتندن صکره ادرنه داخلنده کوچک
چفتلکنی اداره ایدرو آره صره صاوشه رقه
سیاحتلره چیقوب نفس آلیر، استانبوله
نادراً اوغرار .

وجدی بك ۵۵ » دفتر دار معزولی ، جمیل شوکت بك
اقر باسندن ، عیاش ، اخلاقیات ایله بیكانه
بر عمر دن صکره استانبوله فرصت ترقی
ایچون کلمشدر . جمیل شوکت بك اوکا
« دایی » دیر .

رخسار خانم ۲۲ » قیزی ، هنوز دول قالمش ، آشفته ، سر ایست .
دلاور بك ۲۴ » اوغلی ، باباسنك عزلندن صکره بوش
قالمش ، ایش بوله حق ، ناقص بر اعدادی
تحصیلیله ، محله چوجنی انموذجی .

فرید بها بك ۳۰ » جمیل شوکتك وفات ایتمش بر همشیره سندن
یکنی . اوروپاده اکمال تحصیل ایدره رك
عودت ایتمش ، بر مکتب عالیده معلم ،
طبیعیات ایله متوغل ، کتبخانه آدمی .

مسعدت خانم ۱۸ » فقیر بر عائله قیزی . دارالمعاماتدن هنوز
چیقمش . شراره نك محبه سی . سوریه یه
کیده جك . تعطیل زمانی یالیده کچیرمك
اوزره مدعودر . حیاته متواضع کوزرله
باقان ومقدراتدن آنجق کوچک بر نصاب
سعادت بکلین بر قیز . سعادت اگری
بریولدن کله جکسه اوکا . لاق اولق ایچون
دوغری یولدن دوغمه مکه اولدن قرار
ویرمشدر .

برنجی پرده

جیل شوکت بک یکى کوبیده مکلف یالینک صفه سی ، دیپده
آچیق برنجیره - قانی که طاش بر جامکانه کشاده در . بوجامکان ،
صفه نك خارجدن مدخانی تشکیل ایدر ؛ بری باغچه دیکری دکز
جهتته این غیر مرئی ایکی مردیونه موص-لدر . - آچیق پنجره -
قایینک طرفینده ، اوکلرنده برر کوچک شهنشینله گوشه له مه ایکی
پنجره واردر ؛ صاغ طرف باغچه به ، صول طرف دکزه ناظر در .
پنجره لر قوللانیلیر . صخنه نك طرفینده برنجی و ایکنجی صفلرده
برر قانی واردر که یالینک دوائر مختلفه سینه بونلردن ایشله نیر . -
صخنده صفه اشیاسی :

آچیق پنجره - قایینک طرفینده برر قنابه ، اوکلرنده برر ماصه ،
چیچک صاقسیلری . دیگر جهتده کی پنجره ایله ایکنجی صف
قایینک آراسنده ایکی کوچک صندالیه ایله بر کوچک ماصه ،
سیفاره طاقلری . کنذا صولده ایکنجی قانی ایله برنجی قانی آراسنده
ایکی قولتق بر بویو کجه ماصه ، بر قاج کتاب ، رساله و جریده . - برنجی
قاییدن صکره نك بر صندالیه ایله کوچک بر ماصه ، یاری طاقی . -
صاغده برنجی قانی ایله ایکنجی قانی آراسنده بر بویو کجه قنابه ،

ایکی قولتق ، نسبتاً بویوک برماصه ، پرده آچیلنجه بونک اوزرنده
 بالق طاقلری واردر . جمیل شوکت بک آرقهسی مدخله ، یوزی
 ثلث درجده حضاره متوجه ، بوراده اوطور مقده در . ایکنجی
 قانی ایله گوشه پنجرهسی آراسنده بر قاعده اوستنده جسم بر
 قامه روپس یاخود خرما . - برنجی قاپیدن صکره ایکی کوچک صندلیه
 ایله بر کوچک ماصه ، بونک اوستنده هنوز کسیلمش ، یاننده چیچک
 مقاصیله یرشقایقلری واردر . طاواندن کوزل بر فنار صارقار . چابجا
 یول خالیلری وسجاده لر . - حزیران ، بازار ایرتسی ، کوندوز ، ساعت ٥

برنجی مجلس

جمیل شوکت بک ، براز سیگیرلیجه وسویانه رک دولاشیق بر
 اولطه یی چوزمکله مشغولدر . پنجره قاپیدن شراره ایله سمدون
 آیاقلرینک اوچمه باصه رق ، بر شاقا یامغه حاضر لانان چوجوقلر
 حویپالغیله وبر برینه دیواش . . . اشارتی ویرمک کیررلر ، سمدون
 صفده بر خطوه آتقدن صوکره آبلاسنک پایه جقنه منتظر واونی
 کولن کوزلریله تعقیب ایدمک دورور . آئنده بر کوچک چانطه ،

قوانك اوستنده بر پاره سو ايله برابر طوتولمش اينجه بر باس-تون
 وارد ر . شراره يازليق بر باغچه ائوابيله در : هنوز قادين اولماش
 فقط چوجقلقدن چيقمش بر قيز قياقتي . باشنك اوستنده كونشدن
 محافظه ايچون كليشي كوزل دولانمش اينجه بر قوبورنك تول وارد ر .
 شراره ايله سعدونك سساکت وظيفه لري اويله بر صورتله ترتيب
 ايديله جكدركه شراره باباسنك آرقه سنه كانجه اونك شو سوزلري
 بيتمش اولسون .

جیل شوکت

نه قدرده دولاشمش !.. دائما عين مسئله ... هر کون اولطه لري
 بويله دولاشدير دقن صکره بر اقريلر ... اصل بو شراره نك ايشيدر .
 آنه سي نه قدر ترتيب ، انتظام قادي ايسه شراره ده بالعکس او قدر ...
 (چوزمکه چاليشه رق) قابل دکل ، اويله بر دو کوملنمش که ...
 کنديمي ينه هروقتکي کي شوراي دولتده قاريشيق بر مسئله ايله
 اوغراشيور ظن ايدي-ورم ؛ مثلا مغاق بر شرطنامه احکامنك
 تفسيری ... (نهايت چوزر) نهايت ... بوني ايش يتد کدن صکره
 صارسه لر ... (صاره رق) و صار دقن صکره ده ايکنه لريني يواشجه
 منطاره باتيرسه لر ... (باتيرر کن آرقه -ندن ياقلاشمش اولان شراره
 ايکي ايله باباسنك کوزلريني قاپار و کولن کوزلرله سعدونه باشي
 صاللايه رق ، « سسکي چيقارمه !.. » ديمک ايسته يه رک بکلره .) سنميسک ،
 رخسار ؟.. غالبا چوق بکلتم ، دکلتي ؟.. ريختيمده مي بکلور دک ؟..

(جواب ویرلمدیکنی کوره رک آئنده کی اولطه نی قویه جق یر آرار،
 ونهات تخمیناً ماصه نك اوزرینه براقه رق و سربست قالان آلریله
 شراره نك اللرینی اوقشار کبی یوقلا یه رق) بنده هنوز بتیرمشدم.
 شراره بوتون اولطه لری اویله دولاشدیرمش که ... (آلرندن
 قوللرینه دوغری اولا محترزانه اوقشامقده دوام ایده رک) قرار
 ویردکی؟ استیه قوینه می یوقسه قلندر آچیق لرینه می چکه جکیز؟
 (جواب ویرلمدیکنه صبر سزلانه رق) بو اویون دهادوام ایده جکمی؟
 کوزلرمی قاپا یورسک اماخی نی کورمکدن منع ایده میورسک. (بومدت
 ائناسنده شراره نك نشوه سی یواش یواش حزنه، سعدونک تبدیلی حیرته
 منقلب اولمشدر. جمیل شوکتک آلرنده کی معنای احتراز تدریجاً
 زائل اوله رق برامل عاشقانه نوازشنی آلمقده ایکن بردن بره برشبهه
 ایله سیملیکنیر، اونک شبهه سیله شراره نك کاملاً فنوره انقلاب ایدن
 افاده سی عین ثانیه یه تصادف ایدر، برینک اللری نومیدانه
 دوشرکن دیکری بردن فوران ایدن برحده تله قالقار)

شراره — عفو ایستر کی بوینی بوکهرک
 بندم، بک بابا..

جمیل شوکت — بوسکورمکه مهیا، فقط ضبط ایده رک
 بن سکا یوز کره سویله دم، آرتق بو چوجقلقلردن وازچکمک
 زمانی چوقدن کلشدر.

شراره

بکله-دیگکیز بر کونده سعدون گلشده ... اونی بردن بره
کورو نجه نمون اولور سکیز ، ظن ایتشمدم .

سعدون یواشجه چانطه ایله یارده سو وباستونی پنجره-قاپنیک صاغ
طرفنده کی ماصه یه براقه رقی ایلیله مشدر

جیل شوکت — سعدونه

سن نه ایچون کلدک ؟ امتحانلرک بیتدی می ؟ ...

سعدون — جسارتی قیریق

یالکیز بر امتحان قالدی . او کمزده کی بازار ابرتسی ... اولکی
کیجه پک فنا خسته لاندیم ، براز نفس ایتمش اولوق ایچون بی
اوه کوندرمه که لزوم کوردیلر .

جیل شوکت — چواب ویرمیدرک ، دائما منفعل و ذهننا مشغول ، کندی
کندینه سویلرجه سنه

بزرخسار خانم له براز صنداله بینه جکیز ... (بوسره ده ریختمدن
بر قهقهه ایش-دیلیر ، جیل شوکت گوشه پنجره-سنه تقرب
ایدهرک آچار و باقار ، بردن شاطر ایلله سلام لایه رقی سسلنیر)
کلیورم ا . . . (سعدونه شراره ، بری صورار کبی متعجب
دیگری آغلامغه مهیا کبی محزون باقیشیرلر ، جیل شوکت متلاشیانه
اولاطه لری چانطه یه دولدیررکن)

شراره — محترانه

بو اقسام دایمی بکله یوردق ..

جیل شوکت

سیلیورم ...

شراره

یک کچ قالماسکز ، دگلی بک بابا ؟

جیل شوکت — براز یانیشه رق

طن ایتیم .

شراره — جسامر تله رک

آننامی برابر آلیور میسکز ؟

جیل شوکت — چالطه یی حاضر لامشدر

آنهک بالق آوندن حظ ایتمز که ... زانا اوبرادرینک اوداسیله

مشغول ... سن ده اوکا یاریم ایدرسک ... (یورور) داییک

بندن اول کلمش بولونورسه طرفدن اعتذار ایدرسکز ، فقط طن

چیقار

ایتیم که کچ قاله لم ..



ایکینچی مجلس

سعدون شراره

سعدون — فسفی چیقاروب چانطه سنک یاننه فیرلاتیر ، همشیره سنه

دونر ، ایکی قرداش اوکه دوغری ایلریله یه رک ایکی آلاریله طوتوشورلر

وقارشی قارشی برناییه باقی شیرلر

نه اوایور ، آبلاجم ؟ ..

شراره — آلارینی چکر، پارمغنی دوداقلرینه قویه رق «صوص ا. . .» دیر،
صکره قیرلمش کبی کتاب ماصه سنک یاننه آتیلیر ، سعدون ریختمه جریان
ایده جک شیئی کورمک ایسته یورمشجه سنه پنجره یه توجه ایدرکن شراره نك
کندی کندینه سوبله نیرجه سنه جواب ویردیکنی ایشیده رك اوکایا فلاشیر
وایا قده دیکلر

نه اولیور ؟ . . . اوت ، بر شی اولیور ، بونی کوریه-ورم اما
نه اولدیغنه واقف دکلم که . . . نه اولدیغنه عقل ایردیرمک ، اونی
آکلامق ممکن اولسه . . . یوکسک بریردن بر اوچورومه باقیور کبی یم ،
درینلک لرنده ظامتلرک آراسنده بر فاجعه چالغانیور ظن ایدیلن
بر اوچورومه . . . باشمک دوندیکنی ، کوزلرکم بولاندیغنی حس
ایدیورم ، فقط اوراده نه اولیور ، نصل مدهش بر وقعه ، بلسکه
ینی ده ، سنی ده ، هپمزی ده چکوب یوته جق ر آفت حاضر لانیور ،
اونی سچه میورم .

سعدون — سوبلتمکه چالشه رق

نی قور قوتیورسک ، شراره . بن سنی هییچ بر زمان بو قدر
جای ، هله بودرجه قور قویه قایللمش کورمه دم .

شراره — سوبله مکه قرار ویرر کبی
دمین نه آکلادک ؟ . . .

سعدون — صافیانه

بو یوک بر شی دکل . هر حالده بابامک آرتق بزه ، سکا وبکا ،

یوز ویرمه مکه قَرار ویردیکنی آ کلادم ... بابام سنی غالباً رخسار
خاتم ظن ایتشدی ...

شراره

اوت ، اوقدر ... سن ده نیم کبی هر کون او ککه یو وار لانان ،
اک بکنسه مش زمانلرده الیک آلتنه کان یوزلرجه اوفق تفککه شاهد
اواسه یدک ... فقط هر حالده قارا کلک بر ایش ... بر چوق امارات ،
فقط قارا کلک ... کویا بیلدیکم بر اوداده ، فقط قارا کلکده کبی بم .
هانیا بویله زمانلرده انساک ترسی دونر . آلتنه تماس ایدن بر پرده دن ،
آیاقلره دولاشان بر صندالیه دن در حال بردن بره اویانمش بوتون
خاطرات انکشاف ایدر ، انسان زرده اولدیغنی آکلار ، کویا
کوزلرندن ظلمت لر صیریلهرق اودانک بوتون اشیاسنی ، تفرعاتنی کورییور
ظن ایدر . بر تانیه صکره یینه ظلمتلر غلبه چالار ، یینه هر شی یرندن
صارصیلوب اوینار ، کویا موجودات چارپیق بر وضعیت آلیر ،
وانسان باشنک دوندیکنی ، دیزلرینک باغنی چوزولدیکنی حس ایدر ،
بوتون اوسیا هلقلرک آراسندن خائن ردشمنک صوغوق نفسی کلوب
سزک قورقودن ترله یین آلتنکزه اوفله یور کیدر ، ایشته سعدون
بن بویله بر حالده یم .. (آللرینی کلیدیله رک واوکه دوغری اکیله رک
بر اوچورومه باقیور کبی دورور)

سعدون

بر آیدن بری بوراده بر طاقم شیلر اولمش اوله جق . واضح

دکلسک که ... هیچ بر زمان سرچه طبیعتکدن ، اورادن اورایه
صیچرایوب اوچمقدن واز کجه میه جکسک .

شراره

سن بر آیدن بریمی مکتبدن گله دک ؟ .. او حالده هیچ برشیدن
خبرک یوق . نه قدر ایستردم که هیچ برشیدن خبرک اولما مقده دوام
ایده سک ! فقط ممکن دکل ، سن کورمه سهک ، آکلاما سهک بیله
بن دها زیاده صوصمه مقدر اولیه جغم . بر آیدن بری یوتقونمقدن
بوغولیوردم ... بر آراق بو اقسام دایم کله جک دیه سو نمشدم ،
کندی کندیسه : اوکا سویله رم ، دیوردم . صکره ، بردن بره
سنی کوریورنجه : آه ، تمام ، ایشته سعدون ، او بنی دها ای
آکلار ، وضعیت اعتباریله ده بری بریمزه بکزه یورز ، دیدم .
لیکن شیمدی سهکا باقیوردمه حتی فضله ایلی کیتدیکه حکم
ایدیورم . (آیانه قالقار ، سویلرکن صحنه نك اورتسه نك کشلردر)
مستریخ بر ناصیه ، آسوده کوزلر ... بوتون بو کوزل شیلری
بردن بره نه ایچون بولاندرمالی؟ دیورم ... (سعدونه دها زیاده
یا قلاشیر و پارماغنی اونک آلتنه قویه رقی) بیلسم ، بومکتب چوجنی
قفا سنک ایچنده نه وار ، اونی کورسم ... (پارماغنی چکر) شیمدی
سن تام بر حساب ایله قاچ یا شنده سک ، سعدون ؟ ..

سعدون -- ایکی قاپی آراسنده کی بویوک ماصیه دوغری ایلیلر

و صیچرایه‌رق اوستنه اوطورر ، آیاقلرینی بری برینک اوزرینه قوبه‌رق و صالح‌ایه‌رق .

بو سنه‌نک تشرین اولنده اون یدیسنی بیتیریورم ، غالباً کانون نایدیننده سن اون سگیزی بیتیره‌جکسک . کوریورسک آ ، بویوک بر فرق یوق . اون بش آیلق بر فرق ... صکره ؟ ... (پارمغیله قفاسنی کوس-تره‌رک) بو مکتب چوجنی قفاسنک ایچنده کیلرینی کورسه‌ک ، سنی تأمین ایده‌رم ، شراره ، قورقاردک . سن دمین بر اوچورومک قارا کاکلرندن بحث ایدیورددک . بر مکتب چوجنک باشنده او یله اوچ-وروملرک قارا کاکلری ، او قارا کاکلرک او یله قورقونج هائله لر یله او یله کولونج مضحک‌لری واردرکه ، اورا یله بافارکن انسانک باشی دوز ، کوزلری بولانیر ...

شراره

درد دیوار آراسنده حیات نه قدر کور یله بیلیر ؟

سعدون

درد دیوار ، فقط ایچنده قوجه بر محشر واردر . غالباً بش یوز شو قدر چوجقز . بو ، بیک قولاقلی ، بیک کوزلی بر محشر ایدرکه حیاتک درد کوشه‌سندن طولانمش بیکارجه ، بیکارجه حوادثله قاینار . براز کورمک ، براز ایشیتمک قابلیتمه مالکسه کز برکنارده اوطوروب سیر ایدیکز ، بوتون دنیایی کوره‌جک بر زاویه رؤتی اورانه بوله بیلیرسکیز . بز او زاویه دن بوتون حوادث

سیاسیاتی ، بوتون وقوعات جهانی تعقیب ایده رز . صکره بزہ اوفق
تھک دیدی قودیلر ، قیریق دو کولسر کندشتر کلیر . محله گوشه لرندہ
جریان ایدن حکایہ چکلر ، اولرک قفسلری آرقہ سندہ یسایان وقہ لہر ،
قاری قوجہ ماجرالری ، کلین قاین آنا غوغالری ، اوکی آناظلملری ،
یتیم چوجق فاجعہ لری ، داماد بکلہ خدمتچی قیز سرانجاملری ،
دہا بیلمیری یم نہ لر ؟ ... ہر چوجق اطرافندہ یا کندینہ یا محیطنہ
عائد ہر چوق حکایات ایلہ یاشار . کویا ہر ہری ہر صباح نازہ ہر
تفرقہ ایلہ اوقونہ جق ہر جریدہ کیڈر .

شرارہ

دیمک سز بویلہ او درت دیوارک آراسندن ...

سعدون

بوتون استابولی حتی بوتون دنیایی کورورز ، ہر حالہ
سنک یالی۔دہ کورہ بیلدی بکلک افقدن پک چوق کنیش ، و ، پک
چوق زنیکن ...

شرارہ

خی اور کوتیورسک . بن سنی سادہ جہ درسلا ایلہ مشغول ،
حیاتی کتابلرینک آراسندن کورن ہر چوجق ظن ایڈردم .

سعدون

حیات کلوب کنیدی علمنی ، کنیدی حکمتنی سزہ بخش
ایتمہ جک اولورسہ کتابلردن نہ چیقار ؟ ذاتاً مکتبک لطفی نہ در ؟

برياندن كئتابلارله تنور ايداييركن برياندن ده چوجقارلك آراسندن
حيات اوكره نيلير. مكتيبك كوزى لا شعاعى كيدير، اونكله چوجقارله
باقديكزى، البسه وعضلات آراسندن حياتك ، اصل حقايق حياتك
قديدينى كوررسكيز .

شراره — كولهرك

او حالده سن بندن دها عالم اوله جقسك .

سعدون

ظن ايدهرم . هله سن بكا براز اماره وير . ذاتاً بزم زمهرده
بن اماره لردن نتيجهلرى استخراج ايمكله مشهورم .

شراره

هانكى زمهرده ؟

سعدون

بزمكئبده طاقم طاقم آيريليرز . بو براز مزاجلره ، امللره ،
ياشلره ، و صنفلره كوره دور . بعضاً بودرت عامل هپ بردن اجراى
تأثير ايدر . اصل خوشلق ده اودره ، هر طاقده نصل اولوب ده برابر
بولوندقلربنه حيرت ايديله جك نمونه لوك تنوعى واردر . بر كره
آقشام اولوب ده نه ايريلر كيدنجه ... اونلر بر بارچه مكتيبك او كيلرى
كيدر ... يالئكز خارجه مناسبت ايچون پك قيمتدارلر . هله شهرك
هر بوجاغندن جييلرى حوادلته دولو كلك اعتبارينه عادتاً مهيب بر
جریده اداره سنك اطرافه صالديريلان آچيق كوز ، قولانغى دليك

مخبر آلابی کیدر لر ... اوت اقسام اولونجه طاقم طاقم طوپالانیرز .
 هانیا بنم اسکی پالطومی خاطر لایور میسک ، اوچ قیش اولسکی ...
 اوشیمدی بزم اجتماع پوستی اولمشدر ، سگیز اون ارقداش اونی
 باغچه نك برخالی نقطه سنه سره رز ، هر بریمز بر طرفنه ایلدیشیرزه ...
 کولمه ... بر کوچك پالطو اون کشی بی آله بیلیر ، یتیشیر که بهر بریمزه
 بر آووج قدر بر پارچه سی اصابت ایتسین ... اوزمان یواش
 یواش ، فقط دیدی قودی یاپار کی دکل ، اویله ، ساده جه قونوشه رق
 هر کس بر کونلک سرمایه استخباراتی اورایه دوکر . اونلر
 دوکولدکجه مثلثانک ، هندسه رسمیه نك ، کیمیا و حکمتک بوتون
 اودیکنلری اوزرنده کوپا بر چیچکک شاطر تبسمی ، منور قیدیلی
 آصیلیر . بو بر نوع درس خسته ائنگ قیل و قال ایله تداویمی
 قیلیندندر . رجا ایده رم ، شراره ، بکا بو رخسار خانم حقنده
 بر از واضح معلومات ویرسه ک آ ... کچن آی کلیشمده او ؛ بابابی
 و برادری ایله برابر اوچ کونلک مسافر دی ، بوسفر کلیشمده
 اونلری بوراده بوله جغمه ده واقف دکلام . بن بیلیرسه ک آ ، بو
 اوزاقدن قرابتلره پک عقل ایردیره مم .

شراره — سهدونک یاننه ، اسکمله یه اوطورمشدر . بر آئی سهدونک
 دیزینه قویه رق

اوزاقدن دکل ؛ بالعکس پک یاتیندن بر قرابت . رخسار خانمک
 بدری وجدی پک بابامک افر با سندن ... حتی اوکا دایی دیر .

شیمدی به قدر شوراده بوراده ، وهان دأما استانبولدن اوزاقده ،
 محاسبه جیلا کلرده کزمش ، نهایت ایکی اوج ولایتده دفتردار
 اولمش ، اک صوک مأه وریتدن یا عزل ایدلمش یا خود استغفایه
 مجبوریت کورمش بر آدم ... برکون بغتة قیزبله و اوغلیله یکی کویه
 داملا دیلر . او زمانه قدر یکنیله بوتون مناسبت ، نادرآ ، سندهده
 اوج بش مختصر مکتوب تماطیسندن عبارت ایکن نصلسه تخطر
 ایتمش که جمیل شوکت بکک غیر محدود بر زمان ایچون مسافر اولونه جق
 بر یالیزی واردر ...

سمدون

یالینک آب وهواسندن پک ممنون اوله جق .

شراره

بالخاصه آسندن ... هر اقسام باغچهده بیوک چنارک آلتنده راقی
 طاقی حاضر لانیور ...

سمدون

رخسار خانمده بزم بیوک دایمیزک قیزی دیمک اولیور ، بزه
 پک یاقین ...

شراره

بزدن ذیاده بابامه یاقین ...

سمدون

نه دیمک ایسته یورسک ؟

شراره

هیچ

اوفقی بر سکوت

سعدون

رخسار خانم اولنمه مشمی ؟ ..

شراره

قیصه بر زمان ایچون . دولاشیق بر حکایه ... (کوچک بر توقفدن

صکره) سعدون ! ...

ایکی قرداش درین درین باقی شیرلر

سعدون

برشی سویله یه جکسک ، شراره . نه ایچون سکوت ایدیورسک ؟

یاییله جق برشی ، کوریله جک برایش واسه ایکی باش و درت ایله چالیشسه ق

دها ای اولمازمی ؟ ..

(ایکی قرداش تکرار ایکی شمر اللریله طوتوش-ورلر ، و

سعدون اکیله رک باشنی شراره نك باشنه دایار ، صوکره قوقلاشیر

کبی - - - - - و تالاشسه سزاو پو شورلر . شراره اللرینی و باشنی چکک رک)

سعدون ! .. هانییا بر یاز باغچه نك بیوک حوضی چاتلامشدی .

خاطریکه کای-ورمی ؟ بوتون او خلقنه مراق اولمشدی . حوضک

صوی قاجیور ، بر طرفده بر چاتلاق وار ، فقط نره سنده ، بونی

کورمک ممکن دکادی . هر صباح ایر کندن سنکله اورایه کیدر و باقاردق ،

دینه درت پارمق اینمشر، دیردک. صکره بودرت پارمق بش اولدی،
 آئی اولدی، بریاندن طلومبه دن یکی چکیان صوابله اکیسیکی تماملامق.
 بریاندن چاتلاغی بولوب طیقماق چاره لری دوشونولدی؛ فقط هیات!..
 هر کون او بر درلو کشف اولونه میان چاتلاق دهها کنیشه یور،
 هر کون حوضک صوی بر از دهها اکیسیلیوردی.

سعدون

تمامیله خاطر لایورم. نهایت بوتون حوضی بوشالتمق، بالقلری
 بشقه یره نقل ایتمک مجبوتی حاصل اولمشدی ...

شراره

ایشته بن شمیدی اومزی بو حوضه، هر کون چاتلاغی بو بوین،
 هر کون صوی قاچان اوسسقط حوضه بکیزه تیورم. اومزک ده
 بر طرفنده بویله بر چاتلاق وار، و بو آسوده، ساکن، مسعود
 اؤک صوی، اونک همزی بختیار یاشاتان هوای سعادتی هر کون
 بر پارچه دهها اکیسیلیور، صیزوب قاچیور ...

سعدون — دالغین

نهایت بر کون اونک ده صوی، بالقلری ...

شراره

بیلسهک، صوک هفته لرده اؤک ایچنده نه بویوک تبدل وار!..
 بوتون بو تبدل بابامدن، اونده جریان ایدن وخیم اختلالدن کلیور...
 شیمدی آنه مدن قاچیور، اوندن اوتاروق، چکینه رک، کنهانی

قاچیران بر مجرم ، سرندن اوتانان بر خاشن قورقوسیه . . . باق ،
 بونلردن بحث ایدرکن کنندی کندمدن صیقیلیورم . . . ظن ایدیورم که
 بابامه دأر حکم ویرمک موقعنده بولونورکن بنده بر کنناه ایشله یورم . . .
 صکره بن ، هانیا بن دنیا نك اک یوز ویریلن بایلان بر قیزی ایدم ،
 شیمدی اک کوچوک شیلر منده کوزه بانان بر دیکن وار ، بن داتما
 دایاق بیین ، قوغولوب تپیزله نن بر صیفینتی قورقوسیه سینسی
 اولدم ..

سعدون

غالبا بنده آرتق شایان التفات کورلمه یورم . اک کوچک
 راحتسز لکلمه اک بویوک مراقله مقابله ایدیلیرکن دمین یوزمه
 بیله باقیلمادی . لیکن نه اولیور شراره ، نه اولیور؟ نه ایچون
 تماماً آچیق ، تماماً صریح دکلسک؟ ..

اوزاقدن صول طرفده* ایکنجی صف قاپیسنک آرقه سنده سس

ایشیدیلیر

شراره — ایله سعدونک آفرنجی قاپار ، ایکیسی بردن داورانیرلر
 ظن ایدهرم ، آنهم ، کلیور . آفرکن بر حرف قاچیره جق
 اولورسهک ...

سعدون

چو جقمیسک ؟

شراره

سکوت و تدبیر ..!

قاپی آجیلیر ، فرید بها ایله سلما خانم کوروشه رک کیررلر . سلما خانم سکون و حضور اینجده کبیدر . فرید بهایی متیسانه دیکار . بردن سعدونی کوره رک

سلما

آی ، سن نه زمان کلنک ؟

سعدون آنه سنه قوشه رق اولا آنی اوپر ، سلما اونی چکرک دراغوش ایدر

سولده برنجی وایکنجی قاپیلر آراسنده سلما اوطورر ، سعدون ایاقده در . بو ائناده فرید بها ایله شراره شقایق ماصه سنک یاننده یواش سله قونوشورلر ، شراره بریاندن چیچککاری آییقلار

اوچنچی مجلس

سلما سعدون فرید بها شراره

سعدون

دمین کلدم . براز شراره ایله قونوشورکن سز کیردیکز .

سلما

بن سفی بو کون بکله میوردم . امتحانلرک ایچون هفته تعطیللر کده ده

چیتامانغه قرار ویرد کدن صکره آنجق کله جک هفته صو کندو
کله جکسک ، ظن ایدیوردم .

سعدون

اوت ، فقط بردن بره برکوچک خسته لاق کچیردم ، امتلای
معدده دیدیلر . اولکی کیجه قرق بردرجه یه قدر آتشلنمشم ...

سلاما

صیح نه قدر صارارمشسک ، کل باقیم ..

چککرك ياننده صنداليه يه اوطورتور ، آنه اوغل کوروشورکن

شراره — فرید بهایه

بوجنس شقأق نه قدر دایانیور ، حزبرانده شقایق ... لیکن
آراق بونلر صوک چیچککله ، باغچه ده بردانه بیله قالمادی .. ایشته
تدقیق ایدیله جک بر معما ... نصل بر حادثه کیمبویه اولیورده
چیچککرك رنگارنده بو قدر تنوع اولویور . مثلا باقیکمز ، ایشته
آجیق افلاطون بر شقایقه صولوق بذه دیکر بر شقایق ... عین جنسدن ده
رنگارنده نه قدر فرق وار . بیلیرمیدسکمز ؟ سنک فنکمز هیچ ده
بو معمالرك تام برر جوانی بولامش ...

فرید بها

عین شیئی قوقولر ایچون ده سویله یه بیلیرسکمز ، حتی براز ده
ایلری کیده رک انسا نلر ایچون ، انسا نلرك مزاجلری ایچون ده

سویله به بیلیرسکیز . مثلاً نه ایچون بر شراره خام بشقه ، بر رخسار
خام بشقه ... هپ بر حادنه کیمیویه

شراره

اوخ .. رجا ایدرم ، بویکی اسمی یان یانه قویماییکز . سز ،
فن آدملی ، هر شینه ، مثلاً بوجکله باقدیغکیز نظرله باقیورسکیز .
سزک ایچون بر شراره ، یاخود ، بر رخسار آلوب بر کاغذک اوزرینه
قونه جق ، واورته سنیدن بر ایکنه کچیریلوب میخلانهرق آلتنه ایکی
تعیر فی ایله تعریف ایدیله جک بر بوجک مثابه سننده ...

بوصیره ده صاغدن ایکنجی قاپی آچیلیر و آلتده بر شینه ایله بر کوچک
پاکت وجدی بک کیر

شراره

دقت ایدیگیز ، باباسی کلیور .

دردنجی مجلس

اولکیلر وجدی بک

وجدی — شراره به خطاباً

شراره خام ، اسکله ده سزک بقالده بک ایدیندن بالاق یومورطه سی

یولدم ، احتیاطه رعایه برشیدهده اومورجه آلدیم . فرید بها بك
بلکه اومورجه ایله انسیت پیدا ایدر .

فرید بها

نیم ایچون بییوده کلفت ایتمشکنز . مزه لر کزه اشتراك ایتیم ،
دییم ، فقط دیگرندن بی عفو ایدرسکنز .

وجدی — سعدونله کوروشمکده دوام ایدن سلمایه
جیل شوکت چیقدیمی ؟

سلما

ظن ایدرم ، بالقی آوینه کیتدیلر . سزه مزه تدارک ایدر جکلر .

وجدی

کیم کیم ؟ ..

سلما

رخسار خانمله دلاور بك برابر چیقمش اوله جقلر .

شراره — آرتقی حاضر لائمش اولان چیچکلری طویلا بئرق آئنه سنه
آئنه ، بن بر آزدا ییمک اوداسنی سوسله ییم . عجا آتی واپوریه
کلیرمی ، دیرسکنز ؟ ..

سلما

اگر ترهنده بر تاخر اولمادیسه بك ممکندر .

وجدی — شراره یه

بونلری آلماز میسکنز ؟ بو آقشام تپدیسینه لطف ایدر سه کز ..

شراره — فرید براه
 فرید بك، وجدی بكك آئنده کیلری آلوب اورایه قورمیسکز؟
 بن بوچیچکلری قویوب کلیم ... دایم اوداسنده براز بهارقیه سی
 بولسون .

شراره صولده ایکنجی قاپیدن چیقارکن

وجدی — فرید براه
 بزده برابر باغچه یه چیقالمی ؟

فرید بها
 مع الممنونیه ، افندم . بن ده براز هوا آلق ایستردم .

وجدی — چیقمق اوزره ایکن سعدونی کوره رک
 وای، کوچک بك، سزی بردن فرق ایده مه مشدم . مکتب
 تعطیل می اولدی ؟

سلاملا شیرلر

سعدون

خیر، یالکیز بر قاج کون ایچون کلدم ، افندم .

فرید بها وجدینک شیشه سیله پاکتی شقایق ماصه سنک اوزریشه
 قویمشدره دیپده پنجره - قاپیدن چیقارلر

بشنجی مجلس

سلما سعدون

سلما

امتحان کوننه قدر قالمیه جقمیسک؟

سعدون

بیلمه یورم . بلکه بر کونده دوزم، بلکه صوک کونه قدر
 قالیرم . بو براز سحتمه، برازده . . . احواله تابع بر مسئله . . .
 (بر ثانیه توقف) بونه قدر مسافر، آنه جکم! بو آقشام داجیم ده
 کلنجه سفرده قاج کشی اولیوروز؟ بن بیلمم، سزکله . . . سز
 دیرکن بابامی و آبلامی ده برابر دوشونیورم . . . سزکله یالکیز
 قالماسم کندهمی اومدن بشقه بر یرده ظن ایدیورم .

سلما — جواب ویرمکدن قاجینهوق

دیمک خسته لغکده نی آرادک؟ . . .

سعدون — صوقولهرق . سلما خفیجه صاچلرینی اوشار

اوخ! بیلمهک نه قدر . . . اولابر تیترمه ایله باشلامشدی ،
 خسته خانیه مراجعت ایتدم . اجزاجیدن برشی ایستدم : «سلما
 سز خسته سکیز، محقق شدید بر نوبت کله جک . قغوشه کسه کیز
 دها آبی اولور! . . . دیدی . حتی وارمش . بن کیجه انکارمی ،

کتابلرمی کیدوبیتاقیخانهدن آلهرق خستهخانه قفوشنه کلنجه یه قدر نوبت باشلادی . بوکیجه حیاتمک اُک آجی برکیجه سی اولدی . آجی ، فقط آجیلغنه غریب برطانیلمقله مستیجا برکیجه ... اوت هم آجی هم طاتلی ، آنه جکم . چونکه بوتون کیجه قرق درجه آتشی ایچنده یانوب طوتوشورکن هب سزیم باشمک اوچنده ایدیگز . نه زمان کوزلرمی قاپاسیم ایچنده سزی کورییوردم . اجزاجینک صیق صیق آلمه قویدینی ایصلاق بز نهیدی بیلیرمیسکیز؟ سزک اُلکیز... دالغیناغمک ایچنده کویا اُلرمی اوزاتیور، سزک اُلرکزی چکوب آلمه کوتوریور ، ایچمدن : « آنه ! اُلرکزی هب بویه دورسون هیچ چکمه ییکیز ! .. دییوردم . (سعدون سویلرکن سلما اُلنی چکمشدر ، بر آراق یوزینه باقاییه رق دالاره حس ایدیلیر که اغلاماق ایچون اوغلنک یوزینه باقاییور .) شقاملرمده دامارلرم آنارکن کویا بر ساعتک منتظم طیقیرتیبیلله سزک سسکیز : سعدون ! .. سعدون ! .. دییور کیدی .

بردن آنه سنک آغلادیغنی فرق ایدر

لکن آنه ، سن آغلایورسک . (اسکمله سندن قایار واوکنده دیز چوکزک) نیچون آغلایورسک ، آنه ؟ .. ایسترمیسک باشی هیزلریکه قویهیم ، او باشلر یوزیمه دو کولسون ، آنه ؟ .. برربرر ، یواش یواش ، هر قطره سی سندن بکا بر محبت کتیره رک ، بکا بر تمی ، صحت ، بردعای سعادت بخش ایده رک ، یوزیمه ، کوزیمه دوشدکجه ،

بیاسه که قدر، نه قدر بختیار اولوردم! لیکن نه ایچون آغلا یورسک؟..
 سلما — کولکه چالیشرق ودها زیاده متأثر اولماق ایچون سعدونی
 اینترک

دوشونیورم که ایکی آی صکره کالاً یالکیز قاله جقسک .
 چوجقلر هپ یوواندن اوچق ایچون یارادلمش مخلوقلردر . کونلر
 کچدکجه ، قنادلری قوتلندکجه محزون بر یووا ایله قارشی قارشی
 دوشونن برچفت اختیار انا بابا براقه رق ییکی یکی افاقه ، بشقه
 بشقه مقدراته دوغری اوچوب کیدرلر .

سعدون — آیاغه قالمشدر

اسویچره او قدر اوزاق بریرمی؟ بر صیچرایشده انسان کندینی
 اوراده بولور... آلتی آیده بر بن بوراده میم . آلتی آی ، او قدر
 اوزون بر زمانمی؟.. صکره کوره جقسک ، بندن همان هر کون
 بر مکتوب آله جقسک ، بهضاً بر سطر ، بهضاً اون صحیفه ، بر کون
 یالکیز بر سلام ، بر کون اوزون بر حکایه ، هر حالده هر کون بر
 خبر .. آننه اوغل باقبشیرلر .

سعدون

اولا، بورادن کیدرکن هپ برابر کیتمه یورمی بز؟ هانیا بابامک
 اسویچرده بر موسم کچیرمک فیکری واردی ..؟

سلما — بر آز عصی آیاغه قاله رق

بیامم ، حالا اونکر نده نبات ایدیورمی؟.. (کندی کندینه

سویلرجه سنه) حیاتک جریانی اولدن تمقیب ایتمک ممکن اولورمی؟..
(جامگانک قایسی آچیلدیغی حس اولونور ، سلما متلاشیانه)
کایورلر، ظن ایده رم. سن چانطه کی حالا اودا که کوتورده جکسک..

جامگاندن جمیل شوکت بکله رخسار ودلاور کیررکن سمدون
سیوی شیرجه سنه ، و رخسارله دلاوری خفیف سلام لایه رق ، چانطه سنی ،
بارده سوسنی ، باستوتی ، فسنی طوپلایه رق ، صولده شراره نک چیقدیغی
قاییدن چیقار . رخسارک باشنده بر ایشلمه لی آتتی ، آرقه سنده ظریف
بریلدیرمه واردر .

اونلر کولوشه رک، قونوشه رق کیررکن سلما کندیغی طوپلامشدر،
و ، بشوش برچهره ایله هپسنه بردن خطاب ایده رک



آلتنجی محاس

سلما جمیل شوکت رخسار دلاور

سلما

نه قدر چابوق عودت ایتدیگز، قورقارم برشیار طوته مادیگز.

جمیل شوکت

صولرده یراز چالقاتی واردی، قلندرہ دوغشو آچیله جق
اولدق، رخسارک باشی دوندی ...

وخسار

دکز چیلکه حالا آلیشه مادم ...

دلاور

أوت ، فقط بالق آوجیلغنه پک جابوق آلیشه دك. برقاچ
دقیقه ایچنده اوج بالق طوتدی.

وخسار

بو مهارتدن زیاده اثر طالع ...

سلما

نه قدر ایی ا بك بابا كزه مزه كتیر مشسكز . . . (اطرافنه
باقه رق) صحیح ا بك بابا كز دمین شراره یه مزه یه متعلق برایش
حواله ایدیوردی ، (کوزی شیشه ایله پا کته ایلیشه رك) شراره
دایسنك اوداسیله مشغول اولورکن بونلری اونوتدی ظالما ...

شراره بو صوك سوزلری ایشیده رك کیرر

یدنجی مجلس

اولکایلر شراره

شراره

خیر، خیر، هیچ اونوتمام ... انسان بو قدر مهم بروظیفه یی

نصل اونوته بیلیر؟ بن اوك اینجه کیلار ناظری دگلی بم ؟ ...

ماصه یه دوغری ایلرلرکن دلاور اوکا رفاقت ایدر ویواش سسله
بیلدشهرق برشیلر سویلرکن، شراره، اونی هم مهم وجمول بر نبسمله
دیگله یور کبیدر، هم شیشه ابله پاکتی آیرکن آنه سنه

آنه .. سعدون اوداسنده هر شیمک قارمه قاریشیق اولدیغندن
شکایت ایدیوردی . دولابی آچیلمش ، کتابلری آلت اوست
اولمش ...

دلاور

اوو .. بوئم قباحتم ، کیجه او قومق ایچون بر کتاب بونق
ایسته مشدم .

شراره — دوام ایدرک

بر کره اوغراسه کز ... بن ده وجدی بکله، تپسیدینی حاضر لایه ایم .

بو مدت ظرفنده جیل شوکتله رخسار ، اطرافه لاقید ، صولنده
برنجی قاپی ابله ایکنجی قاپی آراسنده کوروشورلر . سلما اونلره متفکر
برنظر آتهرق ایکنجی قاپیدن چیقار .

دلاور — شراره نک پشنی بر اقیهرق و بیلدشیق
بن ده سنزه یاردیم ایتسه اولمازمی ؟ ..

شراره

سنزظن ایدهرم، بندن زیاده پدیریکزه یاردیم ایتک آرزوسنده سکز ،
برکون یاقه بی آله ویره جکسکز اما ...

دلاور

اووخ ا.، بونده قورقه جق برشی بوقی. پدرمده کوزیوموله جق
شیلری کورمه مک هنری واردر. سز ایسترسه کز ، باغچه نک بر
طرفنه کیزلیجه بر کوچک تپسی دها قوردیکز ...

شراره

بن هیچ کیزلیجه یاییله جق شیلره قاریشمق مزاجنده دکل
دلاور بک .

دلاور

یو کککک یاربسی بن طاشیهیم .

شراره

نه حاجت ا او قدر آغیر بریوک دکل ... (کوله رک واستمهجال
ایله چیقار ، دلاور تعقیب ایدر)

سکزنجی مجلس

جهیل شوکت رخسار

رخسار او طور مشد . جهیل شوکت آیاقده ، دیرسکارینی مامسهیه
دایامش ، مستغرق بر نگاه ایله اوکا باقنده در . شراره ایله دلاور

چیقدن صکره اطرافنه باقار ویا لکیز اولدقلرینه کسب امنیت ایتدکن
صکره و خسارک یافه سیله آتقیسنک آراسنه، اگسه سنه دوداقلربی قویهرق
اوزون بر بوسه ایله اوپر

وخسار — اولا سربست براقیر، صکره بر آرز چکیله رک
یتیشیر، جمیل بک. کندیکزی فائب ایدیورسکیز.

جمیل شوکت — باشنی جکر؛ فقط تکرار، متهیج، یوز یوزه، کوز
کوزه، دوداقلرینک آراسنده کوچک بر حمله ایله قطع ایدیله جک بر مسافه
قالدق

بیلسهک بودقیقه یی نه قدر صبرسنز لقله بنگله یوردم. اولا دلاور
کلیمه جک طن ایتشدم ...

وخسار

اونی بن دعوت ایتدم. هر دقیقه سزک بر احتیاط سنز لنگزدن
قورقورم. قایقده یالکیز قالمش اولسه یدق، محقق قارا کلق باصینجه به
قدر چیکه جکدک. حال بوکه بو آقشام اوزون بر سیاحتدن صکره
قاینکیز کله جک.

جمیل شوکت

بک اعلی بیلیورسک که سندن بشقه سنی دوشونه جک حالده
دکم ..

وخسار

اوت بیلیورم، فقط بونی فضله بولیورم، صباحدن آقشامه
قدر هب نی یالکیز بولق ایچون دسیسه اعمال ایدیورسکیز ...

جیل شوکت

صباحدن آقشامه و آقشامدن صباحه قدر...

جیل شوکت هپ او وضعیتده و کیتدیجه مست بر حالدده در

رخسار

بن دده متناوباً سزك د-یسه لركزه قارشى تدبیر ایجادیله مشغولم.

ایکیمزده یورغوئز، هر حالدده خوش بر مشغولیت دکل ، ص-کره

تهاسکه ...

جیل شوکت

نه تهاسکه تصور ایده بیلیر سکیز ؟

رخسار

اطرافزده تهاسکدن بشقه نه وار؟ پدرم، برادرم ... (جیل

شوکت او موزلرینى سیدلر کیدر) صکره زوجه کز، چوجقلر کز...

دوشونکیز بر کره، بر نانیه لك بر سقط سزك حیاتکیزی،

سعادتکیزی محو ایده بیلیر ...

جیل شوکت

نجه یکانه حیات، یکانه سعادت سنسک، یالکیز سنسک .

خهنمک ایچنده سندن بشقه بر شیدک یشایه بیله جکینه امکان ویرمه یورم.

رخسار

خیال محال!.. ایشه اونک ایچون آرتق کری دونمک لازم

کلدیکنه قرار ویریورم .

جمیل شوکت

دیمک چکن کیجه اونك ایچون کلمهك ، اوچ کوندن بری ده
بندن قاچپورسك .

رخسار — اسکمله سنی براز کری چکمه که چالیشهرق
جمیل بک، ظن ایده رم ، براز جدی اولوق زمانی کلمه دره .
دوشونمکنز بر کره ، بن کنج بر قادینم . بدبخت بر ازدواجك
ایچندن، اختیار بر قوجهك قوللرندن چیقمش ، هنوز حیانتده
عشق ایله یشامغه وقت بوله مامش ، غیر مطمئن بر احتیاج ایله
تیره بن بر قادینم . بردن اوکمه سز چیقدیکنز . سزی بر بولوط
آراسندن ، وضه یکنز حقیقتی کورمه که مانع اولان بر بلوط
آراسندن کوردم . بر آن غفلت ایچنده ، بنی سرسم ایدن ،
دوشونمکن ، اطرافی آکلامقن آلیقویان بر جنت آراسنده ...
یوق ، اعتراف ایدیکنز ، رجا ایده رم ، بو بر قضادن بشقه نه به حمل
اولونه بیلیر ؟ . فضالر تکرر ایتدکجه ... قورقپورم که ... اوت ،
قورقپورم که نهایت سزی دکل ، کنندی نفسمی ده اداره ایتک ممکن
اولیه جق ... (ایله جمیل شوکتک کوزلرینی کنندی کوزلرندن چویرمک
ایسته یورمشجه سنه کولومسیه رک بر اشارت ایدر ، فقط هیجان هر
ایکی سنده غلبه چالار ، دوداق دوداغه ، اوزون بر بوسه ایله
اوپوشورلر . رخسار ایلاغه فیرلار) کورپورمیسکنز ؟ . هر
دقیقه عین کردابک کنارنده یز ...

جیل شوکت — سرمست

بیلسهک ، رخسار ، حیاتمک ایچنده نصل بر اخلال یابدک .
 بنی بکا بخش ایدن ، بوش بر حیاتمک ایچندن ، دولو ، زنیکن بر
 حیات چیقاران براختلال ... آم ! بن نه قدر تهی بر عمر کچیر مشم !
 تا کنجلیکمندن بری ، یالکز ازدواجک صیجاق هواسنده او یوشان ،
 او یوقلایان بر عمر ... بوتون خاطر اتمک ایچنده بر رعشه عشق ،
 بر بجران سودا ایله صار صیلمامش بر عمر ...

رخسار

زوجه کزی سومه دیکز می ؟

جیل شوکت

بالعکس ، فقط نصل تعبیر ایدیم ... هایا را کد هوالده
 او یویان صولرک اوستنده ، ایصلاق یلدکنلر بنی ، جانمزه ، روحمزه
 برفتور ایله کونشه کره رک ، افقدن آسه جک بر روزکاره منتظر
 یکلین کیلر وارد ، بر کون ، بش کون ، او یله او یور . ایشته
 حیاتمده ، حیات ازدواجده بویله او یویان برسکون وارمش ، یکر می
 سنه کندی کندندن بی خبر بر توقف ... بردن ، ایشته ، سن بنی
 دیر یلتهن ، او او یوشقلمک ایچندن چکوب چیقاران قوت ، او
 یلدکنلری نا کهمان تیره توب آچان روزکار اولدک ... منور افقلمه ،
 مسعود سمالر ، آجیق دکزلر وعد ایدن روزکار ...

وخسار

غریب !!

جمیل شوکت

وین شیمدی آرتق بوروزکارت اوکنه دوشمک ، اونک باش
 دوندیرن وزاننه تسایم اوله رق ، زنجیرلرمی قیروب قوپاروب ،
 اوچوق ایسته یورم . نهایت ، بویم حقمدر ، براز یشامق ، اوت ،
 براز سنک ورم جکک جنت انچنده یشامق ...

وخسار — دوداقلربنک آراسندن

براز !! کیم بیلیر !!

جمیل شوکت — لرزه دار

کیجه یاریسندن صکره اوچه قدر پنجره کک آلتنده بکلهدم ، بش
 دقیقه دن ، بش دقیقه یه پنجره نک جامنه باغچه نک قوملرندن آتیوردم ..

رخسار

ایشیدییوردم ، حتی بردفمه دلاورک جامنه تصادف ایتدی ..
 کنددی کندیمه دییوردم که : نه چوجوقاق !! زوجه سنک شهه سی
 دعوت ایتمک ایچون آلتدن کلنی یاییور . صکره نه ضعف !! بندن
 اورنک آلق ممکن ایکن ...

جمیل شوکت

آه بیاسهم ، سنک ده بکا بر مجلوبیتک اولدیغنه ، او مجلوبیته
 قارشى مجادله ایتدی که حکم ایتسهم ...

رخسار

چو جوق کبیسکنز ... ساعتی که پرده نیک آرقه سنده، باغچه دن
سزک کولکه کزی کوره رک، هر دقیقه اینمکله تکرار یتاغه کبروب
اویومق آراسنده چیرینه رق ..

جیل شوکت

او حالده، نه ایچون اینمدهک؟ .. قاج کره کیدوب او گوشه جکمزى،
ایکی چامک، آراسنه صیقه شمش سدری طواف ایتدم. اوراده دهه
مسعود کیجه لردن قلمه برقیه رایحه، مشام روحه سنک کنجه لککی،
سنک عشقکی، سنک حرارت ورعشه کی کتیرن، بریادکار هو
قو قلام.

رخسار — دالغین

نه لزومی وار؟ هیچ برتیجه به واصل اولمق امکانی بولونمایان
برماجرا ... یارین، آرقه سنده الی الابد دول بر قیز طاشیمغه
فضله بریوک نظریله باقان داییکز بکایکی بر قوجه بوله جقدر. بوینه
یامعلول بر فریق، یاخود متقاعد بر متصرف اوله جق. بلکه ده
سزک فرید بها بکه بکزه بن بر سر سمک قوللرینه بر اقیله جقم.
« بویوکی بر ازده سزطاشیدیکز! » دییه جکلر. او قدر ... اوزمان
جیل شوکت بکده حیاتنک افقندن سریم بر شمشک کچمش
اولدیفنی تحطریله ایتیه جک ... یوق! .. یوق! .. قناعت ایتدم که
بوسر گذشتی بونقطه ده بر اقق لازم

جیل شوکت

سبب ؟ .. حیاتده سعادت ساعتلی او قدر مبدولیدر که بر قاچ
 دقیقه بختیار بی کندی نفسمزدن دریغ ایتک ایچون بودرجه
 چالیشهلم ؟ باق ، نیم عمر مده آراتق قابانمق زمانی تقرب ایدن بر
 کتاب ایله سنک هنوز مقدمه سی تعین ایتمهش بر کتابک وار ،
 ایکیسی ده قورو ، بوش بر کتاب ... المزه مشترک بر صحیفه جنت ،
 بر قصیده عشق یازم جق بر فرصت کچور ، بوفرستی تصادفک بر
 لطفی بخش ایدیور ، بنجه اوندن استفاده ایتک بر حقدر . او
 دقیقه لری برابر یشامق ، یشارکن ، نه موجودی نه محتملی ، نه
 آرقده قالانلری ، نه ده او کمزده بکله ینلری دوشونمه یه رک ، سرخوش
 اوله رق ، چیلدیره رق ، یشامق ... باق ، کوزکده اومستینک
 بایغینلقلرینی مزبورم ... صکره بگا سنی بکله یین احتمالاتدن بحث
 ایتمه ؛ سنی بشقه سنک اولمش کورمکه ممکن نظریله یاقه ایورم ،
 رخسار ...

رخسار

بلکه ، شیمدی ، شو دقیقه ده اوله دوشونورسکنز ، فقط
 یارین ؟ .. یارین آراتق رخسار اویکمزده سکونی بوزان بر آفت
 روزکاری حکمنده تلقی ایدیلنجه ... او زمان رخساره بر قوجه
 یولمه چالیشه جقلرک او کنه بلکه سز کندیکنز دوشه جکسکنز ...

جیل شوکت

بوکا سنده احتمال ویرمه یورسک یا ... نی چیلدیرتمق ایچون
 سوبله یورسک. نی دها زیاده سرخوش کوردکجه اوزرمده قدرتکک،
 سلطنتکک یکی بررهانی مشاهده ایتک ایسته یورسک. نی دیکله ...
 یوکون، شو ساعتده حیانتک مدھش بر آنی یشایان بر آدم
 مثابه سندهیم. بو آن اوله بردقیقه قطعیه درکه اونک اثنای گذراننده
 هرشی یا بردن حیانتیه حیات علاوه ایدن بر شفقه طوتوشه جق،
 یاخود، اطرافه بیغیلویورن بلوطلر آلتنده سونیورره جکدر ...

رخسار

دوام ایتمه بیگیز

جیل شوکت — سرمست

بوکیجه، امینم، سلما برادريله برابر اوزون مدت کوروشمک
 ایسته یه جکدر. بن اوراده سکا منتظر اوله جقم ...

رخسار نفسيله مجاهده ایدیور کبدر، کوزلری اوکنه معطوف،
 پارملری آتقیسنک صاچاقريله مشغولدر .

کله جکسک، دکلی رخسار؟ ... اوت، دی، اوت، دی! ..
 کوزلرکله

رخسارهب اینیک کوزلریله « اوت! ..» دیر، صکره بردن سیلکینه رک
 جامکانک قایسی آچیلدی ...

بر آدیم کريله يه رڼک آبريلبرلر ، آچيق پنجره - قاپدن ايکي آندمه
ايکي بويوک يول چانطه سيله براوشاق کورونور .

جميل شوکت — اوشاغه ، سولده ايکنجی قاپی پی کوستره رڼک

کلديمی ؟ .. اولری او طرفه کوتوریکیز ...

(متعاقباً حکمت کمال بك ، آچيق رڼک بر قوستومله ، آندمه

برباستون ، قوانده مهمملانه طوتولان بر ماق فارلان ، کوچک بر

أل چانطه سی ، شوخ وهنوز کنج بر مشوار ايله ایجری کیرر .

رخسار برنجی قاپینک اوکنده در .)

طقوزنجی مجاس

اولکیلر حکمت کمال

جميل شوکت — تهاکله

اوخ .. نرده قالدیکیز؟ .. اعنلردن بری سزی بکله یوردق .

در آغوش ...

حکمت کمال — جميل شوکتی ايکي آلرندن طوتوب ، باقهرق ، سوزهر

هنیزم ، سز کیتدکجه کنجله شیمورسکیز . سزی تأمین ایدرم که

بو ايکي سنه ایچنده هیچ اولمازسه ايکي سنه کری یه کیتمشسکیز ...

یو ازدواجک بر نعمتی ظالما ...

جیل شوکت

اونی بیلمم ، فقط سزوده بکاراق عین اطفی کوسترمش...
 باقیم ، شقاقلر کزده هنوز بررنک اهانت یوق ...

حکمت کال — أئنده کیلری مولده ایکی تیو آراسنده
 ماصه یه قویغی اوزره ایلریلرکن متناوباً جیل
 شوکت و رخساره بافرق

عجبا طانیما دینم برخانم قارشیدسنده مییم ؟ ..

جیل شوکت

کشف ایدیکنز باقیم ...

حکمت کال

هرحاله طانیمقله پک افتخار ایدیله جک برخانم ، فقط ...

رخسار

رخسار جاریه کنز افندم ! .. (پک ادیبانه تمنا ایدر)

حکمت کال

کوزل برچه رهنک اوزرنده کوزل ، پارلاق براسم ، واقعا
 بکا او قدر بیگانه براسم ده دکل ...

جیل شوکت — امدادینه شتاب ایدره ک

دایمی طانیمشدیکز : وجدی بک ... شیمدی تخطر ایدیور-

میسکیز ؟ ...

حکمت کمال

آه .. ایشته کوردیکز می بر کره ؟ .. شقاقلر مده اثر اهانت
 یوق اما حافظه مک هر ساعت بر خیانتته تصادف ای دیورم . لکن
 بونده بر ازده معذورم . بز، یاشیلر ، او قدر چابوق دیکشمه بز ...
 ظالبا دیکشمک هر حالده ضرریمزه اوله جفنندن استعجاله لزوم
 کورمه یورز . اما چوجقلر او یله دکل، اونلرده بالعکس دیکشمکله
 قازانه جقلری ایچون ... مثلا رخسار خانم ، ظن ایده رم، تام اون
 ایکی سنه اولدی ، ینه بوراده بر مسافر تلی ائناسنده ... او زمان
 اون یاشنده وار میدی ؟ ... دایما دیزلریمک اوستنده ... اووخ ..
 عفو ایدرسکیز ، باقیکیز ، نصل بر خاطرهدن بحشه قالدیشدم ...

رخسار — کوله رک

یوق ، اقدام ، نه باس وار ؟ بالعکس ...

حکمت کمال — جیل شوکته

دقت ای دیور میسکیز ؟ نه باس وار ، بالعکس ، دیورلر
 بو، بکا بر بابا یاشنده اولدیغمک ظریفانه براخطاری .. (رخساره)
 برده ، برادر بکیز واردی، ظالبا سنک آنجق ایکی یاش بویوککیز .
 دوریکیز باقیهیم، او قدر اختیار اولما دیغمک بر بهانی کوستره جکم .
 ینه بویله پارلاق بر اسمدی، رخساره بکیزه ین برشی .. اوت، دلاور،
 دلاور ... اوده مطلقا جیلریمی قاریشدرر، چو فولانه، شکر، لوقوم،
 نه بولورسه آشیریر قاچار ، حق بر کره ... سیغاره لریمی بیله ...

رخسار — آجیق پنجره — قابی بی کوستره رک
ایشته کلیور ، افندم .

اونجی مجلس

اولا قوشه رق شراره ، برایی خضاه مسافه ایله دلاور ، دها
دها صکره وجدی بکله فرید بها کیررلر

حکمت کال — شراره بی قوجا فلاهرق و صاچلرینی یوزینی ، کوزینی ، اوپه رک
آه نیم شراره جکم !.. دایدسنک جانی ، جانک ایچینک ایچینک
ایچی ...

اونی براقیر ، دلاوره آنی اوزاتیر

وای ، یوقوجه بر آدم اولمش ... بنسه حالا او کوچک سیغاره
خیرسزینی کوره جکم ظن ایدیوردم . باقیکز ، عزیزم ، شمدی
ایسته دیککز قدر سیغاره ایچه بیلیرسکز ، وهیچ کیزلیجه آشیرمغه
لزوم یوق . (ملاطفه کارانه جیمیدن قوطوسنی چیقاروب ویره رک)
آرزو ایدرسه کز بردانه بکا براقهرق متباقیسنی آله بیلیرسکز ...

وجدی بکله سلاملا شیرلر

افندم عافیتده سکز ، انشالله ...

فرید بها — ایلریله بهرک مصافحه ایدر

حکمت کمال

بن سنی پارسده بوله جغم ظننده ایدم ، بالطبع سنی آرامق ایچون حیوانات نمونا کاهنده ، مشهر هوام جامکانلرینه آوشدم ... سنی اوراده بوله مایجه صوروشدیرمق ایسته دم . بوتون محافظلر سنی طانیورلردی . اوت ، اوت ، ترک عالمی ! دیورلردی . آکلاشیلان سن تدقیقاتکی بیتیرمش ، عونت ایشدک ... نصل ، بوجکارک نصل کیدیور؟ یکیدن یکی به عالم خلقته قازاندریله جق بوجکار بولیورمیسک؟ (بردن ، صولده ایکنجی قاپیدن فیولایان سمعوئی کوره رک) آه ... ایشته یربوجک ... ایشته نیم بوجکم ... نیم مینی مینی بوجکم ... (اوموزلرندن طونار و یوزینه قدر یوکسه لته رک اوپر ، اوپر ، اوپر . ینه بو صیره ده سلما کیرمشدر .)

سلما — وقور ، اصیل

اغابک ...

ایکی قرداش آراسنده ساکت ، ساکن بردراغوش . ایکیسنده برتائرواردر . هرکس اوزاقدن یاقیندن آزچوق متبسم ، محب کوزلرله حکمت کالی محیطدر .

وجدی

نه ... ظن ایدرم ، آرتق ایشمزه دونه بیلیرز .. رخسار ، هانیا سن ده بزه عود چاله جقدک . فرید بهاک دفترلرینی دولدیررکن سن ده براز بزه شطارت ویرسهک ...

رخسار

کلیورم ، بك بابا ...

وجدی، رخسار، دلاور، فرید بها آجیق قاپی پنجره دن چیقارلر.

حکمت کمال — جیپندن بردمت آفاختار چیقاروب شراره یه ویره رک
شراره، سن ده بنم چانظه لری آچار، اشیاپی یرلشدیررسک .
صکره سنکله برابر آچیله جق پاکتلمر، میدانه چیقاریله جق دینه لر
وار، آ. کلا یورسک آ...

چانظه، پاردده سو و باستوتنی سعدونه ویره رک، وبر ایلله بناغنی
صیقرق
سن ده آبلانکه یاردم ایدرسک.

سلما

بکاده اون دقیقه مساعده ایت، سن انشته کله براز قونوشونورکن
هم اودا که، هم سفره یه برکوز آتیم. (جمیل شوکته) بنیمکی
ینه قریه یه ترتیب ایدیورم.

هب برابر صولدن چیقارلر

اون ایکنجی مجاس

حکمت کمال جمیل شوکت

حکمت کمال — ایافده، صحنه ک اورته سننده، قارشی قارشی به، محاوره
ایلرله دیکه، صول طرفه دوغزی کچزلر.

بیلیرمیسکز، انشته؟ انسان زمانک کچد بکنه، آرقده برچوق
 شیلری دیکشیدروب بشقه لاشدیره رق کچد بکنه واقف اولق
 ایچون براز اول بر اقیلان یرلره دونه لی ...

جیل شوکت

ایکی سنه ایچنده او قدر بویوک بر تحوای کوریورسکز؟
 بن هر شینک یرنده قالدیغه ذاهیم ...

حکمت کمال

ایشته بشقه بشقه ایکی فلسفه نیک ، سزک و نیم فلسفه لر مزک
 بشقه بشقه نتیجه لری ..

جیل شوکت

دائما او طوردینی یرده قالان بر فلسفه ایله دائما دولاشوب
 کزن بر فلسفه .

حکمت کمال

وبالطبع بو ایکسینک بشقه بشقه جریانلری، بشقه بشقه
 نتیجه لری وار، پنجره سنده غیر متحرک عین گوشه افقه باقان بر کوزله
 بر سرعت قطارینک پنجره سندن دائما متجدد مناظر سیر ایدن
 بر کوز آراسنده کی فرق رؤیت ...

جیل شوکت

بری میخا لوب قالدینی دایکک آراسندن ص باحلاک عینی

داغلا اوزرندن اویاندیغنی، عینی کیجه لرك عینی داغله لرك اوزرینه-
 دوشدیکنی کوره لرك فرض ایدرکه بونلر هپ دونن فقط دونه دونه
 عین نقطه لردن کجه لرك هیچ ایلری کیمه یین برساعتک ابره لری
 کیدر ...

حکمت کمال

اوت، سزه کانولر هپ اوقار لرینی، بهار لر هپ اوچیچکلرینی
 کتیردجه سز سنه لرك قاچدیغنه، بی انصاف بر سرعتله کچوب
 اوچدیغنه دقت ایتمز سکز، یکنفسقلنگ اویوشقلانی ایچنده ظن
 ایدر سکز که هر شی یینه اوشیدر، یینه او حالده در ...

جیل شوکت

کندی کندندن، حیادت، عالمدن ممنون اولمق و بوتون بو
 ممنونیتلری سزه ویرن شیلرله الی الابد برابر قالنه جقمش وهمی
 ایچنده یشامق ایچون اک عاقلانه بر تدبیر ...

حکمت کمال

بلکه ... ذاتاً سز تا که چک یاشکزدن بری بوفلسفه یه نامزد
 کیدیکز ... بن، بن ده بالعکس ... ایشته دمین، بردن بره قارشیمه
 شراره نی یارین اولندیر یله جک، سزی احتمال برسنه صکره بویوک
 بابا یابه جق برکنج قیز، سعدونی همان براز صکره بیقلرینی بوره رق
 بگا بر اقران معامله سنه باشلا یه جق برکنج آدم حالنده کورونجه

کندی کندیمه دیدم که : اوخ ! نه اعلی !.. انشستهم بونک هیچ
 فرفته دکل

جیل شوکت

نه یک ؟ ..

حکمت کمال

اونلرک بویودیکنک ، اونلر بویودکجه سنه لرک کچدیکنک ...
 مارتده سنبللرینی ، نیسانده لیلالقرینی ، مایسده کللرینی بکلن ،
 وهرکلن مارتله نیسان و مایسک هپ ینه او مارتله نیسان و مایس
 اولدقرینه ، او سنبللرله لیلالقرلرک و کللرک هپ ینه عین نشیده حیاتک
 متکرر نقراندن عبارت بولندیغنه ایمان ایدن بر آدم ... مسعود بر
 آدم ، آسوده بر اویقونک مفرح رؤیاسنده اویویان بختیار بر حکیم ! ..
 (ائی اوموزینه قویهرق) بن ، بن بالعکس هر شیشی دکیشمش ،
 هر شیشی اسکی حالندن چیه قهرق بشقه بر حال آلمش کور یورم ،
 واصل فنالق کندیمی بو دکیشمش شیلرک آراسنده کور یورنجه
 بردن بره حقیقتی ، یعنی کندمده اودکیشمه نک بر تجلیسنی بول یورم ...
 (ائی صالیو بره رک و حیران بر نظرله انشته سنه متبسمانه باقهرق)
 یالکیز ، دکیشمه یین برسز وار سکیز ...

جیل شوکت

عجبا ؟ ..

بردن ناصیه سنه دوشن براندینه کواکبه سیله اوطورور

حکمت کمال

سز ذاتاً هپ اریله ایدیکنز . سزك ایچون بوتون حیآنده قطع
 ایدیله جك مسافه یکی کوبدن کوپری - باب عالی ، باب عالی دن کوپری
 - یکی کوی ایدی . امینم که بو شریك خار جنده قالان عالمی ...
 عالم دیرکن استانبولی مراد ایدیورم .. پک مهم فیکر لر له طانی رسکنز ...
 بن تا او وقتدن اعتباراً آراضده بر تضاد اوله جفته ... یعنی بر تضاد
 نظر اوله جفته قانعدم ... فقط یکدیگری نی خصومتله ، کینله تاقی
 ایدن ، دانما جدال و نزاع ایچنده پنجه لاشن بر تضاد دکل ... بری
 برینه قارشی انصاف ایله باقان ، حتی آراده موجود فرقی یکدیگری نه
 محب اولمغه مانع عد ایتمه یین بر تضاد ... عینله مائی کوزلی بر آدمک
 قاره کوزلی بر آدمله سسویشه بیلمه سی قییلندن حتی معتاداً
 همشیره لرینی آله جق اولان لره قارشی برادر لک دویدق لری قیسقانجا قادن
 بن اوزاق قالمشدم ...

جیل شوکت

صیحیح ، نصل اولمشدی ؟ .. سز ده اول طانی شمشدق ،
 ظالما ...

حکمت کمال

اوو ... ایچه اول ... سز نخطر ایته یور میسکنز ؟ ...

جیل شوکت

اوت ، شیمدی دوشونجه تکرار کورر کی اولدم ... سز

هنوز طیبہ دن چیقمش ، کافخانہ یہ ملازمہ دوام ایڈیورڈیکز ،
 ایچہ صاری بیقلر کزلہ ، دائما کونومسہین ، یشیلی ظالب مایسنک
 ایچندہ براستہزا وارظن اولونان کوزلر کزلہ شاطر برکنجدیکز ،
 بن مکتب ملکیہ دن ہنوز چیقمشدم ، شورای دولت اوراق
 اوداسنہ آینمشدم ... پدریکز ، والدہ کزادرندہ چفتلک ایشلرینی
 بیتردیکہ ...

حکمت کمال

حتی اکثریت اوزرہ بیترمدن ، بوتون قاریشیق ایشلری
 کتخدانک باشنہ دولایہرق ...

جیل شوکت

قوری چشمہدہ یالیکزہ کلیردیکز ... اولانزودہ بولوشدق؟

حکمت کمال — یانہ او طورہرق

سیرکہ چیدہ ، بیلاردو ماصہسنک باشندہ ...

جیل شوکت

اوزمان ایکیمزودہ اومراق واردی ... ساعتلرچہ برابر

اوینادقدن صکرہ ...

حکمت کمال

بر آراق سنز دیوارده ساعتہ باقاردیکز ! ...

جیل شوکت

واپور زمانی ...

حکمت کمال — کوله ريك

بنده مطلقاً هفتاده بر ، حتی بلکه ایکی اوج کره ، برایکی
وابور صکره چیه جغمدن بحث ایدره ريك ...

جیل شوکت

یالکیز کوپری به قدر رفاقت ایدر دیکیز . صکره ۰۰۹

حکمت کمال

صکره ۰۰؟ اوت ، هیچ بر دفعه « بوکون قارشیه بر ابر
چکسه ۰۰۰ ، دیمه دیکیز ، حتی ظالما بنندن ایکی یاش بویو کدیکیز ...
بویو کدیکیز دیورم ، گویا شیمه دی دگله سسکیز ... سوز آرامزده ،
بالطبع ، (یواش سسله) قرق دکلی ؟

جیل شوکت — جواب ویرمیه ريك

او وقتدن اعتباراً قرار ویرمشدم ، حکمت کمال بك دانما
بر کز کینهچی اوله جق ، دیمشدم .

حکمت کمال

بنده عیذله سنک حقه کزده ، محقق ، جیل شوکت دانما بر
اوطوریجی اوله جق ، قرارینی ویرمشدم . حتی بر کون آننه مدن
سنک بکا انشته اوله جقه کز خبرینی آنچه « نه ایی ۰۰ سلماده
اوطورمق فطرتنده بر قیز ... قارشیه قارشیه اوطورسونلر ۰۰۰
دیمشدم ، ایشه ظن ایدره رم ، یکریمی سنه دراویله اوطوریورسکیز ...

جیل شوکت — جوابدن قاجه‌رق
سزده یکر می سنده در کز بیوز سکیز .

حکمت کمال — آیاغه قالفه‌رق

فقط ، عزیزم ، بن بونک ایچون یارادلمشم ، بن هیج بر زمان
اوپورمانم ، کندمده اوپورمق قابدیتی کورمه‌دم . باجاندلمده
دائماً غجیقلانان بر امل حرکت ، کوزلرمده دائماً طوتوشان
بر آتش مراق وار ..

جیل شوکت

فقط بر کون بری دورور ، دیکری سوزر ... قورقارم که او زمان
کچ قالمش اولیه سکیز .

حکمت کمال

واصل اولونه‌جق بر محل مقصود یوق که کچ قالمش اوله‌یم -
او کز کینجیلک بنمله برابر باشلادی ، بنمله برابر بیته‌جک ، حق
بلکه‌ده بیتیه‌جک ، احتمال بندن صکرده‌ده دوام ایدم‌جک ...

جیل شوکت

نصل دوام ایدم‌بیلیر ؟ اولسه اولسه ایکی‌کز کزده آنجق برابر
توقف ایتمه کز ممکن اوله‌بیلیر .

حکمت کمال

کیم بیلیر ؟ بلکه خاتمه‌نی برسیاحت ائساننده ، ماورای عمان
سفینه‌لرندن برنده یاقه‌لار . بنی‌ظریف صندوقه‌لردن برینه قورلر ،

ویواشجه دالغله صایویررلر ... دکزلرک درینلکری ، اوده
کوریله جک ، کزیله جک برعالم اولسه کر کدر ...

اوافق بر مکث تأثر ... قارشیه دوغری بورور ، اورادن بر
قولتوق چکهرک و دیزارینک اوستکنه اوطوروب قولارینی قولنگک اوکه
چورلمش دستکنه دایا بهرق جواب بکار کبیدر .
جیل شوکت

بن بالعکس سزک بر ازدواج ایله ایشه نتیجه ویره چککزه ذاهیم .



اون اوچنچی مجلس

بوصیراده سلما کیرر و صاغده اک اوکده کی ماصه یه اتسکا ایدهرک
دیکار

حکمت کمال

یوقسه بکا صاقلانمش برشیمی وار ؟ . (کوله رک) مثلاً سزک
داییکزک قیزی ، دمین بوراده بکا : « نه بآس وار ، بالعکس
اقتدم ! .. » دین رخسار خانم ...

جیل شوکت — جواب ویرمنر . اوافق بر سکوتی متعاقب

سلما — مداخله یه لزوم کوره رک

حتی بر دانه دها کایور . شراره نک رفیقہ سی . . .

(جمیل شوکتہ خطاباً) شرارہ مسعدتدن جواب آلدی . ہفتہ یہ کلہ جک ، سور یہ یہ کیدنجه یہ قدر بوتون تعطیلاری بورادہ کچیرہ جک ..

حکمت کال

بومسعدت کیم اولیور ؟ ..

سلما

شرارہ نك اك سو کي ایسی ... دارالمعلماندن بو سنه چیقمش فقیر برقبز ، سور یاده بر مکتبه معلمه اولمش .

حکمت کال

لیکن بورادہ اوچ بکارز . اولا باشده بن ، صکره فریدها ، دها سوکره دلاور ...

سلما

بر آز دها غیرت ! . سعدونده وار !

حکمت کال

مرحله بنی فہر سدن چیقاریر سکز . بن ہیچ بر زمان کندیہ ازدواج آدمی نظریہ باقہ مادم . (کندی ملاحظاتی تعقیب ایدرجه سنه) ازدواج .. یالکز بو کله کوزلرمک اوکنده اویله درین فجیعہ لرله ، اویله مدہش قضالرله دولو برافقک محشر احتمالاتی آچبورکھ ... بن بوتون اطرافدہ ہپ برر بیرتیق کتابہ ، برر بیقیق اوه ، برر قورواظاجہ بکزرہ بن ازدواج حکایہ لرینہ باندجہ بوتلرہ بردانہ سنکدہ

بنم طرفدن علاوه ایدیله بیللمه سنه امکان بر اقق ایسته میورم. (ایلله
 آنشته سنی و همشیره سنی کوستره رک - بونک اوزرینه سلما او طورور
 ووالغین کوزلرله دیکار) بالطبع استناردن بحثه لزوم یوق، اکر
 بر استناده بن پایه بیلله جک اولسه م بر کون توقف ایتمزدم ...

سلما

بن بالعکس دیکر لرینی، سقط اولان ازدواج لری بر استنا
 عد ایدرم. ازدواج ده اصل اولان سعادتدر. او سعادتی هرا یکی
 طرف، بالاتفاق، بر غیرت مشترکه ایله تاسیسه چالیشیر لسه یووا
 قورولمش اولور.

جیل شوکت

البته ...

حکمت کمال

بر قاعده نکه که استنا آتی قیاساتندن زیاده در، او قاعده یه ،
 بیللم، استناد جا ژمیدر؟ برده ازدواج حقنده ویریله جک قرار
 ازدواج دن بکله نه جک متصدیه کوره تبدل ایدر. ازدواج دن ،
 باشنی صوقه جق بر قلبه ، او کنه قونه جق بر طاس چوربا، تارلاده
 برابر چالیشه جق بر چفت قول، صکره ایکینسک آراسندن چیه جق
 والله اصلی ایسترسه اولله بویویه جک بر آلا ی چو جق بکله بن ساده
 بر روح ذاتاً درت چیز کیله تحدید اولونمش ساده بر شکل هندسیدن

عبارتدر . اونی اولچوب بیچمک او قدر قولایدر، واونک ایچنسه
حرکت ایتمک او درجه بسیطدرکه ...

سلما

حیاته ساده یولاردن کیره رک هر مسئله نی دوت چیز کینک
دائرة سنه صو قق ممکن ایکن ... بالعکس مشکلات آرامغه نه لزوم
وار ؟ ...

حکمت کمال

مشکلاتی آرامق لازم دکل ، مشکلات کنیدیلکیندن کلوب
سزی بولور . براز اطرافیکزی دیکله یک ، براز چاتیلری آلتند
ساکن کورون اولرک دلیکلرندن بافک ، محکمه قایلرند قضایه
اوغرامش حیاتلرینی قورتارمق ایچون لاقید قلمبرک عدالتندن شفا
اومان قادینلره دقت ایدک ، او زمان انسان تیره ، جمعیتک اک
مقدس تأسیسی ، بشریتک اک یوکسک آشیان سعادتق اولمق لازم
کلن ازدواجک فصل روز کارلرله ییقلوب چامورلره دوشن ،
نصل سفیل ، سرکردان یاورولرینی طاشلره ، طوبراقلره دوکن برنارین
یووا اولدیغنه قرار ویررسکیز .

سلما

بلکه!.. فقط ازدواجه اوندن ترتب ایدن مسئولیتک ادرا کیله
کیرلدکن صکره ، حق او مسئولیت آ کلاشیلیمیه جق بر سنده
کیرلمش اولسه بیله ، یواش یواش اونی تفرس ایدوب تعهداتنه ،

وظائفه صادق قلمغه عزم ایدیلنججه بر طرف ایدیلیمه چک بر
روزگار تصور ایدیم یورم . روزگار بر طرف ایدیلیمه سه ، اوکا
قارش یوانک صاحببری هنرملرینی ، مراملرینی سپر ایدرلرسه
یوواده قورتولور ، یاورورده دوکولمز . و نهایت صوک روزگار
اسرکن ، آرتق ایکی طرفدن برینک کوزلرینی قاپابه چق اولان صوک
روزگار ، اولومک روزکاری اسرکن قاپانق اوزره اولان کوزک
صوک نظری « آرقه مده پالک ، اصیل ، مقدس بر حیات سعادت
برقیورم » اطمینانیه پارلایه جقدرد . قالان کوزده آرتق حیاته
مغرور برنگاه عطف ایدیم بیلیر ، وظیفه سنی یامش اولانلرک ، بوتون
مذمتلری ، بوتون مسکنتلری تزییف ایدن پر غرور ، پر شرف
نکاهیله : « اوت ، ایشته بن حیاته بر وظیفه ، سماوی بر وظیفه
ایفا ایتدم ، بر سعادت دنیاسی ایجاد ایتدم . . . دیمه بیلیر .

حکمت کمال

آه! سلما . . . سنی دیکلرکن سنی فصل یوکسلمش کور بیورم!
برقادین آرقه سنده یکر می سندهک بی شائبه بر حیات وجوده
کتیردکن صکره بو نظریه نی کمال افتخارله ، حایقیره حایقیره ،
مدافعه ایدیم بیلیر . فقط ایشته اصل بی قورقوتان . . . ازدواجده
وهله تصور ایدیلن بوتون مشکلات نجبه هپ مسائل تالیه دندر ؛
معیشت تأمین ، او تشکیلی ، چوجق تربیه سی . . بوتون بوتون هر
پوفتک مقدرات خصوصیه سنده کوره متبدل و آز چوق فرقلرله

هپ قابل حل مسئله لردر. حتی بونلر حیات ازدواجك اكلنجه -
 لریدر، ذوقلریدر. بوزمینلرده اوغراشیلدقجه ، مشكلانه تصادف
 ایدوب اونلر یگیلدکجه، هپ اومصارعهی نتویج ایدن موفقیتلرک
 نشووه می بر مکافات تشکیل ایدر. حتی سزی تأمین ایدرم که بجه،
 کندی ملاحظه لرده بو نوعدن مسئله لرینی ازدواجدن تبعید
 دکل ازدواج افکارینه تقریب ایدن شیلردر. بنده، بنده ایستردم که
 بوجنکک ایچنه کیرهیم، واونک علوی هیجانلرینی یشایهیم، انسانی
 دها یوکسک، دها ای، دها انسان یاپان جدال لرنده بازولرمک
 قوتلرینی صرف ایدیم ...

جیل شوکت

او حالده ، سزی دوشوندیرن نه اوله بیلیر ؟ . . . سزک بحث
 ایتدیکنز قضالر ، سقطلر، ییقیلان اولر، سونن اوجاقلر هپ بو
 یولده جدال لرك نتیجه مغلوبیتیدر .

حکمت کمال

ظن ایتمه یورم ، اونلری مغلوبیتنه سوق ایدن یالکنز برشیتک
 نقصانیدر : ایمان. ازدواجك سماویتنه، اونک هرشیده رغماً نراهت
 وعلوتی محافظه ایدیله جك مبارک بر تعهد ماهیتنه ایمان . . . بن
 ازدواجه اوزاقدن باقارکن اونی بر معبد شکننده کورورم . اولا
 آشیکنده ، هنوز اونک حرماک قدسیته داخل اولمده دن اول ،
 بوتون خارجه ، تعبیر مخصوصنی قولالاق کولونج دکلسه ، ماسوا

ایله قطع علاقه ایدم بیلمه‌لی . اونک قبه‌سندن آقان ضیالر ، ملون
جاملرندن کیرن کواشلر، دیوارلریخی یالایان نفسلر، محلاطاشلرندن،
مرمر سستونلرندن قالقان کولکلر ، بونلر هپ سزی خشوع
و حضوعه دعوت ایدن ؛ « بوراده صوصمالی ، بوتون احتراصلرک ،
کینلرک ، لوئرک سسی بوراده سسکوت ایتمه‌لی ا » دینه شیلردر .
اوراده آرتق سز بر دقیقه اوله عاند دکلسکیز ؛ اوراده ایمانکیزله
قارشی قارشی، یاپ یالکیزسکیز . هرشیدن مجرد ، بوتون اسیکی
بنلککیزدن معراسکیز ، « سسکا بن کلام ، هرشیدن آریله‌رق ،
عربان برهویتله ، آرتق یالکیزسک ایلان بره وجودیتله بن کلام ا . . .
نی آل و تماماً مؤبدآ بکا تصرف ایت ا . . . دینه بیلمه‌لیسکیز . . .
ایشته معبد ازدواجه کیریلیرکن . . .

سلما

اوت ، حقک وار ، اورایه بو ایمان ایله کیرمه‌لی ، یاخود ،
کیررکن بودویولماسه بیله کیردکن سوکره ایسته‌مه‌لی وچالیشمالی که
بو ایمان سزه سانح اولسون . . . (سلیمانک بو سوزلری انناسنده
جیل شوکت آیاغه قالمشدر ، صاغ طرفده پنجره‌یه دوضری کیدر ،
وباغچه‌یه باقار ، سکره اوراده بعضاً باغچه‌یه ، بعضاً حکمت کاله
باقه‌رق ، و ، کوزلری سلمانن قاجینه‌رق دیکلر) حق بن دینه جکم که
عشق ، عامیانه تلقیسیله عشق ، بوایمان دکلدر . او ، دها یوکسک ،
دها ممتاز بر حسدر . عشق بر وسیلدر ، بعضاً . . . غالباً بزده دها

نادر وقعه لرده، ازدواجدن ده‌ا اول دوغان واطمئانی ازدواجده بولمغه چالیشان بر آتشدر، همان طوتوشوب سونه‌جک بر آلودر... بر آی، برسنه، بش سنه، بیلینیری نه قدر؟... اکثریت اوزرده ازدواجدن سوکره باشلایان، فقط نه زمان باشلادیغه، نه زمان سوندیکنه دقت بیله ایدلمه‌ین، یا قمازه، صار صماز، یا لکیز بر ازا بصیتیر، بر از اویوشدیر بر حرارت... ده‌ا صیق تصادف ایدیلن نمونه لرده حتی بو بیله یوقدر؟ اونلرده بوتون رابطه بر آلیشیملاق، تصادفاً تقرر ایتمش بر حال قارشیدسنده اویوصاللق قبیلندندر؛ لیکن هر نه اولورسه اولسون...

جیل شوکت — ایلریله به‌رک — حکمت کمال شیمدی او طور مشدر،
 آیاغنی آیاغنی اوزرینه آتشدر
 عشق اول یاخود صکره اجرای تاثیر ایتمسین، حتی غیر محسوس کچسین، اصل ایکی طرفک آراسنده پایدار اولمق لازم کلن متقابل احترام و اعتماد حسیدر.

سلما — درین درین باقار، برمدت سکوت، صکره کوکس کچیره‌رک
 یواش برساله
 متقابل احترام و اعتماد...

حکمت کمال — آیاغه قالفه‌رق و غایت جدی
 متقابل احترام و اعتماد، اوت، اویله... فقط بوتون اوحسک
 قوت تکافلنه، هر ایکی طرفک قسمت ازدواج حقنده ایمانه

مقابل بر تهاکه ، افقك كورونمهين بر كوشه سنده هدهش بر بورا
احتمالی صاقلایان بر سیاه نقطه یوقیدر ؟..

جیل شوکت و سلما — استفسارکارانه باقارلر

حکمت کمال

بر کابوس ۱..

ایکیسی بردن

نصل ؟.. نصل کابوس ؟..

حکمت کمال

انسانی درین بر او یقوسنك، مسعود بر رؤیاسنك ایچنده یاقه لایان،
کوکسنك اوستنه چوکوب نفس المقدن منع ایدن ، غیر تلاغنه
با صوب بوغان بر کابوس ... بر کابوس که نصل کلدیکنه عقل ایرمز.
او غیر مکشوف بر سبیدن، مظلّم بر معادن تولد ایتمشدر . جهاز
هضمیده بر فساددن، جمله عصبیه ده بر تعبدن ، حرکات قلبه بر
تقطعه دن نشأت ایتسین، بیلیرمی بم؟ نصل تفسیر اولونورسه اولونسون،
فقط هر حاله کلمه در، سزی عزم و ارادته کزک، حکم و اختیار کزک
خارجنده یاقه لامشدر . اونک طوتولوب بو کوله مهین بیابکلرینک
ایچنده، سیدکیلوب آتیه میان جته سنک آلتده سکز، اونک محکوم میسکز .
ذلیل، عاجز ، چیرینیر و ایکلر سکز . دماغکزک ایچنه مدهش یانغین
لوحه لری بیغار، سزی اوچوروملرک توکنمهین بوشلقلرینه اوچورور،
طوتونه جق بریر، ایلدشه جک بر نقطه آرار سکز، اوسزی بر اقامه،

آلیر و قاصیر غه سنک ایچنده صااورر ، صااورر ... اویله تانیله لر
اولورکه ، اونکله مجادله ایدرکن ، قایادن قایایه فیلاتیلوب بوشلقدن
بوشلغه آتیلیرکن ، کندی کندی کزله ، سریر برشمشک آراسندن
کوزلرینی آچان بندک کزله : « فنا بررؤیا ایچنده ایم ، براز سیدکیینه ایم ،
بر کوچک غیرت ، اویانه ایم .. » دیرسکیز ، فقط هیات .. بالعکس
گویا سزی مدھش بر عفریت آلمشدر ، قولار کزک آلتندن دمیر
الارینی کچیره رک بر قویونک کنارینه کوتورمشدر ، وصالیویرر ،
و سز اینرسکیز ، اینرسکیز ، ایندکجه کندی کندی کزک ایچنه
کومولورسکیز ، آرتق اورادن بر دھا چیقیمیہ جق ، بر دھا کونش
کورمیہ جک کیسکیز ...

شراره قوشه رق کیرر

اون دردنجی مجاس

اولاکیلر شراره

شراره

دانی .. اودا کز نه وقتدر حاضر ! سزی بکله یورم ، یمکدن
اول الکزی ، یوزیکزی ییقامق ایسترسکیز دییه صیجاق صو
قویدم ... صوغوته جقسکیز ...

حکمت کمال

کایورم ، قیزم !.. (سلمایه) باق ، ایشته هیچ زحمته کیرمه دن .
تهلهکیه آتیلمه دن ، خصوصیه کابوس کچیرمه دن قازانیلمش بر
قیز ... دکلی شراره ؟ سن بر پارچه ده نیم قیزم دکلیسک ؟..

شراره — أیلله کوستره رک

حتی بر بیوک پارچه ...

حکمت کمال — جمیل شوکته

بکا اون دقیقه مساعده !.. صکره باغچه ده بولوشورز ...
(سلمایه) سفره نک باغچه ده ترتیب ایدلدیکنه داتر برسوز اولمشدی .
غالباً ...

شراره نک دلالتیه چیقار

اون بشنجی مجلس

جمیل شوکت سلمما

صاغده پنجره آچیق قالمشدر ، بو مجلس اناسنده باغچه ده
کونشک یواش یواش اغترابی حس ایدیلیر . بر آراق آچیق
پنجره دن بر عود سسی ایشیدیلیر ، فقط غایت بوغورق و اوزاق .

بویله که محاوره نك آراسنده آنجق آ کلاشیلیر آ کلاشیلیماز بر صورتله ایشیدیلسین .

سلما — کندی کندینه
اوت، کابوس! . .

بو آراق پنجره دن پك اوزافلامیهرق دونن جمیل شوکته برادرمله یالکیز قلمه دن اول سزکله کوروشک ایسته یوردم ،
بس اون دقیقه کزی بکا تخصیص ایدرمیسکیز ؟

جمیل شوکت
نه یه دائر ؟ . .

سلما

بزه دائر ، دها دوضوسی بکا دائر ...

جمیل شوکت — برخطوه ایلریلر
سکا دائر کوروشیله جک بر مسئله اولدیغنه واقف دکلام .

سلما

واقف اولمادیغکزی بیلیوردم ، وبك تمنی ایدردم که الی الابد
واقف اولیه سکیز . لیکن مع التأسف بو ممکن دکل . آرا مزده
سویلنمکدن اجتناب اولونه جق برچوق شیلرک یاننده هیچ اولمازسه
بردانه سی وار که اونی مطلقا سویله مک ایجاب ایدیور .

جمیل شوکت — برخطوه دها - براز اندیشه ایله
بکا شو دقیقه یه قدر بویله برشیدن بحث ایتمه شدک . صراق

ویریورسک . حتی برزده دارغینه بکزه من بر حالک وار .

سلما

دارغین دکل ، فقط حیانتک الک مهم دقیقه - نی چالدير مق اوزره
پارماغنی ابره نك اوزرینه قویمش بر مخلوق حسسندیم . بو دقیقه
چاله جق ، واونی بن چالديره جغم ...

جیل شوکت — آیاقده دورغه مجالی قا'امشجه سنه صاغ طرفده حکمت
کالدن بوش قالان قولتوغه اوطوره رق وقاریسنه باقره رق
رجا ایده رم ، بر پارچه دها واضح اولورمیسک ؟

سلما

نه لزوم وار ؟ حتی واضح اولما مقده او قدر بویوک بر فائده
بولیورم که ... حیاتده بعضاً او یله مباحثه تماس ایتمک اقتضا ایلر که
اونلرک اوستنه برر سرلوجه قویماق دهاموافقدر ... بی دیکه بیکنز :
(سلما ده اولدینی برده ، یعنی ، صاعده صوک ماصه نك یاننه اوطورر .
قاری قوجه آراسنده مسافه واردر) آراضده یکر می سنه لاک
مشترک بر حیات وار . بکا دنیا لک پروز سر ، اک ایکنر
بر حیاتی یاشاندیکز ، ظن ایدیورم که بو طرفدن سزه عظیم بر
شکرانه مستحقدر . ینه ظن ایدیورم که بنده سزه پک ناموسکار ،
پک عفت پرور بر زوجه اولدم . صکره چوجق و لده سی ، اوصاحبه سی
صفتلرنی اکتساب ایدنجه بو اوچ وظیفه یی هپ بردن او یله بر
صورتله طاشیدیم که ... بویله اعتقاد ایدیورم . بکا عکسفی ظن

ایندیره جک بر کله شـکایتکزی تخطار ایتمایورم . بعضاً پک وقور
 بزوجه ، پک جدی بر والده ، پک مقصد بر خانم اولدیغممن
 کوله رک بحث ایدردیکیز ، اما وهلمه سرزنشه بکزه من بو لطیفه
 آلتده بن خفی برمنونیت سرزدم . او یله دکلی ؟ ..

جیل شوکت - کیندجه بر تأثرک تحت استیلاسنده قاهره - بو صروده
 عود باشلار - پک آز ایشیدمک شرطدر .
 سزه منتدارم . لیکن بونلردن نه ایچون بحث ایدیورسک ؟

سلما

بن دیورم که برچفت ، بو قدر اوزون بر زمان بو قدر مکمل
 بر حیات سعادت کچیردکن صکره کندی کندیسنه شونی دیملی :-
 « آرق یترا .. ستملرله ، جفالرله دولو اولان بو دنیاده او قدر
 بدبختلر ، سفیلار وارکن بودرجه بختیار اولق عیبدر . بشقه لرینک
 اوموزلرینه چوکن مصیبتلرله ، کوزلرینی دولدیران یاشلرله استهزا
 ایدرجه سنه مغرورومفتخر ، سعادتک ضیالرینی صاچهرق یورومکده
 دوام ایتمک بر قباحترده . ایشته بن بو عبی ، بو قباحق ایشله مکه
 قرار ویردم . چچون بکا باقما یورسکیز ؟ ..

جیل شوکت

چونکه آ کلامیورم .

سلما

اوخ ا بن آ کلادیفکیز قدریله اکتفا ایدرم . اوت ، بن

دیورم که یکر می سنه دوام ایدن بو حکایه سعادتی ایشته آرتق
 قاپاق ایجاب ایدیور. بن حیاتدن پک فضلہ سیله نصابی آلدیم ،
 دوبه جق، بردها آج قالمیه جق قدر... بونده فوق العاده بر کوزلک،
 حشمتله، علوتله ملو بر مستثنای بولیورم . قلمی کتابک اوصحیفه
 سنده ، هنوز صوک سعادت سطرینی بیترمه بن بر گله سنک اوستنده
 قیروب اوراده بر سیاه قان لککسی براقدقن صکره کوزلرینی
 یومق ، و ایشته : د بن اولدم، اولدم اما بختیار لغمک صوک دقیقه
 جا کنی کندی املله قیره رق اولدم... دیمک... (سلما بونی سویلر کن
 کوزلرینی قاپار — عود دوام ایدیور — جمیل شوکت اندیشه سنک
 ایچنده قولاغی اوراده کبیدر)

جمیل شوکت

سنی تأمین ایدرم که آکلاما مقده دوام ایدیورم .

سلما

اویله بر وضعیت ایچنده بولونیورز، حیاتک اویله حائز اهمیت
 بر بحراننده یشایورز که علی العاده اویونلر، کلملر بر رمسکنتدر ،
 ذاندرو. بوتون عمرینی فضلہ جدیدتله کچیرمش بر قادینسندن البته
 طفیلانه برستم، هله یرلرده سور و کله نهرک، دیزلرینک اوستنده دوشه رک،
 عجز وضعفک کوز یا شلریله یرلری صولایه رق سفیلانه بر ماتم
 بکله مزسکیز، دکلی؟.. ارککار کلمدیلرینه متعلق بسالت منقبه لری
 حکایه ایدرلر، شجاعت نصیده لری سویلرلر. بز قادینلر ، دهسا

متواضعم. زم طوب کله لرینه کريله جك کو کس لرمن ، باروت فوجی لرینه آتش ویره جك آلرمن، زنجیرلری قوپاره جق بازولرمن بلکه یوق، فقط بزده ده طنطنه سنز، ده دبدبه سنز، لیکن هیچ اولمازسه او قدر یوکسک دوین بر قلب وار. بزده ده بر شجاعت و بسالت آنی حلول ایدم بیایر که اوصردم بر ضربه ایله حیاتی قیرد. بیلیرم. اومزی بارقمزی، چوانغمزی چوجغمزی بر طرفه، مقدرانک داغه لرینه ، کندیمزی ده دیگر بر طرفه ، یوقانک درینلک لرینه براقه بیلیرم. ایشته بن بونی یایمق اوزریم (قیام ایله) بورادن کیدیورم.

جیل شوکت — آیاهه قالفه رق

نرمیه ؟ قارشیمده بو سوزلری سویله یه نك - لما اولدیغنه شهه

ایدیورم .

سلما

بلکه ... اوت ، بلکه بیلدیکیکز ، شمدی به قدر کوروب ظایدیغکز سلما دکل ؛ اونک ایچون براز متعجب اوله کریمکندره فقط رجا ایدرم ، سلما دن نه بکلر دیکز ؟ .. (بردن قیصه کسمک ایسته به رك) یوق ، خیر ، بونلردن بجه لزوم یوق . نرمیه دییه - سوردیکز ، بونی سزکله قرارلاشدیره جق دکل . دوداقلر کرک اوستنده بر سؤال ده وار : نه زمان ؟ دییه - سوره جقسکر . بلکه یارین ...

جیل شوکت

چو جق کبیسک ، اویکی ، بی ، چو جق لریکی بر اقوب ده . .

سلما

خیر ، چو جق دگلم ، عمر مده هیچ بر زمان بودرجه وقور .
 بودرجه جدی اولدیغمه ده واقف دگلم ؛ و بونی سویلر کن ، یارین ده
 یاپارکن ، یمین ایدرم ، قلمده اوفاق بر لرزش ، اعصابده کوچک
 بر کسلان دوییه جغم . اولورکن عزت نفسنک بر امرینی ایفا ایدن ،
 حیثیت وجداننک بر احتیاجنی تطمین ایله یین بر آدم نه دویار سه اوننی
 دوییه جغم ، بلکه اولومک درین ر آجیسنی ، فقط اونک اوستنده
 او آجی بی قبول ایده بیان بر روحک ذوقنی دوییه جغم . . .

بر مدت سکوت - سلما تکرار اوطورور ، عود دوام ایدر ، جیل
 شوکت دالفین ، کوزلری پنجره دن آشهرقی باقار ؛ سلما ده باشنی قالدیروب
 اوکا باقار ، عودی دیکار کبیدر .

جیل شوکت — باقاهرق

بوتون بو جنتلر دمین قرداشکی دیکله دکن صکره قابارمش
 شیر ! . سکا بو قدر حوییا اولمق هیچ یاقیشیر بر حال دکل .

سلما

بو جله بی براز بکله یوردم . رجا ایدرم ، هیچ اولماز سه کندی بکزک
 بیله ذاهب اولما دی بکز ، اوله مایه جفکز شیردن بحث ایتمه یک . شو
 تانیه ده بک ایی حس ایدیور سکنز که حیاتک اگمدهش بر گوشه سندن .

بر آقینتی بورنندن دونمک اوزره یز ، قایق دورلمک اوزره در . بن ایسته یورم که سسسز ، کورلتوسسز ، دوشن یالیکیز بن اولهیم . قایق ایچنده کیلرله برابر نه اولورسه اولسون ، هپ بردن بوغولمقدنسه ... بلکه اونلر قورتولور . دمین اومدن ، سزدن ، چوجقلردن بحث ایتدیکز . اومی دوشونمدم ، اودیگرلریله قائم بر شیدز ، موهوم بر کولکه . باشمک اوستنه زرده برچاتی قورولورسه او اودیمکدر . مادام که اصل او مجموعی تشکیل ایدن اوصاف قالقیور ... سزی؟ سزی دوشوندم ، فقط مساعده ایدیکز ، اونی سوبله میه جکم . چوجقلر مه کلنجه : اونلری حالا دوشونیورم ... اونلری الی الابد دوشونم جکم . فقط نصل بیلیر میسکیز ؟ ایسته شو دقیقه ده ، عزارینک ایچنده آنه مک روحی ، اکر شوراده سوبله نن سوزلری ایشیدیورده بی دوشونیورسه ، بنده اونلری اویله ، کویا بر مزارک سیاه هواسی ایچنده دوشونیورم ... (یرندن ، فیرلار) کایور ، بزی بر آراده ، وبوحال ایچنده کورمسه ...

جیل شوکت

بو بخته عودت ایدرز .

سلما

خیر ، قطعاً ... سزه صوک یاپیله جق شیدمک صوک قرارینی اویله بر دقیقه ده سوبله دم که آراتق اوکا عودت اتمک ممکن اولیه جقدر . بو دقیقه بی نه زماندن بری صبر ایچنده ، سکوت ایچنده بکله یوردم .

(حکمت کلاک سسی ایشیدیلیر ، سلما تلاشله جمیل شوکی
 ایتهرک، پنجره - قاپیدن چیمغه سوق ایدهرک) اوت ، هر ساعت
 برسکرات دوره سی کچیره کچیره هر کون یوز کره اوله اوله ، بودقیقه بی
 بر نجات ، بر خلاص دقیقه سی کبی بکله یوردم ... شیمدی آرتق
 کیدیکز ، کیدیکز ...

جمیل شوکت پریشان چیقار ، صولدن حکمت کمال کیر
 سلما پر هیجاندر

اون آلفجی مجلس

سلما حکمت کمال

بو مجلسده یواش یواش قارا کلق باصار ، اوله که پرده قاپانیرکن
 اشخاص خیال میال کورونور .

سلما — بردن بره

دمین کابوسدن بحت ایتدک . کابوسه دوشمک اوزره بولونان
 بر آدم نه یابار ؟ کندیسنی قورنارمق ایچون نه یاپمالیدر ؟ ..

حکمت کمال — آکلامیه رق

اعصابنک بر حمله هنر میله سیدکینوب آیغه قالقمالیدر .

سلما

یا یایه مازسه، حتی یا بغه لزوم کورمزسه، بونک ایچون کوچک
بر احتیاج بیله حس ایتمزسه ... اونک اطرافنی دولدیران بوتون
صحت، نراحت، شفقت، وظیفه، حمیت هواسی، بوتون موقظ
ومنبه اولوق لارم کان شیلرکده هیج، هیج برتاثر شفا بخشی
اولمازسه، او عادتاً کنیدیسنی کابوسه بالتزام ویریور، ایستهیه
ایستهیه اونک ایچنه کیروب سقوطنن حظ آلیورسه، اوت
او زمان، طرف دیگر نه یاپار؟ ...

حکمت کمال — متعجب

طرف دیگر می؟ بوتی اصلاً دوشوندم ...

سلما

بونی ده بن دوشوندم .

حکمت کمال

نه قدر هیجانتک وار سلما جقم .. نه اولیورسک؟ ..

سلما

هیج .. هیج ... یالکیز بکا سوبله، سن حقیقه ازدواج
ایتمه مک فیکرنده میسک؟

حکمت کمال

قطعاً ... سوبله دم، او معبده کیره جک قدر کنده ایمان
بوله مایورم . صکره او معبدک ایچنده او قدر کهنکارلر، اونک

هوای علویتهی تنفسه جگرلری لائق اولمایان او قدر غیر مستحقلم وار که ... بنم کورد کلریمی کورد کدن، او کندن کلرمی او کندن کلریمه ، ازدواجه ، او حقک سلطنتکاهی اولق لازم کلیرکن اک ملوث ، اک سفیل حقمزلقلره زمین اولان ساحهیه کیرمک ایچون کندمده قوت بوله میورم . دیکلمه مش بر دوکهدن ، شکری آز کلش بر قهوهدن باشلایه رق قاریسنی ای اولیه جق برخسته اقله معلول بر کدی قیلندن سواقه آتان ار کلردن ؛ یدیردیکی بر لقمه اگمکک ، آلبوردیکی اوج آرشون بر باصمه نک ذوقنی یومروغنک قوتیله ، جبروت ونخوتنک زهریله آجی یابان ظالمردن ، سفیه کچمش حیاتلرینک بوتون مادی ومعنوی مرضلرینی ازدواج یتاغنه قدر کتیرن ، کتیرمکده دوام ایدن دنیلردن مرکب بر جمعیه انتساب ایتمک ایچون هیچ آرزوکش دکلم .

سلما

هپ اوله میدرلر ؟ ..

حکمت کمال

نه قدر آزی بونک خارچنده در ، بیلمه ک! .. هنر ، او آزلردن بری اوله بیلمکده در . آخ ا باق دمین بدن طرف دیگر نه یاپار ، دییه صوریوردک . ایشته سکا بونک جوانی ویره جک بر حکایه . ادرنده بر قادینک حکایه سی ، بر قائم مقام قاریسنک حکایه سی .. قادین ، حلیم ، سلیم ، بویوک بر عائله ده اولاد قیلندن یتیشدیرلمش

بر قیز ... کاین اولورکن قوجه سینه بوشده کله مش ، بالعکس ،
 اوفق تفک ، ایچه برشیلرده کتیر مش ... ایکی ده طوسون کبی
 اوغلاری وار ، اون سنه ، اون بش سنه برابر یشامش لر ، برچفت
 مسعود ، ویکدیگرندن ممنون آنا و بابا ... بر کون آدم بشقه بر
 ولایت ، اوزاق بر یرم نقل اولونور ، عائله سنی ادرنده براقیر ،
 کیدر ، برمدت بکله نیر ، اولاتک توك برر مکتوب ... دها صکره ،
 برکون بعته ، بلا سبب دقت ایدیورمیسک ، بلا سبب برتطایقنامه ،
 بیک دانه ده غروش . قادی نیک بوتون اوزمانه قدر ینمش وارینه
 یوغنه مقابل ، ایچنده قیریلان حیاتنک بهاسی ده داخل اوله رق
 بیک دانه غروش ...

سلما

مطلقا بر سبب اوله جق .

حکمت کال

اصلا ، هیج ، هیج ، حتی کوچک بر وسیله بیله یوق . بلکه
 برکابوس وار ، اونی بیلمه یورم ...

سلما

قادرین نه یایدی ؟ ..

حکمت کال

اونی سویله به حکم : اولاهر قادرین کبی آغلادی ، ماتم طوتدی ...

سلما

صکره؟.. صکره؟..

حکمت کال

صکره؟ چو جقلری باباسنه کوندردی، کندیسیدی ده ابا اولدی.

سلما

آفا بک، سن بکام-وک کلش-کده بر تص-ور کدن بحث
ایتمشدک. حالا او فکر کده ثبات ای دیورمیسک؟..

حکمت کال

نهیدی؟..

سلما

چفتلکده متورم کنج قیزاره مخصوص بر کوچک شفاخانه
تأسیس ایتمک ایسته، یوردک؟..

حکمت کال

اوت، حالا او فکردهیم.

ساما

او حالده اونی برابر تأسیس ایدهرز؛ وین اورانک مدیره سی،
باقیجیسی، خدمتتجیسی اولورم.

حکمت کال

چیلدیردکی؟

سلما

خبر، بالعکس محض حکمت ایچنده ایم. بی دیگله : اوزون صاری ساچلرله، قویو مائی کوزلرله، پنجه وتازه بر ننه، شبانک ثروتلری، ضیالری ایچنده یشارکن، بردن بر عارضه ایله، مثلا بر چیچک خسته لقله، یوزی ده ایک ده شیک اولمش، حالا کوزل ساچلرینک چرچوه سی ایچنده، حالا پارلاق کوزلرینک سما سی آلتنده مدھش بر خرابه حائنده قالمش بر کنج قیز نه یابار ؟ . . . جواب و بر میورسک . قلاباً « اتخار ایدر ! . . . » دیورسک . ایشسته بن ده بردن بره یکر می سنه لک کوزل بر حیاندن صکره بردن بویه بر خسته لقله بر یاغین رینه دون بر منظره قارشیدندیم . بن ده اتخار دوشون یورم، فقط دیورم که بنجه بر شیشه زهر ایچمک یا خود شقاغمه بر قورشون صیقمق بر اثر ضعفدر، بو غریب بر منطقه کندی کندیسندن انتقام آلمق دیمکدر . بن او یله یایمیه جغم، یشامق، یشادقچه کندی نفسه تحمیل ایتدیکم اولومک هر دقیقه لذتی دویمق، اوندن وحشی بر ذوق آلمق ایسته یورم . صکره بونده اصل اوندن، اصل مسئول اولاندن اخذنار اطعمتانی ده وار، اونى مذلتک ایچنه ده ا زیاده باتیور، ده ا زیاده کومولویور کوردقچه کندی نفسی عزیمک قوتندن، قرارمک مهابتندن تبریک ایدر چکم . . .

حکمت کمال — سلمانک یاننه بافلاشهرق، متأثر
 سلما جغم، سنی نه قدر متأثر کورویورم. مضطربسک،
 قرداشم...

سلما — دیرسکارینی دیزلرینه دایامش، چکاسنی آوجلرینه آلمش،
 اوکه باقان دالغین بر کوزله:
 مضطرب!.. مضطرب نه دیمک؟ اولیورم.

حکمت کمال

بدکه هنوز قورتاریله جق برشی واردر.

سلما — باشنی آغیر آغیر ساللایهرق

خیر، خیر، هیچ، هیچ برشی یوق... اوننی لاقید، بی فتور،
 بر جنت ایچون اوینی کندی آلیله یاقیور کوردکجه، بر آراق
 «شایان مرحمت بر خسته! اوکا آلمی اوزانهیم!.. دیدم... نه قدر
 خطا ایتشم! اوبالعکس ذلته تسلیم نفس ایتدکجه مسعود، بختیار
 اولیور، بوتون اسکی طاپندقلرینه، اوینه، چوجقلرینه، عالمه سنه،
 خسته لغنک زهرلرینی صاورومقدن، اونلری یاقوب قاوورمقدن
 حفظ آلیور... چوجقلرینه، بوتون اوخلقنه قارشنی بی رحم وانصاف
 بر جلاد... بکا، بکا قارشنی ذلیل، قورقاق، جبین... وحس
 ایدیورم که کندیسنی بردن بو قدر آشاغیلاشم، بو قدر کیرلتمش،
 صانلانغه، قاقمغه لزوم کورن بر مخلوق حالنده حس ایتدکجه بکا،
 بکا خصومت ایدیور، بکابی امان بردشمن اولیور... قورتاریله جق

شیدن بحث ایدیورسک . اونی ، خیاتی کندی ایله اوینه سوقش ،
 اکمقدس شیلرکیاننه کتیرمش کوررکن ، بوقدر مهم ، و ، تهته
 بوقدر لاقید بولورکن ، آرتق قورتاریله جق نه فرض ایدیله بیلیر؟ ..
 بوندن صکره قورتاریله جق شیده نصل بر قیمت اوله بیلیر؟ .. بخی
 آرتق بویانغینک خرابه سنده تکرار تنفسه قاتلانیه بیله جک بر فطرتده
 ظن ایدرمیسک؟ .. قورتاریله جق ، قورتاریله بیله جک شیلردن ،
 اوخ .. بیلسهک ، تیکسیندیورم .. اوزمان کندمدن ده تیکسینیرده؟
 ایسته بوکا قاتلانق ایسته میورم ، بن ممتاز برقادین صفتنه صادقه
 قالمق ایستیورم ...

حکمت کال
 بکاتماماً آ کلاتسهک آ ..

سلما

شیمدی دکل .. شیمدی قوت بولوق ، هر کسله برابر کولوب
 حال طبیعیده کورونمک لازم ... بو کیجه ، هر کس چکیلد کدن
 صکره ، سنک اودا کده ..

حکمت کال — یافلاشهرق ؛ سلما هپ او وضعیتده در
 خاطر یکه کلیرمی ، سلما؟ .. بر کیجه ... سن سکنز یاشلرنا
 ایدک ، بن آنجق اون اوچ اون درت .. بابام ، آنهم ، یالینک
 صفه سنده ، ماصه نک اطرافنده اوطوریوردق ؛ بابامک بر حکایه سنی
 دیکله یوردق . بردن بره طـاواندن ، آغیر ، ایری لامبه ، مدهش

بر طرافه ایله ماصه نك اورتە سەنە دوشدی . بر آن ایچنە مدهش
 بر سکوت ، درین بر ظلمت ... هیچ کیمسه ده نه بر کله سویله مکە ،
 نه بر نفس آلمغه قدرت قالماشدی ... (ظلمت کیتدیگه با مار)
 آنه ماله بابامک ، شودقیقه ده ، ایکی سنک ده ذهنده بر قورقو واردی :
 چوجقلری ... و او قورقوبدیگه محقق ایدر دییه سس چیقاره میورلردی .
 بر آرائی یا واشجه بابامک جیبندن چیقاردینی بر کبری چاقدینی
 ایشیدلدی ، و اونک تیره ک ضیائی آئنده باقدینی کورولدی .
 نه کور دیلر ، خاطر لایور میسک ؟

سلما — باشنی سیکه رک « سویله یك ! .. » دیک ایستر .
 سن نیم قوللارمک آواسننه ای دک . قضا اولور اولماز بن سف
 یا قه لامشتم ، صیم صیقی ، قوللارمک چوزولمک بیلمه ین زنجیری ایچنه
 آلمشتم ، حالا سال یورمه مک ایسته یوردم . (بر از اکیله رک) ینه
 اوله اوله می ، سلما ؟ ...

سلما بردن حکمت کلامک دیزلر نه قبانیر و هونکور هونکور
 آغلارکن شراره کیرر و منظره بی فرق ایتمه رک :
 سنزی سفره یه بکله یورلر ...

بر آدیم آتارکن برده اینر .

ایکنجی برده

عین منظره - آجیق پنجره - قاپیله دکز جهته ناظر پنجره نیک
آراسنده دلاور یا تمش دینه جک قدر اوزانه رق او قوم مقده در، یاننده
ماصنه نیک اوستنده بش آتی کتاب وارد. صاعده برنجی وایکنجی
قاپیلر آراسنده شراره آئنده بر قورشون قلم و بردفتر، اوطور مقده در.
صاعده اک ایلمری صفده فریدها، آئنده بر خرده بین، بر مقوا
اوستنه ایکنه ایله باطیریش بر بوجک تدقیقه مشغولدر، یاننده
قورشون قلم و ملاحظات دفتری - صولده مسعدت، یوزی دیوارده،
سعدون اونک قارشیدسنده اوطور مشلردر، دامه اوینایورلردر.
سعدون اسکمله سنک اوستنده دیز چوگوش، دیرسکاری ماصده،
بر چو جق حا و وضعیتنده در. اوکله یکنندن صکره . - ایلول
اواسطی .

برنجی مجلس

دلاور شراره ایله فریدها مسعدت ایله سعدون

مسعدت

هیچ صوصمیورسکیزکه ...

سعدون

ایشته صوصدم، اما سزده هپدوشون یورسکیز، اوینا میورسکیز که.

شراره — کندی کندینه ، پارمقریلله صایه رق

حزیرانی براقلم ! صکره ؛ تموز ، آغستوس ، ایلول ...

ایلول ۱۵ ... ایکی بیجق آی ، (دفتزینسه باقرق — قورشون

قلمیلله آلتسه اوره رق) ایکی بیجق آیده ، باشده بابامله آنسه مک

وقعه سی داخل اوله رق ، تام سکیز وقعه ...

فرید بها

نه صایبورسکیز، شراره خاتم؟ ..

شراره — یالکز اوکا ایشیتدیره جک قدر

سکیز وقعه، ایکی بیجق آیده سکیز طلاق ، یالکز اطرافمزده

بیم خبر آله بیله حکم وقعه لردن، سکیز طلاق! .. تاون کونه بروقه

تصادف ایدیور ؛ حتی فضله کسری وار ...

فرید بها

سزی احصائیات مدیری یامالی ...

شراره

اونی بیلمم، فقط اولاق ایسته دیکم شیشی سزه سویله بهیم می؟ ..

فرید بها

سویله یکیز ...

شراره — کوزلیله دلاوری کوسته رک

چکلیسین ده ...

سعدون — هم اوینا مقده هم بو محاوره بی کوزینک او جیله تمقیب ایتمکده، در
شراره یه

قاچیره می؟ (شراره باشیله اوت دیر) — (سعدون کویا
مسعدته سویله یورمشجه سنه دوام ایدرک) قاچیره می، مسعدت
خانم، طاشکیزی بورادن قاچیره می؟ ... (بردن بره پرکو) انا
سزده دوشونیور، دوشونیورده الک اوینا نایه جق شبئی اوینا یورسکیز...
بز دوشونمیز انا، اوینارز، اوینا نیجه ده آدمی بوبله شاشیرتیرز،
(بکدیگری متعانب اوج طاش طوپلایه رق) صکرده دامه دیرز...
نفس آلدیرمایزه صانکه بر بورا... او کمزده هر شئی سو بورر،
کوتوررز... بزه ارباب دیرلر، افنده هایدی باقم ا شیمدی نصل
بورزخک ایچندق چیه جقه سکیز؟... (دلاور مطالعه سنده ازعاج
ایدلیکندن باخشود، باشی قالدیرر، باقار، صولور...)

مسعدت — صاندلانه

سزک کوهزه لکلیکندن وقت یوق که ... صانکه مقره ...

دلاور — صبرسنزلانه رق

صقصفان قوشی ...

سعدون — بردن متجاوز

دلاور بک، بنم کبی اوتنلری، مطلقا قوشلر آراسندن بر

تشبیه یا بمق لازمسه، بلبانره بیکزه تملیدر. صقصغانه بیکزه تیله جک
صورتده اوتنلر آقشام اوستی تپسینت باشنده ترانسواند کن صکره
حکایه آ کلاتانلردر .

دلاور

طاش !..

سعدون

بز ، مکتبده بویله سنه قایا دیردک .

دلاور

دمیندن بری اوقود قلمدن برحرف آ کلامدم .

سعدون — اویونه دوام ایده رک

اوکا بک شاشام. اوقود قلم بیکزه بک مهم، بک درین شیلر...

دلاور

او بکا عاند ...

سعدون — ینه برطاش سوره رک

سز کندی بکیز اعتراف ایدیور سگیز : سزه عاند ، البته بکا

عاند دکل . آرسهن لوپن ، شرلوق هولس ، نات پیند کرتون ...

هب سزک اوانسون .

دلاور — دوغرو لهرق و کتا بلرنی طوبلا یهرق

سز بکا چانق ایسته یورسکیز اما... اسویجره یه می کیده جکسکیز

نرویه کیده جکسکیز، بر آن اول اولسه ده قولاقلریتمزده دیکلسه...

سعدون

اوده بکا عائد برمشه ، دلاور بك ! اونوتیورسکیز که هیچ
 بوندن بحث ایده جک موقعده دکلسکیز. اونی بن بیلیرم ...
 دلاور — بوئانده فریدبها ، شراره یاری مشغول ، کوزلرنده برخنده
 ایله دیکارلر ، مسعدت بر آلی دامه ده بر دلاوره بر سعدونه باقار
 اصل انشته بکمک بیله چکی برایش ...

سعدون

انشته بکمکیز کیم اولیور؟ ها !.. بابامدن بحث ایدیورسکیز ،
 غالباً ... سز بویله هر کسک عنوانی ایکی آیده بر دیشدیردکجه
 شاشیرمازمیسکیز ؟ برقاج آی اول بر بوناق پاشایه د پاشا انشته ا ،
 دیرکن بو کون بشقه برینه انشته بك دیورسکیز ؛ اویله برینه که
 اوکایکی آی اولنه کلنجیه قدر دایی یاخود عمجه دیردیکیز ، غالباً؟ ..
 کندیکزی نه کوزل اداره ایدیورسکیز ، بن اولسه م شاشیریردم ،
 هر دقیقه بر قفامی بر یا کاشلنه چار پاردم ...

دلاور — کتابلرینی کاملاً طولایه رق و پنجره — قاپی به توجه ایدرک :
 مقابله ایتیه جکم ، بن صبر ایدرم ...

سعدون

حقیقهٔ جوق صبرایسکیز ، تبریک ایدرم ...

دلاور چيقار چيقماز ، سعدون خروس کي قابار ديني اسڪم له سندن
آتلایه رق کنيش آديملرله وپارماقلرني بلکنک اويلو فلرینه سوقوب درين
درين نفسلر آله رق کزر - هپ کولوشورلر



ايکنجی مجلس

دلوردن بشقه

سعدون

اوخ .. اوخ .. براز نفس آلفه باشلادم. شيمدی شراره،
فرید بها بکه جواب ویر ، نه اولق ایستردک، باقلم ؟ .. (مسعدته)
بزده اویونه دوام ایدم .

شراره

سعدون، بن سکاخر ویره می می؟ ظن ایدهرم، فضله اولیورسک.
دنیا ده حقلی موقعنده بولونورکن کندی آیله حقسز موقعنه دوشمک
قدر چوجقلق اوله ماز ..

سعدون

صراق ایتمه ، شراره جکم . دلوردن قورقه جق حالده دکلم !
(صحنه نك ایلرینه دوغری کله رک وپک ضرور ایله جیبی اوقشایه رق)
بوتون دلور بونک ایچنده در .

فرید بہا

اونہ دیمک ؟ ..

مسعدت

سعدون بک قوتنہ بک مغرور کورونیور ...

سعدون

خی دیکہ بک ...

مسعدت

سزی زملاہ برابر بشقہ سی دہ دیکہ سین ! .. (قاتقار وینچر مدن
باغچہ بہ باقار) اوو .. باباسیلہ برابر باغچہ دہ آرمود قوپاریورلر ...

شرارہ

بابامک سوکیلی ، قیمتلی آرمودلری ... بروقتلر قوپارمقدگی ،
اوزاقدن سیر ایدنلری ضابطہ یہ تسلیم ایدردی ...

سعدون

دیکہ بورمیسکیز ؟ (ہپ یاقلاشیرلر و دقت ایدرلر) دلاور
بکک عاتی معلوم ... چوجقلاغندہ ، شکر ، یمش ، فلان بہانہ سیلہ
شونک بونک جینی قاریشدررمش . بورادہ مسافر کن بنم کتبخانہ می ،
شرارہ نک کیلارینی ، خدمتچیلرکدہ ...

فرید بہا — تکدیر آمیز

سعدون ! ..

سعدون

اوت ، اونى كچەلم . كندى كندىمە دىدم كە : بويە هر شىئى قارىشىدىران ، شىمدى دە اوى واوخلقى قارىشىدىران بويادكار بويە برياندن آرسەن لوپن ، شرلوق هولس ونات پىنكرتون حكايەلرینی اوقور ، برياندن دە قارىشىدىرمق خويندە دوام ايدرسە ...

شرارە

دوام ايدرسە ؟..

غريدەها

نە اچون كسيورسك ؟

سعدون

چونكى زەبە قدر ايلر يە جكنە بن دە عقل ايرديرە ميورم .
باقيكز ، بوفكرلە بو كىچە نصل برؤيا كوردم ...

مسعدت

جىيەكز دن بحث ايدە جكدىكز ، شىمدى رؤيايە آتلا دىكز .

سعدون

صرە ايلە ... بابامك مينە ساعتلر مجموعەسى معلوم ... جامكان ، يازى اوداسنك صاع طرفندە در ... بن ، رؤيامدە بورايە كيرەشم ، بر دە نە باقىم ؟ ... جامكانك قايىسى آچىق و او كندە دلاور بك برورر ساعتلى آلوب جىينە ير اشديرييور ، بن بر طرفە سىليورم ، او او كدن بن آرقەدن ... دوضرى بنم اودايە ... كندى كندىمە : شىمدى دە

بم کتابلر آشه حق! .. دبیوردم، برکت ویرسون برمدتن بری
 کیتبخانه کلیدی... لیکن اوکا کلیدی دایانیر؟.. سانکه بر سحرله دولاب
 جاملری آچیلیور. دلاور بک نه پاپسه بیکنیر سکز؟ جیندن بر ساعت
 جیقارهرق یواشجه، بم کتابلرمک آرقه سنه صاقلابور و تکرار
 دولاب کندی کندینه قاپانیور، دلاور بک ده اورتهدن سیلنیور...
 اویقومک آراسنده در حال مقصدی آ کلادم: خائن! .. دییه
 آتیلدم.. حکایه نك بورادن آشاغیسی بم ذکامک لهنه دکل...

شراره

نه در؟ نه در؟..

سعدون

یتاقدن فیرلادم ... رؤیاییدی، حقیقتمیدی؟.. اولا کندی
 کندییه "کولدم، صکره شهبه اندم و کیجه یاریسی کمال اهتمامه
 بوتون کتابلری برر برر چکک رک ...

فرید بها

بونلر جنائی فاجعه لرده، یالکیز صحنه اوزرنده تصادف اولنان

شیلردر .

سعدون

ای یا! .. بن ده اونک ایچون بونی بر رؤیایه قویدم. مع مافییه
 رؤیالر، حقیقتلرک ترسباتندن تولد ایتمزی؟ بو شویله ایضاح ایدیلر-
 بیلیرکه بن بو آدم حقنده بو نوعدن احساسات ایچنده یشایورم .

فرید بها

چوجق ..

مسعدت

كلهلم جيبيڪيزك سرينه ..

سعدون

اووح .. نم جييم .. مسعدت خام، هيچ بوش بر سپتدن
 درلو درلو شيلر چيقاران حقه بازلره تصادف ايتديکيزمي؟ (تقليد
 ايدهرک) اولاسپتتي سزه کوسترر، باقارسکيز بر شيلر يوق ...
 برشيلر يوقی؟ بويورک افندم ... سزه رنکارنک ايپک منديلار ...
 بوتون دول موجوده وغير موجوده تک يپراقلری ... دهامي
 ايسترسکيز، افندم؟ ايشته قورده لالر، ايشته دانتلار، ايشته
 يپازهرلر .. (آنی جيينه صوقوب چيقارير و متعدد يپراقلره بر
 مکتوب صاللايهرق) ايشته تحف تحف حکايه لر، وجدی بکک
 حکايه سي، رخسار خانمک ماجراسی، دلاور بکک سرگذشتی ...

فرید بها

بو افنديدن قورقالي ...

سعدون

خاطريکه کليورمی، شراره؟ سکا مکتب دیدی قوديلرندن بحث
 ايتشدم وديشدم که بزلر هپ کوز وهپ قولاغز .. صکره بو
 کوزلره قولاقلر آراسنده پر تکافل، بر اشتراکده واردر . بونی

سکا آ کلامشدم . تصادف... حیات ذاتاً تصادفدن بشقه نهدر؟..
 بنمله برابر بوسنه مکتبیدن چیقان رفیقلمک آراسنده بری واردی که،
 تام اونلرک بیانه من نصل سیدلرله ترک ایتدکاری شهرده هر شیدی
 دیوبوب اوکره نه جک بر عالمه دندر . اولا اخلاقدن شبههیه دو-
 شمه مه کز ایچون سزه خبر ویریم که بن نه اوکا نه کیمسه به
 اومزک مصیبتنه داتر حرف واحد سویله مه مشدم . فقط مکتبک
 قولاغی کسکیندر دیمش-دک آ.. دیمک، هپ بیایورلر مش . بو
 آرقداش مملکتته کیدر کیمز دوشونمش، طاشنمش، سعدونه
 نصل مفید اولایایرم عجبا، دیمش اوله جق... و دلاور بک هر
 شیئی قاریشدی ررکن، بو آرقداش ده بر پارچه اونک ترجمه حالی
 قاریشدی رمش... ای می یامش فنا می یامش، بیامه یورم...

فرید بها

بک فنا یامش! وجدی بک سنک باباکک دایسی، اوته کیلرده
 اونک چوجقلری... بو خصوصیاته حتی بر مکتب رفیقی بیله
 اولسه، بر یابانچینک مداخله سی دعوت ایدله ملیدی .

سعدون

برکره دعوت ایدن یوق. صکره، بو بلکه دوغری اولوردی،
 اما وجدی بک بابامک دایسی صفتنده قالسه یدی، فقط بابامک
 دایلفندن چیقوبده اونک قان پدیری اولونجه... آکلایور-
 میسکیز؟.. بزم آنه منری بورادن قاچیران بر مخلونک، یارین ده

سزی بورادن قاجیره جق اولان دیکر بر مخلوقک باباسی اولدینی
ایچون ، بابامک قاین پدری صفتی آلهجه ... هم عجله ایتمه بیکیز .
بن متهم دکام ، شیمدی آکلایه جقه سکیز که متهم اولاق احتمالنده ده
قالبیه جنم : اوننی یاقه جنم .

شراره

نتیجه ؟

سعدون — کاغدلری صالایه رق
نتیجه ، ایشلری ، حس-اباری قاریشیق بر دفتر دار ، استعفا
ایله یافه یی صییرمق ایسترکن ، قریباً تحت محاکمه به آلتیق اوزره ...
غالباً کفیلده دامادی ...

مسعدت

کیم دامادی ؟

سعدون

سابق یکنی ..

فرید بها

بابا کدن بحث ایدرکن سنی لطیفه ایتمه مکه دعوت ایدرم .
سعدون اوموزینی سیله مکر .

شراره — مدافعه ایدرک

آغلاماق ایچون ک ای چاره لطیفه ایتمکدر .

سعدون

رخسار خانمہ کلنجہ ... مطلقاً بر قوجہ یہ ویرلمکده عجبہ
 اولونمش بر خانم . نہایت متقاعد ، (فرید بہایہ معنیدار باقہرق
 یاقلشیر ویواشجہ تکرار ایدہرک) متقاعد بر فریقہ یامانش ...
 فریقک اسکی بریاوری وارمش کہ ... (شرارہ ایله مسعدتہ باقہرق
 دورور ، تردد ایدر ، صکرہ بر آدیم آتہرق فرید بہایہ وکوزلری
 یرده) بر یاوری وارمش کہ متقاعد دکلمش ...

فرید بہا — تکدیر آمیز

سعدون !..

سعدون — آلدیرمایہرق

دیرکن رزالت ، شیوع ، کفت وکو ، طلاق ... شرارہ !
 دفتریکہ قید ایت ، بر طلاق دہا ...

شرارہ

اونک تاربخنی مقدم !.. ہم بووقہ قادینک علیہنہ ...

سعدون

ہپسی ارککلرک علیہنہ اولماز آ.. ینہ بو صیرہ دہ ، ہپ تصادف ،
 کوریور میسکز ؟ حیات تصادفدن بشقہ برایش دکل ... دلاور
 بکک علیہنہ بر ملوث دعوی ... دہا صکرہ محاسبہ قلمندہ ،
 آکلاشیلان باباسی اونی اورایہ یرلشدیرمش ، بر سؤ استعمال ...
 حتی روایۃ ، بابا اوغل آراسندہ . . .

شراره

کافی ، سعدون ، رجا ایدرم ، دوام ایتمه ...

مسعدت

ظاہا ، پدريکز کلپور ، سنی ایشیتدم ...

اوچنجی مجلس

اولاکیلر جمیل شوکت

جمیل شوکت — صاغدن کیره رک
سعدون ، دون آصمه نك یاتنده کی اغاچدن سنی آرمود
قوپاردک ؟ ..

سعدون — بردن ایرکیله رک
اصلا ! ..

جمیل شوکت

متادیا آرمود قوپاریلپور. بونی سندن بشقه کیم یاپه بیلیر ؟ ..

سعدون

کیمک یاپه بیله جکینی دوشونمدم ، بک بابا . بونی بیلیم ؟ فقط
بیلدیلیم رشی وار سه سزک خوشکزه کیمه یه جک برشین یاپمیه جغمدره

هې متاثر درلر ، فرید بها پنجره په دوغری ایلرلر

مسعدت — کنندینی ضبط ایده میهرک

بو آغا چدنمی بحث ایدیورسکاز ، بک افندی ؟ .. ظن ایده رم

ینه آرمود توپاریورلر ؟ ..

جیل شوکت ایلرله یهرک باقار ، و ، پنجره — قاپیدن چیقار

شراره — سعدونک داوران دینغی کوره رک

نره په ، سعدون ؟ ..

سعدون

کوردیکزمی بر کره ؟ هر شیده مضمون بن ... بو قاج اولدی ؟

هر کون یکی بر اسناد ... بن به کوتو چوجقمشم ... اووخا ...

بک مراق ایدیورم ، باقم اونلره نه دیه جک ؟ .. آرقه سندن

کیده جکم ، اوندن صکرده بر آز دکز کنارینه ، نفس آلفه

چیقه جقم . بو اوك هوا سندن بوغولیورم ...

سعدون چیقار



دردنجی مجلس

شراره فرید بها مسعدت

شراره مفتور ، ودوشونه رک اسکی برینه اوطورر ، مسعدت آیاقده .

محبانه آنی اوموزینه قور، فرید بها اولا اوزاقدن، پنجره دن، دالغین باقار،
صکره دونرکن

شراره

فرید بها بك، قانون یاپان آدمیره نه دیرلر؟..

فرید بها

صره سنه کوره متشرع دیرلر، واضع قانون دیرلر، ص-وك
اصطلاح مدنیسی، واضع قانون...

شراره

قادینلرده واضع قانون اولورمی؟

فرید بها

بو، زمانه ومحیطه کوره متبديل برشی... فقط هر حالده
بزجه معلوم دنیالرده بو صفت ارککلره ویرلمش بر امتیازدر.

شراره

بر انحصار!.. طلاق ندر، رجا ایده رم؟

فرید بها

ضایت ساده بر مسئله... قاری قوجه آراسنده افتراق...

شراره

نکاح ندر؟

مسعدت

اوتہ کنک عکسی اولہ جق . یعنی قادین ارکک آراسندہ
اتفاق ، اتحاد ...

فرید بہادہ تصدیق اشارتی

شرارہ

شو حالہ طلاقہ نکاح کی ایکی طرفہ عائد بر معاملہ ...
یعنی نکاحہ اولق ، طلاقہ اولق ایچون بری ارکک ، بری
قادین ایکی طرف اولق لازم کلپور .

مسعدت

ظن ایده رم .

شرارہ

ایشته اصل آکلاشیله جق مسئلہ ا نصل او ایورده ہم ارککلرہ
ہم قادینلرہ متعلق ، ہم بو درجہ یاقیندن ، بر مسئلہده قانون وضع
ایدنلر یالکیز بر طرفہ منسوب اولاناردر ، یعنی ارککلردر ...

فرید بہا

یالکیز بو مسئلہده دکل ، بوتون مسائل حیاتیہده - کہ قادینلرہ
وارککلرہ مشارکاً عائددر - قانون وضع ایدنلر ارککلردر .

مسعدت

بن اولہ بولپورم کہ بو محث ایدیلن مسئلہ دہا زیادہ خصوصیتلہ
ہر ایکی طرفہ عائددر ، فقط دیگر مشترک قانوناریہده ارککلر

یابوورلر دییه کندیکزه متین بر نقطه استناد بولمش اولمایورسکیز .
ینه سزک وضع ایتدیگکیز قواعددن برینی تخطار ایدیورم که بزه
مکتبده ایضاح ایشاردی : باطل مقیس علیه اولماز ، دیرسکیز
دگلی ؟ ..

فرید بها

لیکن سزنی هیچ اختصاص اولمایان برزمینه چکیورسکیز .
احتمال لازم کلن صلاحیتله جواب ویره میه جکم . اکر بوجکلره
عائد قوانیندن بحث ایتسه دیدکیز . . . فقط انسانلره عائد قوانین
ایله او قدر علاقه دار دگلم .

شراره

بم آ کلامق ایسته دکاریمه جواب ویره جک قدر معلوماتکیز
واردر ، البته ... مثلا نکاح اولورکن طرفینک موافقتی لازمدر ،
دگلی ؟ یعنی هرایکی طرفده ، ارکک وقادین اوت ا دییه جکلر .

فرید بها

البته ! ..

شراره

او حالده بومقاوله فسیخ ایدیلیر کن بنه هرایکی طرفکده « اوت ! »
دییه بنه احتیاج یوقی ؟

فرید بها

پك ايني بيلمه يورم اما، برنجي تقديرده هرايكي طرف آراسنده
براتفاق وار ، نقطه نظرده بر اشتراك ...

شراره و مسعدت

بوده سوز کوتورر .. هر وقت اوبله دكل ...

ينه برابر

نه ايسه ...

فرید بها — دوام ايدرك

ايكنجی تقديرده، بالعكس اختلاف وار ، بری اوت، ديركن
ديكری خير، ديهه بيله جك وضعيته ... بناءً عليه ايكي طرفدن
برينك حاكم اولماسی و فصل دعوی ايدرك هرايكي طرف ايچون ده
اوت و يا خود خير ديهه بيلمسی لازم كلير .

شراره

قانونلری ياپان ار ككار اولديني ايچون بو حاكلك موقعی
كنديلرينه ويرمشلر .

فرید بها

قانونلری ياپانلر ، نه ار ككار دو نه قادينلر در ، اولر هر درلو
جنسيتدن آزاده بر ذهنيت و معنويته كيرلر ده قانونلری اوبله ياپارلر ...

مسعدت

۱ کر اویله اولسهیدی بومسئلهده بشقه درلو قرار ویرلردی،
ظن ایدیورم .

شراره

اوت ، قادینلردن ده متشرع یا خود واضع قانون اولسهیدی ،
بیلیرمیسکیز ، بن نه اولمق ایستردم؟ سنزک بکا دمین ایرادایتدیگیز.
سؤالک جوابی : بن برمتشرع اولمق ایستردم .

مسعدت

اوزمان نه یایاردک ؟

شراره

طلاق وقوعه کله بیلیمک ایچون اوکا قرار حقنی دیگر برقوته،
برقوته حاکمیه برافیردم ...

مسعدت

ینه ارککلردن هرکب برقوته حاکمه ...

شراره

جنسیت مسئله سنک حلنی ، شیمدیلاک ، زمانه ترک ایدردم .

فرید بره

سنزک دیدیکیز قوه حاکمه وار ، طلاق و اوندن متولد ،
مثلا ، فقهه قیامندن ، مسائلی محاکم حل ایدر .

مسعدت

متخصص اولماديفكيز نه قدر ا كلاشيلبور ، فريد بها بك .
 بر متخصص اواسه بديكيز بودرجه چوروك بر جواب ورمكه هيچ
 تشبث ايتزديكيز ...

فريد بها

ذانا اعتراف ايتدم ، نبي تنفس ايدم بيله جكم هوانك خارجه
 چبقارديكيز . فقط نه ايچون چوروك ، رجا ايدم رم ؟ .

مسعدت

چونكه اويديديكيز محكمه ار ككارك ظلمندن خلاص اولمق
 ايسته يوب موفق اوله ميان بچاره قادينلره مخصوصدر . ار ككار ؛
 كنديلري ، ايسته دكاري قدر تپزله يوب خورلا دقن صكره ،
 چوروتوب ازدكدن صكره ، قوللرينه اللرينه اتكارينه هونكلرله
 چوجقلر آصدقن صكره ، نه زمان ايستسهر ، قادينلري ياقه لرندن
 طوتونجه قاپدن ديشاري آت بيليرلر . اونلرك نه محكمه سي ، نه
 حاكمي ، نه قانوني وار . محكمه ، قلملرندن ؛ حاكم ، اوصيره ده فيكرلريني
 يوروين كيم بيلير نصل بره وادن ؛ قانون ، او قلب ايله او هوا آراسنده
 على المعجله وجوده گلش بر بوزوق مسوده دن بشقه برشي دكل .
 باقيكيز ، سكوت ايديوورسكيز . اعتراف ايدبكيز كه ار ككارك قاده
 ينلره تعين ايتركاري وضعيت حتى تشكيلات مدنيه ده خدمتكار
 موقعنده بولنه جق بچاره لره ويريلن حقوقك بيله دوننده در .

شراره

اوت، مثلاً مسعدت قبیلندن منور بر قیزله دلاور طرزنده سردار
بر مخلوق آراسنده ...

مسعدت

فرض محال !..

شراره

عفو ایدرسک ، مسعدتجکم ، واضح بر مثالده اونک ایچون
جسارت ایتدم ... اوت بو ایکبسی آراسنده بر ازدواج وقوعه
کله بیلیمک ایچون اولو ، دلاورک ماضیسنده هر درلو لوئیاتی قبول
ایدیورسکیز ؛ زیرا ارککلره بر معافیت ممتازه بخش ایتمشسکیز .
صکره ، حیات ازدواج باشلاقدن صکره ده او ، قوجه ، دوام
ایده بیه جک ، و هر صورتله خلقاً ، ذهناً ، هر فانا دون بر موقعدمه
اولفله برابر او اجرای حکومت ایده جک ، دائماً ، دائماً دلاور
بک قوعمق ، و ، مسعدت خام قوغلمق موقعدمه بولنه جق . بو
حاکمیکده دلاورک حسیات عدالتنه بودرجه امینمیسکیز ..؟

فرید بها

بالعکس ، بن ، کندی حسابمه هیچ امین دکلم . اونک ایچون
بر دلاورله اولنه جک قیزه تصادف ممکن اولورسه او کاهان « حذر ،
قیزم ! آتکلرینی بو جاموردن صاقین و یوانه دوام ایت .. » دیردم .

مسعدت

هرار ککک ایچنده بردلاور اولمادیغنه نصل حکم ویرمه لی ؟

فرید بها

هر قیزک ایچنده ده بر رخسار اولمادیغنه نصل حکم ویرسه کز .

شراره — ألیله دفتینه اوره رق

آه .. بیاسه کز نصل فجایمله مملو بر دفترا! ... همان بوتون طلاق دعوالری ، براق مستئندان بشقه ، تک توك مستئندان بشقه ، هپ قادینلرک ضررینه اوینامش بر آجی اویون! .. سزه بونلردن بحث ایتیه جکم . لزومده یوق ، اطرافه باقمق ، سوقاقلره دوکولان حکایه لره قولاق ویرمک کفایت ایدر . اعتراض ایتیه یورسکز ..

فرید بها

مادام که اعتراض ایتیه ورم ، سزه حق ویریورم ، دیمکدر .

مسعدت

براق ، شراره ، براق! سوبله دیکه متأثر اولیورسک .

فرید بها

یا لیکز اونوتمه اییکز که بوزولان ازدواجلرک یاتنده یش-ایان ازدواجلرک عددی قیاس قبول ایتیه جک درجه ده چوقدر . تشکیلات اجتماعیه ده هیچ ر قانون ، منافعی تمامیت مطلقه ایله تأمین ایدر ، حضراتی صورت قطعیه ده رفع ایار دییه تلقی اولنه ماز . قانون ،

اواسه اولسه ، اك نيكيين معناسيله منافى حد اعظمنه چيقارر ،
مضرانى حداقلنه اينديرر دینه بيلير . بو بر نسبت مسئله سيدر .

شراره

ينه حل ايدمه ديكز . بن بونى تسليم ايدهرم ، رد ايتديكم
تقطه ، موجود قانونلرك بويله منفعتلى اك يوكسك ، مضر تلى
اك آز نسبته اينديرده مش اولماسيدر .

مسعدت

بوتون بو بحث نى سوريه سياحتنى دوشونمكه سوق ايدىيور .
اون بش كون صكره كيدىيورم ، شراره ...

شراره


ايسته قانونلرك كفايتنه كوگنه ميهرك قيز قالمغه ، معلمه ليكده
بر تسليت آرامغه قرار و برمش بر بچاره ...

مسعدت

بكا اذن و برر ميسك ، يازيله جق مکتوبلر ايچون سنك اودا كده
چايشه يم ؟ ..

شراره

البتة! .. (او چيقار كن) بن ... بن ده كوچك قيز چوجقلىرينه
حكايه كتابلى يازمقده عمر كچيره جكم ...



بشنجی مجلس

شراره فرید بها

فرید بها — لطیفه کار

دیمک سزده اختیار بر قیز قلمغه قرار ویریورسکیز؟

شراره

همات! بدبخت آننه مک عافبتنی کوردکن سکره...

فرید بها

اینانیر میسکیز؟.. بنده دایمک جنقنه شاهد اولدقن سکره «
یالکیز ازدواجدن دکل، حیاندن ده نفرت ایدر اولدم. برکت
ویرسین بوجکرمله مشغولمده انسانلری اونوتیورم.

شراره — یاننده بر اسکمله یه اوطوره رق

حالا بورادن کیتمک فیکرندهمیسکیز؟

فرید بها

هر وقتدن زیاده... یالکیز بر فیکرینی توقیف ایدیورم

شراره

نه ایچون کیتمک ایسته یورسکیز و نه ایچون قالیورسکیز؟..

فرید بها

ایسته شکلاً ضرب بر سؤال، فقط اساس اعتباریله پک محق.
جواب ویرهیم: کیتمک ایسته یورم، چونکه کوندن کونه مضمحل

و پريشان اولان بو اوده، کوندن کونه برازدها مريض، برازدها
 مجنون اولان داييمک يانده، اوزاقده ييقيلمش اوينک ماتميسله،
 قضايه بر ايقيلمش جو حقلرينک الميله هر زيقه صيزلايان ينک مک
 انقاص خاطر اتی آراسنده يشامق آرتق بکا ممکن کورونمه بور.
 بوبله کيتمک، قاجق ايسترکن حالا بوراده قايورم، چونکه...
 چونکه اولاسمز، سز وار سگيز. صکره سعدون...

شراره — کوزلرني قاپايه رق

دوام ايدیکيز.

فريد بها

آنه کزک بی آلمدن اوپرکن صوگ سوزنی تخطر ایدیورم:
 « شیمدی به قدر اونلرک بویوک برادری ایدیکیز، بوندن صکره
 آنه لری اوله جقسکيز. ا کر سز اولماسه ایدیکيز... »

شراره

بکاده اويله سویله مشدی، « دائما سعدونله برابر اولدیکيز
 و ایدیکیزده فريد بها به استناد ایدیکيز. » دیمشدی... دونینه
 بر قارت آلام، ينه بر سطر...

فريد بها

زهدن؟

شراره

چهل... آم - زهدن... قارلسباد تداویسی ختامه ایرمش.

تماماً اعادهٔ عافیت ایتدیکنندن و تیرولده بر جولانده ن صکره ادرنه به
 عودت ایدم جکنندن بحث ایدیور . او قدر ..

فرید بها

نه قدر دولاشدیلر ! ..

شراره

ایکی آیدن فضله ! .. ادرنده آنجق اون کون قاله بیلمشاردی ،
 آرقه لرندن کیدن تطایق خبری اوزرینه ...

فرید بها

اوکا ذاتاً منتظردی ، فقط بعضاً قلبک قبول ایتدیکی حقیقتلره
 وجود تحمل ایتمکدن اظهار عجز ایدر ...

شراره

دمین بکاپدرمک کوندن کونه برازدها مریض ، برازدها .. (گله بی
 تلفظده تردد ایدر)

فرید بها

مجنون ! ..

شراره

... اولدیغندن بحث ایدیوردیکیز .

فرید بها

اوت ! ..

شراره — حزین بر تبسمه

بن ظن ایتمه یورم. بن اویله ظن ایدیورم که، یواش یواش...
اوو... عجله ایتمه لم، پک یواش... بر اویامق... اویانمقده دکل،
بر نوع...

فرید بها

دوام ایتمه ییکیز. بویله کوچک شفا اماراتی بر اقالیدرکه براز
دها انکشاف ایتسین. اورته دهه جدیتله مشغول اولمه جق
شیلر وار. اولا سعدون!.. سعدونی آرتق کوندرمک زمانیدر.
صکره سز! سزی بوراده، خصوصیه بو دلاورک جوارنده...

شراره

اووخ!.. اوندن قورقما ییکیز. سعدون ایچون حقه کیز وار،
فقط بن، بن بریره قپردانه مام. بوراده مدافعه ایدیه چک
برحق وار: آنه مک حقی، آنه مک خاطره سی، بن بوراده اونک
بر تربه داری، هراقشام قندیلنی یاقه جق، صندوقه سنک کنارینه
چوکوب اغلایه رق دعا ایده چک، پوشیده سنک طوز لرینی یوزینی
کوزینی سهوره سوره طوپلایه جق، ماتمکیر بر تربه داری کبی م،
بر قاریش آیرلق فیکرنده دکلم...

فرید بها

اوحالده بکاده داتما یانکیزده بریر بر اقیسسکیز، بر بویوک
برادریری...

شراره — کولومسه بهرک
بر آنه یری ...

آلتنجی مجلس

رخسار اولکیلر

رخسار

اوو! ینه برابر ...

شراره — آیاغه قالفه رق

نه ایچون ایسته یور-کوزکه برابر اولمایلم ؟..

رخسار — کولومسه بهرک

خیر ایسته میور دکلم. واقع اولان بر شیده اشارت ایدیورم.

شراره

فضله کلفت ایدیورسکیز . بز تا شو قدر جقدن یری برابر
بویودک ، برابر دیوب حیاتی برابر اوگردک ، بوکون ینه بزه
برابر بولونمق ، و ، برابر حس ایدوب برابر حکم ویرمک احتیاجنی
تلقین ایدن بر وضعیت ایچنده ینه بر آراده بولونورساق بونی هیچ
شایان اشارت عد ایتمه ملیدر . (بلندن بردمت اناختار چیقاروب
قارشیده ماصه نك اوستنه قویهرق) بندن آناختار لری ایستمشسکیز ..

ذاتاً اونلری چوقدن سزه ویرمایدیم ، عفو ایدرسکیز . اویله ظن
ایتدم که بوتون بوزولش کلیدلر ایچون آناختارلرک آراق برحکمی
یوقدر ، کندیمه عاڈ اولانلرندن بشقه سنی چوقدن قوللانمایوردم .

وخسار

آنه کزه یا ییله جوق معامله یی بیلمه یورسکیز ...

شراره — چاینه رق وزور ضبط ایدیلن بر هیجان اعصاب ایله
آنه می ؟ .. آنه می ؟ .. سزه پک رجا ایدرم ، بو کلینی
ایکیمزک آراسنه قویمایکیز ...

فرید بها — ایلریله یرک
شراره خام ...

وخسار

براقیکیز ، برافیکیز ، ذاتاً بوچوققلقلرک آلتده بن آشیلانمش
زهرلر کوریورم .

شراره

بر بیکنه نه ایچون اسناداتده بولونیورسکیز؟ اکر بونلرک
آلتنده برزهر کوریورسه کزاونی بشقه برمنبعده آرامالیسکیز ...

صوک سوزلر آراسنده آچیق پنجره - قاپیدن اوکده جبل
شوکت ، دها آرقه دن ، وجدی ودلاورکیرلر ، شراره
صولدن چیقار ، فرید بها دفترلینی طویلار ، براز صکره
اوده صاغدن چیقار .

یدنجی مجلس

وجدی دلاور رخسار جمیل شوکت

جمیل شوکت

نه اولیور، رجا ایدہرم؟

رخسار — اوطور مشدر، مندیلہ کوزلرینی قوروتہرق
 نه اولہ جق؟ هر کون یکی برتحقیر. بو کونده اچق .. دیہ
 حقارت کوردک، اناختارلرده باشمه آیلدی .

دلاور

دمینده سمدون بکا بد معاملہده بولوندی .

وجدی

ظن ایدہرم، چوجقلری بر قیشقیرتان وار: فرید بہا بک،
 حق بلکہ برازده او سینمی قیز، مسعدت خانم ...

جمیل شوکت — دالغین

مسعدت بر قاج کونہ قدر کیدیور. فرید بہایہ کلنجہ . . .

دلاور دیکلر

جمیل شوکت اکمال اتمز، ہپ استفسارکارانہ باقہرق منتظر اولورلر.

جمیل شوکت — ذہندن کچی سوبلمکہ مجبور اولہرق

ظن ایدہرم، اوکادہ آرتق مسافرتی بدتیرمک زماننک ...

تکرار دورور، دیکر لری اصراره لزوم کور منزلر، دلاور و خساره
یا فلاش رق یواشجه کوروشورکن

وجدی — جمیل شوکته، یاری قالمش بر بحی تعقیب ایده رک
اوت، نه آ کلانیوردم ... ها، نهایت تعقیبات قانونیه اجرا سنه
قرار ویریلیر. آلدی مدار اتهام اوله جق بر اماره اولمادیغنه قانیم.
نجه، کندلی ایشمدن زیاده، دلاورک مسئله-نی دها چا پراش-یق
بولیوردم. بوتون بوشیلردن سنی صیقه ماق ایچون بحث ایتمه مشدم،
فقط ص-وک مکتوبلردن آ کلایوردم که سنی خبردار ایتمک زمانی
ککشدیر. آرزوایدرسهک بوکا دائر یازلمش بر مخاطره مله مختلف اوراقی
بولوب سکا ویریم ...

جمیل شوکت، هپ دالغین، باشیله « اوت » دیر

وجدی — دلاور

دلاور! بنمله برابر کلیر میسک؟ اوراق صندوقندن چیقاریله جق
شیلر وار...

دلاور کولومسیه رک و خساره تکرار برشیلر سویله دکدن صکره
صاغدن برابر چیقارلر

سکیزنجی مجلس

جیل شوکت رخسار

رخسار

نهایت، فرید بها ایچون قرار ویرمش کیسکیز؟ ..

جیل شوکت

بلکه ... فقط هر قرار همان اجرا ایدمک لازم کلز، زمانی
بکله مک ایجاب ایدر.

رخسار

تورقارم که سز بویله بکله دجکه زمانی کچمش اولماسین. دمین
ینه برابر دیلر...

جیل شوکت — براز منقل

سزه دائما سویله یووم که اونلر بر برادرله بر همشیره کییدرلر.
برابر بولنمالرنده هییج بر محذور کورمه یورم.

رخسار

او حالده نه ایچون استئقال ایده جکسکیز؟

جیل شوکت

پک اعلی بیلیورسک که بوسنک فیکریکه مماشات ایتک ایچوندر،
باشقه بر سبب یوق.

رخسار

دیمک، بویله ایکی کنجک دایما باش باشه یا شاهه لرینی بک موافق
عد اییدیورسکیز؟

جیل شوکت

بو ایکی کنجدن بری فرید بها، دیکری شراره اولورسه،
اوله... هم بک رجا ایده روم، شراره ایچون بکا بو طرزده مطالعه یه
لزوم کورمه.

رخسار

دیمک، سزده بنی شراره به بر انسه وضعیته آلمقدن منع
اییدیورسکیز؟ دیمین اوده بنی بویله تحقیر ایتشدی...

جیل شوکت

فرید بها کیارسه، اوده، شراره ایله دلاور یالکیز قلمیه جقلرمی؟
بوکاده اعتراض ایده جکمیسک؟..

رخسار

بونده نه ففالق کوریورسکیز؟..

جیل شوکت

یوق، بن شراره حسابنه بر ففالق کورمه یورم.

رخسار

بن ایکیسنک آراسنده بر ازدواجه دایما بک ممکن نظریله باقدم.

جیل شوکت

نصل؟ دلاورله شراره آراهنده بر ازدواج امکاندهنی بحث
ایدیورسک؟ رخسار، ظن ایدهرم که قرداشلق حسنی سنی اغفال
ایدیور.

رخسار

شیمدی ده دلاورک علیهنده بولونمکیز، باقملم. ذاتاً برمدتن
بری، سزک بویله، بزدن، بابامدن، قرداشمدن، بندن، باخفاصه
بندن... اوت، اوت، هیچ مدافهیه حاجت یوق...

جیل شوکت — منززل، یافلاشهرق
رخسار، یک اعلی بیلیرسک که...

رخسار — ایلله ایتهرک

خیر، خیر... نه دراقیم، برادریمک علیهنده نادییه بیلیرسکیز؟..

جیل شوکت — جسارتی غائب ایدهرک

اووا... هر حالده بویوک برسوءظنده دگلم، نقطه نصل تعبیر ایدیم،
غالبا چوق یر دیکشدرمکدن، منتظم برتحصیل، مطرد براصول
دائرةسنده یتیشمه مکدن متولد فنا اعتیادلری وار. پدرک دمین بکا
نه دن بحث ایدیوردی، بیلیرمیسک؟ غالبا دلاور، اوراده برچوق
بوزوق ایشلر برقمش، سرهنتیلری بورایه قدر کلک اوزره...
(رخسار تهدیدکار برسیا ایلله دیکلر) سکره بوراده، اسکله ده،

همان هر یره بر ایلمیشیک ، بر بورج ... نه ایچون اولیه باقیورسک؟
رخسار ، سنی قیزدیریورمی بم ؟ ..

رخسار — ، تظلمانه

براقیکز ، براقیکز ، ایشسته هپ دمین سویله دیکم تبدل ...
ذاتاً بوتون حالیکزدن بللی دکلی ؟ .. (بردن متجاوز) سز هیج
کنج اولمادیکزمی ؟ .

جیل شوکت — هپ او وضع مسترحمانه ایله
خیر ، هیج ... یالیکز شیمدی ، شیمدی کنج اولبورم ...

رخسار

یا سزک او سفیه قاینکزه نه دیهلم ؟ منمادیاً اورادن اورایه
کزن ... (رخسار ایلله ایتر ، جیل شوکت یا قلاشیر . اوفاق
بر مجادله . آلارینی طوتوب او پمک ایسترکن رخسار مدافعه ده دوام
ایده رک) ... شیمدی ده کندی سرسریلکنه ، همشه یره - نی ده ،
سزک حالاً اونو تمق ایسته مدیکیکز سلماخانمی ده قاریش دیریورده ..

جیل شوکت — بردن رخسارک آلارینی سیلکه رک ، و در حال کسب
جدیت ایدن بر سسله

سکا یک کره سویله دم که سلما دن هله بو طرزده بحث ایدلمه سنه
تحمل ایده مم ...

رخسار — فیلا یه رق

کور دیکز می؟ حالا اونی سویورسکزه. بی چو جقلریکزه
تحقیر ایتدیر بیورسکزه... .

جیل شوکت

سفی نه زمان تحقیر ایتله رینه مساعده ایتام؟

رخسار — ایلله اناختارلری کوستره رک

دها دمن ا. نه یابدیکز؟ هیچ... . هانیا بر آیدن بری
یاوارتیورسکزه، هانیا شراره نک اوداسنی پدرمه آله جقدیکز... .
پک اعلی بیایورسکزه که آد مجفزک دکز جهتمنده بر اودایه احتیاجی
ور... ایکی آینق بر هوسدن عبارتشم... قباحه بنده... .
بچاره... بدبخت رخسار... .

منفعل، صولدن چیقار، جیل شوکت نیازمندانه تعقیب ایده جک
اولور، شراره کیر



طقوزنجی مجاس

• شراره جیل شوکت

شراره — یواش یواش، قورقه رق، یاربیلر
محقق، بی تکدیر ایده جکسکزه، بک بابا... هیچ ایسته مکسزین
دمن رخسار خانمه بر از سر تچه سویله دم.

جیل شوکت

بک اصابت که اعتراف ایدیورسک، شراره!.. اعتراف ایتک،
 قصورنی کورمک، و تکرار ایدلیه چکنه وعد ویرمک دیمکدر .

شراره — براز دها جسور

برنجیسی ایچون دوغری ، بک بابا . . . کورمک ! اوت ،
 کوردم که - وبله بیدشده بلکه محق ، فقط هر حاله غیر موافق ، هیچ
 اولمازسه بنجه ، اختیار ایدیلن اصوله مغایر برسر تک واردی . تکرار
 ایدلیه چکنه وعد ویرمک جهته کلنجه . . . بویلمم ، دوغرو میدر . . .
 اکر بویله شیلر انساک اختیار نده اولسه حتی ابلک دفعه - نده یابیلماز . . .

جیل شوکت

آرا کزده جریان ایدن شیلرک تفصیلاتی بیلمه یورم ، بیلمک ده
 ایسته مم ، چوجقلمه دائر شیمدی به قدر ایدینلمش فکر لر ظن
 ایتیر یوردی که اومده بو قیلدن وقایع حصوله کلیه چکدر .

براز اوزاچه ، بری صاغده دیکری صولده اوطور لر

شراره

اوت ، فقط شیمدی به قدر چوجقلمر کزی هپ احوال طبیعیه
 ایچنده کوردیکز ، اوفکر لر ده هپ اواحوال طبیعیه دن تولد ایتمش
 شیلردی . ظن ایدرم بو کون وضعیت تبدل ایدنجه . . .

جیل شوکت

ایشته ، بنده ایسته یورم که وضیعتک تبدلانه رغماً چوجقلرمده
رتحول اولماسپن .

شراره — آچی آچی کولومسیهرك اوکنه باقار .

جیل شوکت

نه ایچون سکوت ای دیورسک ، شراره ؟ ..

شراره .

کندی کندیمه دیورم که : تحول ایتمه مک لازمسه بونی یا اکر
چوجقلردن بکله مک ، بیلمم ، موافق انصافیدر ؟ ..

اوافق برسکوت

جیل شوکت

سنی اوقدر سرتله که سوق ایدن نهیدی ؟ ..

شراره

نقصیلاته واقف اولمق ایتمه میوردیکز ؟ ..

جیل شوکت

یا اکر اساسنی آ کلامق ایسته یورم ...

شراره

اساس ، اساس ، اصل اساس ، اومعلوم .. ایکنه بی درجه ده ،
بیلمم ، هر کونک یوزلرجه اوفق تفک شیلرندن هانکیسنی
سولیه ییم ؟ .. یا اکر صوک ساعتک حکایه سنی سولیه مک کانیدر :

اولا : اناختسار لر ... اونلری بندن ایستتمش ، خدمتجیلردن برینک ، یکی خدمتجیلردن برینک بنمله اکلن بر تبسمی آلتنده ؛ کندیمی سرق ایدر کن یاغنه لاهرق رخصت ویرلش بر وکیلخروج ذلنده کوردم . بنده اینجه کیلارله مسافر طاقلری دولابلرینک اناختارلردن بشقه اناختار یوقسی ، وبونلر نه قدر زماندن بری ، اولک ایچنده هریر کبی ، آچیق دوریبوردی

جیل شوکت

ایشته ، بلکه اونک ایچون ، قاپاق ایسته شد .

شراره

اولا کلیدلرک تعمیرله باشلامالیدی ...

جیل شوکت

چوچقهجه بر سبب .. بشقه ؟ ..

شراره

خی فریدها ایله شورانه ، یان یانه حسب حال ایدر کن کورسه کز نه دیرسکیز ، بک بابا ؟

جیل شوکت

هیچ ..

شراره - آیاغنه قالفه رق

او حالده نه دیمک لازم کله جکنه دائر رخسار خانمدن تعلیمات

آلیکیز. چونکه اوسزک دیمکه لزوم کورمه دیککز شیلری سویله دی،
ذاتاً دائماً کوزلرینک ایچنده اونلری سویله یین برافاده وار. صکره
(سیکیرلنرک) صکره ده ایسته بورکه بن اوکا آننه ا. دیبیم .

جیل شوکت

مادام که بوندن حظ ایدیور. بوصورتله سنکله دوست یشامق
آرزوسنده اولدیغنه حکم ایدیلمر .

شراره

اووخ ا. بیلیرسکزکه بن آننه دیرکن بوکلنک ایچنه
دنیاک حوصله سنه صیغمایه جق قدر معار قورم . الی الابد
صادق قالمق ایسته یین برحبتک ، برعشقتک ، بوتون قانمک ایچنده
آقارکن بنی طوتوشدیران بر سوکینک معنالی قورم . نصل
ایسته نه بیلیرکه بن اوکله یی بشقه لری ایچون قوللانیم ؟. ظن
ایده رم که آغز مدن اوکله یین بشقه برینه خطاب ایدیلمرکن ایشیده جک
اولسه لر بو آوک بوتون دیوارلری نی توقانلار . .

چوکر کبی اوطورر ، آغلامغه مهیادر ، بابا قیز براز دها یاقیندرلر
جیل شوکت

شراره ا. نی سویورمیدسک ؟

بوسؤالی ایراد ایدرکن براز دها یاقلاشیر ، وانی یواشجه ، محترزانه
قیزینک صاچلرینه ؟ رر .

شراره — دیرسکاری دیزلرنده ، آووجلری چککسینده ، کوزلری

دالغیندر . باباسی صاچلرینی اوقشارکن او بر کدی احتیاجیله دها زیاده
سولیکه مشتاق کبیدر .

دوغریمی سویله یهیم، بابا؟ ... بن سزی داتما آننه مک آراسندن
کورور، اونک آراسندن سوردم، بر دورین ایچندن باقیورجه سنه،
آننه مک موجودیتک آراسندن باقاردمده اوپله سوردم .

جیل شوکت

شیمدی ؟

شراره

شیمدی اودورینک جانی سیاه کوچک بر قپاق اورتمش
کبیدر . اوته طرفنی کورمه یورم .

جیل شوکت

یعنی ؟؟

شراره — دوغروله رق ، و ، جسور ، کوزلرینی دیکه رک
یعنی شیمدی سومه یوردم .

جیل شوکت

قالبکده ، بکا دائر ، برحس ، بشقه برحس یوقی ؟

شراره

وار ، البته ...

جیل شوکت

سوبله ...

شراره

سزه آجیوزم ، بك بابا ...

جیل شوکت — آیغه قالفار ، و باشی آغریورمش کبی ابکی آلرینی
صاچلرندن کچیره رک ، درین برتأثرله ، دکز جهننده ، پنجره یه قدر کیدر-
بردقیقه سکوت - اوزاقدن

شراره اودا کدن پک منونمیسک ؟..

شراره

اووخ !.. بیایورم ، بك بابا ... نه وقتدن بری بکله یوردم !
سزه دائمًا بوندن بحث ایدیورلر ، سزده هپ جسارت ایده میهرک
بکا سویله یه میوردیکز ... کنددی کندیمه ، بابامک حالابکا بر اوتباطی
وار ، اونک ایچون جسارت ایده میور دییه سویندیوردم .

جیل شوکت

او حالده ؟

شراره

او حالده ، شیمدی بی او سه ونجندن ده محروم ایتدیکنز ...
اودام ، بندن هرشی ایسته بیلیر ، فقط اودام نصل ایسته نیر ،
بابا ؟.. دوشونک بر کره ، قاچ سنه درین اوراده یشایورم . اونکله
نیم آرامزده بر قایناشمه وار . نه یه قابل تشبیهدر ، بیلمم ، مثلا
قابلو مبنه ایله قابوغی ... اونی آیرمق ، آیردقدن صکره یش-آتمق
قابلمی ؟ اونک دیوار لر یله ، طاوانیله نیم برابر کچیرلمش ساعتمرم

وار ، اونلر بنم حکایه لرمی دینکله مشلر ، درد لیمه اشتراك ایتمشلر ،
اوزیمه تسلیت لرنی دوکمشلردر . بن اودامده کز رکن اونک
هواسنده آننه قوقوسنه بکزه بن برروح حس ایدرم . صکره
اونک هر گوشه سی خاطر اتمک خیالار بله دولودر ؛ خسته اقلریمک ،
سویجلمک ، آغلا بیدلریمک آراسنده سوکیلمریمک کولمکه لری ،
هب اوراده تیتروم ، کزوب دولاشیر ، وقت وقت یتاغمک کنارینه
کلیر ... هله بر خیال واردر که هر کیجه ، کویا دیوار لرک کوکسی
یاریلهرق ، چیقار ، کلوب بنی اوپر : « اراق او یو ! .. » دیر .
(جیل شوکت پنجره دن باه فرق دیکله زردر ، شراره یه باقق ایچون
جسارتی قالماشدر ، بلایدز که شراره سویله دیکه اوئده بر اختلال
واردر .) دها صکره پنجره م ، اودامک پنجره سی ... بن هب
دنیا یی او پنجره دن او کرندم . بوغازک هر موسمه ، هر ساعتده
هر منظره سنی آیری آیری اورادن از بر لهدم ، روحک ایچنه یازدم .
بنی او پنجره دن آیرمق بنی کور ایتمک دیمکدر ...

جیل شوکت — دونر و بر خطوه آتهرق — بوندن صکره محاوره پک
سریع جریان ایدر .

مسعدت خانم کیدیورمی ، شراره ؟

شراره

اوت ، اون کون قدر صکره ! ..

جیل شوکت

پک یالیکز قاله جقسک ...

شراره

نه ایچون ؟ مادام که سعدون وار ...

جیل شوکت

سعدون اسویچره به کیده جک .

شراره

تمکر ایدهرم ، بابا . . . بزده سزدن بونی رجا ایده جکدک ،

اونی اونو تمش کیدیدیکز .

جیل شوکت

اوده ایکی هفته ایچنده ، والده سنه اوغرایه رق ... والده کدن

مکتوب آلیور میسک ؟

شراره

خیر، یالکیز بر مکتوب ازم شدی . بیلیور سکز آ ، اوندن

صکره مکتوب یازمایه جغنی و بزندن ده مکتوب ایسته مدیکنی خبر

ویر بیوردی . یالکیز قارت تعاطی ایدیوروز .

جیل شوکت

بوکا نه ایچون لزوم کوردی ؟

شراره

کیم بیلیور ؟ بزنی حیاته و عاقبتده بیلمکله قناعت ایدیور .

دیلمک فضله سنی مفید کورمه یور ، بلکه مضر عد ایدیور . بن

آنه مک هر شيننه او قدر حق و برمه که آليشم شم که بونی ده محق
بولدم .

جیل شوکت
ادر نه به نه وقت کله جکلر، عجباً ؟ ..

شراره
ظن ایده رم ، پک یاقینده ...

جیل شوکت
او حالده سعدون کیدوب آنه سنی کورور ووداع ایدر .

شراره
سعدونه تبشیر ایده یم .

جیل شوکت
خیر، دها براز صبر ایت .

شراره — ترددله، نهایت قرار ویره رک
پک بابا ؟ ..

جیل شوکت
نه وار، شراره ؟ ..

شراره
سزی چوققی صیقه یورم ؟

جیل شوکت

خبر، قیزم... .

شرارہ

بکا، قیزم!.. دیدیکیز۔ چوقدن بولکھ پی قولانما یوردیکیز...
(بابا قیز تقریباً ایدہ جک کیدر لر، دلاور کیرر)



اونجی مجلس

شرارہ دلاور جیل شوکت

دلاور

اوراقی تماماً بولدی۔ اوداسندہ سزی بکلہ یور۔ اکر بورایہ
کلیرسہ دھا قولای اولور!، دیور۔

جیل شوکت — شرارہ بہ

بز براز دایملہ مشغول اولہ جغز، شرارہ... سعدون نرہ دہ؟

شرارہ

ظالبا براز هوا آلمغہ چیقدی۔

جیل شوکت

نہ زمان کلیرسہ بکا خبر ویرسینلر۔

صاغدن چیقار

اون برنجی مجاس

دلاور شراره سولدن چيقمه تشبث ايدرکن

دلاور

ينه بندن قاچيورسکيز .

شرار

بندن قاچيورسکيز ، ديمک ، نه سزک ايچون نه نيم ايچون
موجب شرف بر سوز دکل .

دلاور

آکلامادم .

شراره

ضابت بسيط . سزدن قاچيورسکيزم سز قاچيله جق بر آدمسکيز
ديمکدر، بو عين زمانده بو، نيم ده سزدن قورقوب قاچه جق قدر جبين
اولديغمه دلات ايدر. هيچ اولمازسه شوايکننجي معناسي ياکلش...

دلاور

ديمک برنجيسنک دوغريلغنه قانسکيز ؟

شراره

بن هيچ برشيته قائل دکلم ، سز سوبله يورسکيز .

دلاور

حالبوکه سزکله يالکيز بولونمئدن يني مسعود اوله جقمه
واقفسکيز .

شراره

بونی بیلمه یوردم ، اولیه اولسه بیله نیجه شایان اهمیت بر تقطه
دکل . برای بولونمقدن مسعود اولاق ایچون هر ایکی طرفکده
عین حسده بولونمانسه لزوم کورمز میسکز ؟

دلاور

غریبدر ا نه سویله سه م سزه بانیور ، سوزلریمک هر برنده بر
دیکن وار .

شراره

قباحت بنده دکل . سوزلر کزده دیکن وارسه بونک مسؤلیتی
بکامی دیکنلرک صاحبنه می راجعدر ؟

دلاور

هپ نی بوبله قیرمقدمه دوام ایده جکم میسکز ؟

شراره

قیرلما دیغکزده هپ یزه عین زمینه عودت ایدیش کزدن حکم
ایدیورم .

دلاور

بونیه دلالت ایدر ؟

شراره

قیرلیه جق قدر صاعلام بر معرندن معمول اوله شکرزه ...

دلاور

سزك توجه كنه ، محبت كنه لائق اولق ایچون ...

شراره

رجا ایدهرم ، دوام ایتمه ییـ کـز . بونلر غایت عادی ،
سوقاقلرده ، قالدیرملرده سوووکله نن سوزلردندر . بزبوراده تصادفک ،
قضاـمک بر چانی آلتنه قوبدینی ایکی ضـد روحز که آرامزده بر
اوچورومک بوشلقلری وار ...

دلاور — فتور کتیرمیه رک

نه اولوردی ؟ مثلاً فریدبها بکه کوستردیک کز لطفک ...

شراره — غایت عصی

ینه تعبیرده خطا ایدیورسکیز . لطف دکل ؛ حرمت ، تقدیر
اوزون بر رفاقت حیات ایله آکلاشـیلـمش منبتلره ، یراشـمش
جسلره برارتباط ...

دلاور

یا لکـز او قدرمی ؟

شراره

یا لکـز او قدر ... (بردن متعرض) نه دیمک ایسته یورسکیز ؟ ..
ا کر سزك مراد ایتمدیک کز حس بوتعداد ایتمدیکم شیلردن ترکیب
ایدیورسه ، اوت ، اویله ... بشقه ، بشقه بر دییه جک کز وارسه
علاوه ای دیکـز . بنی دیکله ییـکـز ، آرادـه برسؤ افهام قالماسـین :

بن هنوز اون یدی یاشنده بر قیزم ، اوده اوتوز یاشنده ... بن دها
ایملک کله لری او کره نیرکن اوکا « اظابک ... » دیمکله باش-الادم ،
او یاشمدن بو یاشمه قدر هب اونی تقدیر ایتمکله یش-ادم . اونک
فه ، اخلاقه ، سعیه ، والحاصل حیاتده یوکسک نه وارسه اونلره
مفتونیدنی ، اونلره وقف حیات ایتک ایجون هر شیئی استحقار
ایدن غیرتی کوره کوره اوکا حرمت ایتمه سنی ، و ، اوکا حرمت
ایدن کن دنیاده ای حسلره ، ای شیلره ده حرمت ایتمه سنی او کرندم ...

دلاور

بشقه ؟ ..

شراره

بشقه ؟ مثلا ادیب ، خلوق ، مدنی برکنج آدمک برکنج قیزه
قارشى وظائفی ده او کرندم .

دلاور

نی سزه وظیفه یه مغایر نایامش اولمقله اتهام ایده بیایر سکز ؟

شراره

سنزی هیچ بر شیدله اتهام ایتک ممکن اولما-ه بيله شو مکالمه
-بیت ویرمش اولمقله اتهام ایده رم .

دلاور — یافلاشهرق ، ومسنانه

سنزی قیسقانیورم ...

شراره — مہوت ، اطرافنہ باقہرق
نصل ؟ دلاور بک ، کنڈیکزہ کلکیز ...

دلاور


سزی قیسقانیورم ، و ، سزی سوییورم ...

شراره — حایقیررجهسنہ ، پررعهشہ
سزی بوسوزلردن منع ایڈیورم ، چیلدیردیگزمی ؟

دلاور — بی شعورانہ آلارندن یاقلامق اوزرہ ایلریلر
اوت چیلدیریورم .

شراره — اطرافنہ باقینیرکن ، آرقہسنندہ دایاندینی ماصہدہ بر دمت
جریدہ کوزینہ ایلدشیر ، وشدتلہ قاورایوب دلاورک صورتہ چارپہرق
آچن ..

دلاورکریلر . جریدہ لریرہ سرپیلمشدر ، شراره او قدر حایقیرمشدرکہ
صاغده برنجی قاپی آچیلیر وفرید بہا کیرر .



اون ایکنجی مجلس

فرید بہا اولکیلر

فرید بہا

نہ وار ؟

سکوت. بربرلینه بانیدیرلر، شراره دوغرولور، حالا تیتره یوردور.
فرید بها دلاوره دوغرور یورور، پر حشم و غضب اونی باقیشیله سوره
سوره دکز جهتنده پنجره یه کربله تیر، شراره کوزلریله تعقیب ایدیوردور،
فرید بهایه سسلنیر: رجا ایده رم، بر ائیکیز... فرید بهانک آلری دوشر،
بر ثانیه مکشدن صکره:

فرید بها

شراره، اوداکه چکیل...

شراره صـوک بر نظرله دلاوره، فرید بهایه، برده چریده لره
باقدقن صکره چبقار.

اون اوچنجی مجاس

فرید بها دلاور

فرید بها

نه او ایور، بکا ایضاح ایدیکز...

دلاور — قورتلقدن صکره جسارت بولمشدر، شریرانه، باغیرجه سنه
بندن ایضاحات ایسته مک، خصـوصیله، بکا بد معامله ایتمکه
تره دن صلاحیت بولمورسکز؟..

فرید بها — بردن سکون بولمش ووقار، معتادینه عودت ایتمشدر
تجی دیکله ییکیز، دلاور بک. ظن ایده دم سکون ایله کوروشمک

مرجعہ در . دہین ، محق بر حدتک فورانہ مغلوبیتی ، شیمدی ، شو دقیقہ دہ ، بن دہ مؤاخذہ ایدیورم .

دلاور

ترضیہ وریورسکیز ، دیمک ؟

فرید بہا

خیر ، عجلہ ایتہ ییکیز . یالکیز دیمک ایستہ ورم کہ ایلمک حرکت اکثریت اوزرہ ، اک صوک مراجعت اولونہ جق برتدیردر . فقط مع التأسف اعصابہ محاکمہ وقت براقق ایستہ مہین بر استعجال وارد . ہر تدبیری زمانہ صاقلامق مناسبدر . شدتدن اول مراجعت اولونہ جق تدابیر آراسنده مکالمہ وارد ، مباحثہ وارد . . .

دلاور

نی تہدید ایدیورسکیز .

فرید بہا

خیر ، تہدید دکل . تہدید ، علی الاکثر استعمال اولونمایان ساختہ بر سلاح قبیلنددر . بن سزہ یالکیز اخطار ایدیورم ، یالکیز اخطار دکل ، برتوصیہ ، حق ایسترسہ کز ، بر رجا . . . آرادہ حل اولونہ جق بر مسئلہ وار . ایسترمیسکیز ، بونی شو اوک ایچندہ یاشجہ سزدن بویوک بر آدم صفتیلہ ادارہ ایدہ رک ، آرامزده کوروشمک صورتیلہ حل ایدہ لم ؟ . .

دلاور — اوطورر، آیاغنی آیاغنک اوسننه آنارق

مادام که نازکاه برمصاحبه دعوت ایدبیورسکیز ، بوبورک ،
دیگله بورم ...

فریدها — اوطورر ، وسکون ایله ، فنط قوتندن امین بر اعتماد ایله
یوآوده درت آیدن بری مسافر سکز . البته دقت ایتمش سکز در ،
بودرت آیک هر کونی بوآوک هوای سکوننه فضله برشورش نفی
اوفرورش ، هر کون بورانه حیات رازدها زهر لشدو . سز
بویقیلمش عا نه اوجاننک کنارنده ، بو بدبخت چوجقملرک منظره
اضطرابی قارشیننده وقوعه کلن مصیبه ولو اوزاقن اولسون
علاقه دار اولمش برقلب تأثیرله ، تعمیر ایچون مفید اوله میهرق فقط
تأسف ایدرک ، شاهد اوله جفکیزه ، بالعکس ...

دلاور

بالعکس ..؟

فریدها

بالعکس ، ایشته درت آیدن بری ، خفتکیزله ، فنا اعتیادلرک
سوقیله ، قواعدمانرت حقنره مبالاندن برتجرده ، اوت بالعکس ،
مضر اولیورسکیز . سزده فضله برسبب الم ، فضله برآلت شورش
اولیورسکیز ...

دلاور

یعنی آجیق برافنده ایله سزک دها اولدن باش-لایه رق احضار اولونان ترتیباً تکیزه مانع اولیورم .

فرید بها

مادام که آجیق افانده دن بحث ایدیورسکیز ، بونی دها آجیق اولمغه دعوت دیمکدر . ترتیباً تمه داتر سوزلر کیزه صکره جواب ویریم . باقی کیز ، نه ایچون مضر اولیورسکیز ؟ .. درت آیدن بری ، اووخ .. نه بورایه کلدی کیز تاریخدن اوله نه ده بو درت آی ایچنده بو اولک خارچنده ، سزی ته قیب ایدم جک دکلم ؛ یالکیز بوراده ، شو کوچک ساحه ده ، دها کایر کلز ، ایلمک کونلر نندن باشلا بهرق اولاشراره نک اطرافنده دولاشمغه باشلا دیکیز . برکون آرام ویرمه دیکیز . دائماً نازک قالمغه لزوم کورن اخطار لر ، اشارت لر ، دها صکره ، آرتق نازک قالمق ممکن اولما نیجه ، ابراز شدنه مراجعت ایدن اجتناب لر ، تکدیر لر ، والحاصل ، هیج هیج برتدیر سزک دها زیاده صیرنا شیق ، دها زیاده بیلی شیق اولما کیزه مانع اولمادی ..

دلاور

بکا بر درس تربیه ویرمه که سزی مأمور ایدن نه در ؟ .. بنی مؤاخذمه قالمیشیر کن حسیات کیزی افشا ایدیورسکیز ..

فرید بها — صبوره

اگر بو ، یالکیز شراره ایچون بویله اولسه یدی ، فنور

طانیہ۔ ایان بر عناد دینیردی . عین زمانده خدمتجیلرلده مشغول
ایدیکیز، هله اوك خانماق صفتی همشیره کوزه انتقال ایتدکن صکره
هر هفته بشقه خدمتجیلرک چهره لرینی کورمک بو اوده بر عادت
اولدی ، هر بوغچه سنی آلوب قاچان خدمتجینک برشکایتی وار :
دلاور بك !.. نهایت ، مسعدت خانم ...

دلاور

مسعدت خانم له نه اولمش ؟...

فرید بها

اووخ !.. بیلمه یورم ، ویلمه کده ایستهمدم . بو ، فقیر ،
یتیم ، کیسه نه منزک ، چاره منزک اچنده ، برمکتیک صوغوق
یالکیز قلمری آراسنده یتیشن بدبخت قیز او قدر اصیل ، او قدر
وقور بر روح مالک که صور واسه یدی بیله ، محقق ، سویلامیه جگدی .
امینم ، حتی شراره به بیله سه و بله مه مش اوله جق ، فقط سزی
اونک ده اطرافنده دولاشیرکن ، اونک ده اتکلرینه یاپیشیرکن
کورن ، خصوصیه اونک سزدن نصل سزدن چکندیکنه ، سزه
سورونمک یک مهلاک بر شیشجه سینه سزدن نصل دائماً اوزاق
قلمغه لزوم کوردیکنه دقت ایدن ...

دلاور — مستهزیانه

بك دقت صاحبیسکیز ! بو فن آدم لرینه مخصوص بریایقت ،

غالبا ...

فرید بها — نهایت دها شدید اواقه لزوم کوره رک
 رجا ایده رم ، دلاور بک ، سزک ایچون حیاتده حرمت
 ایدیله جک هیبج ، هیبج بر شیعی یوق ؟ .. بر عاتله ک مصدیده
 حرمت ، بر فقیر قیزک عصمتنه حرمت ، صکره شراره قدر صاف
 ونزیه بر روحک ماتمنه حرمت ، بونلردن هیبج ، هیبج بر شیعی
 یوق ؟ ..

دلاور

بن یا لکز کندی نفسه قارشی مسئولم ...

فرید بها

خیر ، یا کیامورسکز ، مضر اولانلرک مسئولیتی اصل اضرار
 ایتدکارینه قارشیدر . باقیک ، یک آچیق سویله به جکم : سز جمعیتده
 بر نوع مخصوصک غریب بر نمونه سیسکز . بونوعک طبقات
 عادیه سی سوقا لردده کچن قادی نلره بیق بورانلردن ، سوز آنانلردن ،
 باشلابه رق ، نهایت ایلریله به ایلریله به هر تصادف ایتدکاری اتمک
 بر طیرناق طابق ایچون درلو دسیسه لر اعمال ایدنلره قدر چیقار ...

دلاور

سزک اخلاق معامی اولدیغکیزه واتف دکلام .

فرید بها

ایشته اصل اولنلرک بدبختلغنه ، سفیلاکنه ، یابدقلرینک اهمیتی ،
 ملوثیتی ادوا کدن عاجز دو یغوسز اقلرینه سببیت ویرن ، حیاتلرنده

اخلاق تلقینانته تصادف ایتمه یش-لریدر . اویله که اونلرک نظرنده
 نزه برکنج قیز، عقیف برقادین ، برزوجه ، بر والده ، والحاصل
 حبادمه مقدس ومعزز شیلری احضار ایله مکلف یه کسک بروجود
 ایله ذلیل وسفیل برمخلوق آراسنده هیج ، هیج بر فرق یوقدر .
 اونلرک تطمین ایدیله جک بر اشتهاسی ، تأمین اولونه جق بر ذوقی
 واردر . او اشتها وذوقه قربان ایدیله جک نه اولورسه اولسون ،
 اونلر ایچون مساویدر . دمین بکاسمه درس ویرمه کنی مأمور
 ایدن شیئی صوریبوردیکیز ...

دلاور

بو سؤالی حالا ذهنک ایچنده تکرار ایدیورم .

فرید بها

جواب ویریم . اکر سزده ، برازا اول استهزایتمک ایسته دیکیز
 فن آدملری قدر دنیا دن کچرکن وقت ایتمه که و او کرتمکه لزوم
 کورسه دیکیز آکلاردیکیز که حیات مضر اولان عناصرله اونلرک
 ضررینی احیایه مأمور اولان مفید عناصردن ، وبوایکی نوع آراسنده
 ایکنجه یلرک اهنه نتیجه لهن جدال دن تشکیل ایدر . برنجیلرک غلبه سی
 نماتدر . مثلاً بر جمعیتده دمین بحث اولونان نوع غلبه چالمق لارم
 کلسه ، اونک قارشیدنده بر معارض ، بر مفید نوع اولماسه . .

دلاور — مستهزیانه

سزک نوعکیز ...

فرید بها — بلا فتور دوام ایده رک
بر مفید نوع اولماسه او جمعیت ...

دلاور

آ کلا شیلدی ، محو اولور ، دیمک ایسه ته یورسکیز . برکت
ویرسین ، منک نوع وار . جمعیت سزه متشکر اولوق لازم کایر ،
حیاتی قورناری یورسکیز .

فرید بها

تاریخ طبیعیله مشغول اولماسه سکیزدر ، دلاور بک ... بیایر .
میدسکیز ؟ بالحاصه تدقیقاته زمین تشکیل ایدن بوجک لک آراندی
یرقودوز بوجکی واردر که منطی الجناح عائله سندن اولان بوبوجکه
لسان فنده ذروح دیرلر ...

دلاور

شیمدی ده طبیعیات معمالکنه عودت ایتدیکنز اخلاقیاتدن صکره
طبیعیات ... دوام ایتدیکنز ، مستفید اولیورم .

فرید بها

حرفاتنده چرکین بر بوجک دکل ، حتی باسکه کوزل ، اوزونجه
برجه سی ، یال دیزلی ، شععه لی غمدلری ، قابوقلری واردر ...
فقط بو کوزل بوجک مایسده ، حزیرانده ، یابراق لک کشایش
حیات زمانده ، مجهول سرفه لردن چیمه رق ...

دلاور

اصطلاحی آ کلامیورم .

فرید بها

فورتلردن چبقه رق اوشوشور . بالخاصه کللمه دشمندر ، وبر کون
ایچنده باقارسکیز ، بر یابراق قالماز ، دلیک دشیک ایدر ، تخریب
ایتدکجه مست اولور ، مست اولدقجه دهاتخریب ایدر ، نهایت
اویوشور . اونی قهرینه اوضرایان کللرک کوبکننه کومولمش ،
شهیدینک قانی ایچرکدن صدکره مجروح سینهنسندده صیران بر
خونخوار بدمست حالنده بولورسکیز...

دلاور

شاعرانه ..

فرید بها

چونک فطرت اوکا بو وظیفه یی ویرمشدر ، بیلمیه رک ،
آ کلامایه رق ، یشامق ایچون بوندن بشقه بر قابلیتی نفسنده
بوله مایه رق بویله اولمشدر . یالکیز طبیعت بو مخرب مخلوقه اویله
بر قوقو ، اویله مستکره ...

سویله دیکه حرارتله نیر ...

اویله منفور بر قوقو ویرمشدرکه پارماغکیزی سورسه کیز
کونلرجه ایگرنج بقیه می زائل اولماز . بونلردن بری مثلا بوراده
اولسه ...

دلاور

تجارتز ایدیورسکوز . (شیمی ایکیسی ده آیاقده در ، آراق
فرید بها تماماً تهدیدکار بر وضعیتده در .)

فرید بها

اوت ، ایشته سز انسانلرک ذروح جنسنه منسوب ، قوتوسی
بر اوك هواسنی تنفس ایدیلهمیه جک حاله کتیرن بر نوعیسکوز . .
اوموزلرندن طوتار ، دلاور سارارمشدر

دلاور

بکا دو قونماییکز . . .

فرید بها

سزه ویریله جک بر جواب دها وار : دمین بکا سزندن دها
اول باشلامش ترتیبآمدن بحث ایتدیکز . بنده هیچ بر ترتیبات
یوق ، نقطه دایمه ، دایمک اوینه ، صکره ینکمه ، بکا بر بویوک
همشیره وظیفه نی ایفا ایدن او مقدس قادینه ، اونک چوجقلرینه
برستشکارانه بر حرمت ، دیندارانه بر اوتباطم وار . درت آیدن
بری بجه محترم اولان بو شیلرک هپ برر برر بیقیدیفنه شاهد
اولیورم . دایمک ارادتی قالماش ، عاجز ، ذلیل بر مخلوق درکسنه
دوشمک اوزره اولدیفنه شاهد اولیورم ، اونده قوت ، مقاومت ،
عزم ، صرام ، حیثیت ، عزت نانه نه وارسه هپ برر برر
سونیور ؛ صکره او . . . او بو کون بر او دکل ، بر خرابه ،

انقاضنك اوستنده مانم روزكارلری اسن بریانغین یری ... اوقادین،
 بیچاره ، شـوراده بوراده روحنك مزارینی طاشیه رق دولاشان
 برسیاه کولیکه ... چوجقلر ، اونلری کورویورسکیز ، کوزلرنده
 قاووروجی برآنشله ، وجودلرینك هرذره سنده اولدیریحی برعشه
 ایله ، هر دقیقه جنٹ ایچنده ... بونلر هب سزك اللر آنزك اثار
 تخریبی ... سزنی بونلرک لاقید بر تماشاکاری ظن ایدیورسه کز،
 آلدانیورسکیز، آکلایورمیسکیز؟ ... شیمدی، برده نضلله اوله رق
 شراره نك نفسنه بر مضر بوجکک ایکنج قوقوسی قاریشمق ایترسه،
 ایشته بوکا مساعده ایتمیه جکم ... شیمدی ایشته درس بیتدی ،
 هایدی ...

شدتله اوموزلرندن چو برر، وآچبق قابی پنجره دن آتارجه سنه ایتر
 دلاور — یورورکن باشنی چویره رک
 کوروشورز ، سزکده بدن آله جق بردرسکیز وار .

فرید بها — کنیش برنفس آله رق
 اووخ ...!

رخسار قارشی طرفه کچه جکمش کبی کبیر

اون دردنجی مجاسی

فرید بها رخسار

رخسار

آخ!.. سز بوراده میدیکز؟

فرید بها

اوت ، دیندن بری برادر کزله قونوشیوردق .

رخسار

بن سزی اونلرک یاننده ظن ایدیوردم .

فرید بها

کیملرک؟..

رخسار

شراره ایله مسعدتک ...

فرید بها

خیر...

رخسار — کولومسه بهرک

نهایت نه زمان قرار ویره جک ، دییده دائما سراقدیم ...

فرید بها

نهیه؟ نهیه قرار ویره جک؟

رخسار

ایکے سندن برینہ ...

فرید بہا

آکلامایورم ...

رخسار

اووخ! .. پک ابی آکلا یورسکیز، فقط سزبکا بحث ایتک ایستہ۔
سزسکیز، سزنی بردشمن مٹابہ سنده تلتی ایدرسکیز۔

فرید بہا

سزہ بحث ایدبلہ جک نہیم اولہ بیلیر؟ ...

رخسار

بکا بحث ایدیلہ جک بر شینسکیز اولم ایہ بیلیر؛ فقط ہر حالہ
نی بردشمن قیلندن عد ایتہ سہ دیدیکیز، تردد لڑ کزی ازالہ ایچون
بندن رأی آلیردیکیز۔

فرید بہا

یعنی؟ ..

رخسار

دیردیکیز کہ: یعنی، بن قرار ویرہ میورم، بعضاً شرارہ یہ تمایل
ایدیورم، اسکیدن بری یرلشمش حسلر، آرادہ بریکمش خاطرہ لر
وار؛ بعضاً دہ مسعدتہ تمایل ایدیورم، اونک اولہ سزیتلری،

اویله جدیدتری وار که تمامیه مزاجه اویوبور ؛ فقط نصل قرار
ویرمهلی ؟..

فرید بها

اوحالده مراقبکزی حل ایدیم : مسعدت خاتم حقننده قطعاً
بر تمایل دویمادم ، یعنی سزک قصه ایتدیگکیز معناسیله بر تمایل
دویمادم . قلبنده اونک ایچون بک بویوک تقدیر ، و غایت درین
بر تمنی ، بر تمنی سعادت وار . مادام که اوده سعادتتی ازدواجده
دکل ، فراغنده آرایور ، هرکمی مقدراتنه ترک ایتمه لیدر .

رخسار

بن ، سزک سعادتیکزی دوشونن بر دوست صفتیله بویله
دوشونمه یوردم ...

فرید بها

مادام که نصل دوشوندیگکیزی صورمایورم ، اوحالده ...

رخسار

اوحالده سکوت ایدیم . دیمک ، تمایلگیز شراره حقننده ...

فرید بها

بویله برشی سوبله مه دم ...

رخسار

ایکیسندن بری ؟

فرید بها

بر او چنچی اوله مازمی ؟

رخسار — شبهه لنه رک

بر او چنچی قادی نمی ؟

فرید بها — ألیله انکار ایده رک

خیر . خیر ... بر او چنچی احتمال ... یعنی هیچ بر تمایله

مالک اولماق احتمالی ...

رخسار

فرض ایده لم ، او یله اولسون . او حالده شراره نك عجبا کیمه

تمایلی وار ؟ ...

فرید بها

بونی کندیسندن صورمادم .

رخسار

صورمالیدیکنز .

فرید بها

بو صلاحیتی کندمه بولمایورم .

رخسار

او صلاحیت کیمددر ؟

فرید بها

آنه سنده ...

رخسار — ترددله

یعنی ... بنده می ؟

فرید بها — باشنی سیلکک رک
خیر، آسنه سنده دیدم .

رخسار

اووخ . . . نه قدر سرتسکیز! بی ینه قیردیکیز .

فرید بها

عفو ایدرسکیز، بن نازک اولمقله دوغری اولمق آراسنده
قالیرسه م دوغری اولمق طرفداری یم ...

رخسار

سزکله دوست اوله میه جغز .

فرید بها

دوست اولماق مطلقا دشمن اولمق دکدر .

رخسار

بو محاوره بی بوراده براقلم، اولمازمی ؟ ..

فرید بها

محاوره یه بن طالب اولمامشدم ...

رخسار — پارماغنی شقاغنه قویوب آرایه رق

بن بورادن نه ایچون کچه جکدم ؟ ... اوت ، بابامک اوداسنه

کیدم جکدم ...

یورور ، او جیقارکن شراره ایله مسعدت ،
پر تلاش صاعدن کیرر



اون بشنجی مجلس

شراره مسعدت فریدها

مسعدت


امان ، قوشکنز ، اذدم ، یخچردن سعدونی کوردک ...

شراره

یورورکن صالانیوردی ، یالینک قایبسنه دوشرجهسنه

اوطوردی ...

فریدها — قوشارکن ، سعدون ، صاب صاری ، جا کتنک یاقه سنی ،
پک اوشیورکی قالدیرمش ، لکن کوندرک ، کیرر
نه اولدی عیبا ؟ ..



اون آلتنجی مجلس

اولکیلر سعدون

سعدون

نه تلاش ایدیورسکنز ؟

شراره ایله مسعدت اونک ایکی طرفنی آلبرلر

شراره

نه اولیوردک؟ .. نه ایچون اوله ساللانیوردک؟ نه دن اوله
قایدنک اوکنه کندیکی سالیوردک؟

سعدون

اووخ! . برشی دکل ... دکز کنارنده کزییوردم ، کوزل
برهوا! بلکه براروزکار وار، فقط ضررویره جک قدر دکل ...
قلندره قدر یورودم ، صکره دوزکن ...

شراره

دوزکن ...

سعدون

بیامه یورم نه دن ، باشم دونمکه ، اطرافنده هریر ساللانمغه
باشلادی ، صکره ...

مسعدت

صکره؟ ...

سعدون

اوشودم ، اما نصل؟ ... تعریف ایدهم ، اوله بر تیترودم ،
تیترودم که ... هانیا امتحان اناسنده اواشدم ، سکا ، آکلاتمشدم ،
شراره ... مکتیمده ... حالا اوشیورم ...
تیترو کبی بوزولور

خرید بها — اونی کوز لریله ترك ایتمه مشدر ، یافلا شیر ، آلرینی طوتار .
آشلمنه چکسک ، سعدون ! غالباً اوفق برنوبت ...

شراره ایله مسعدنه

اونی صویوب یانیرمالیسکیز ..؟ یتاغنه ...

سعدون — کوله رک

اولا حکایه بی بیتیریم ...

خرید بها

هانکی حکایه بی ..؟

سعدون

آرمود حکایه سنی ...

خرید بها

بز اونی اونو تمشدق ...

سعدون

بن اونو تادم ... بورادن چیقدم، بابامی تعقیب ایتمدم، اونلرک
یاننه کیتدی، نه یاپدی ظن ایدرسکیز؟ (هپ بکار لر) یوتقوندی، فقط هیچ
برشی سویله مدی ... (اظرافنده کیلمه باقار) بی کورمه یوردی ..
بی اوته کیلمه کوردی. دیرکن وجدی بک بر آرمودده بکا اوزاندی.
سعدون بک، سزده آلیک ! .. دیدی. بابامک بکا دونوب بر باقیشی
واردی . بندن عفو ایسته یین بر باقیش ...

بر ثانیه سکوت ، هپ مهوت دیکار لر

او نانیه ده بابامك خانه برمرحت حسی دويدم ، فقط يالکيز
بر نانيه ، درحال مرحت حسی سيليندى ، اونك يرينه هر وقتك
حسی گلدی ...

فرید بها

اصل حس ؟

سعدون — هپ بوینی یاقه سنك ایچنه کومه رك وایصینمق ایسته یور کبی
ألرینی اوغوشدیره رق
کین .. کین حسی .. وجدی بکه : « تشکر ایدرم ، بن
قطعياً آرمودیم .. دیدم . بابام یك اعلى بیلیرکه بن آرمودلری
چیلدیره سی به سوه رم .. سکره قوشدم ، قاچدم ، و ، اوخیزله قلندره
قدر یورودم ...

مسعدت

کندیگزى خسته ایتمشکز ، سعدون بك ...

فرید بها — مسعدتله شراره یه

کوتوروب یاتیره لم ، باقسه کز آ صاقیر صاقیر تیره یور ...

هپ برابر سعدونی آلوب کوتوررلر

صحنه بر دقیقه بوش قالیر

صاغده وجدی بکک ایشله دیکی قانی آچیلیر ، جمیل شوکت ،
دالغین ، و براز پریشان ، ذهنتك ایچنده عظیم بر بحران ایله چیقاره
قانی قاپانیر ، صاغدن بر اسکمله چکدرک براز ایلریده اوطورر .

اون یدنجی مجلس

(بو مجلس ساکتدر)

جمیل شوکت چو کرجه سنه اوطورور ، دیرسه کلرینی دیزلرینه
 دایار ، باشنی ایکی آلرینک آراسنه آلیر ، مضمحل برحاله دوشونور -
 بو صرمده ص - ولدن قاپی آچیلیر . فرید بهما کورونور ، بر آدیم
 آتقدن صکره اونی کورور ؛ بر آن تردد - صکره ، یواش یواش
 ایلریر ، تا یاننه کلیر ، کمال تأثرله بر آلی دایسنک اوموزینه قور ،
 برشیلر سویله مک باشلايه جقمشجه سنه ، اوده براسکمله چکدرک اوطورور -
 بو صوک اویون اجرا ایدیلیر کن پرده ، فایت بطی ، قاپانیر . -



اوچنچى پرده

عين منظره - پرده آچيليركن رخسار صاغ طرفده پنجره دن
قونوشمه قده در ، اولجه باشلامش بر محاوره دوام ايدركن صاغدن
وجدى ايله دلاور كيرر لر . وجدنك آندە مسوده لك كاغدلردن
مركب بر دسته واردر . - اون كون صكره صباحلين -

برنجى مجلس

رخسار وجدى دلاور

رخسار - دوام ايده رك

... سزى بگله يورلر ، « اون كوندن برى كوزدن چيره چك »
بويله كيدر سه مدافعه نامه يني وقتنده يتيشديره ميه چكيزا... « دييور...
نصل ؟.. ايشيتمه يوروم ... بنده اويله سه - بيله دم ، « سهدونك
خسته لغندن وقتى اولمادى . » ديدم ، « فقط آرتق خسته ايلاشدى . »
دييور ، هله بوكون هر كوندن دهسا اي . . . سز هپ باغچه ده مى
گزي نه چكسكيز ؟ .. چانكيز نه ايستر سه اونى ياپك ...

حشم ایله چکیلیز ، باباسنه

ایشته کوریورسکیزیا ، هپ سزک ایشکیزله مشغولم ... فقط
سوز کچبرمک ممکن اولمایور . بابامی کوجندیریورسکیز . . . دیدم ،
آلديرمادی .

دلاور

سز نه ایچون کندیکیز تعقیب ایتمه یورسکیز؟ بن سزکیرییکیزده
اولسه م شیمدی آرقه سندن باغچه ده یافه لارم . . .

وجدی

ظن ایده رم ، بشقه چاره یوق . ا کر هر معاوتی بویله اوله جقسه
قوجه کک بکا بویوک بر فائده سی دو قونه جفتدن امین دکلم .

رخسار

بکا قوجه اولمادن اول سزک یکنکیز اولدیغی اونوتیورسکیز ،
بک بابا . . . باقک بر کره ، بو کون تصحیح ایتدیره بیلیر سه کز . . .
فقط ظن ایتمه یورم ، بو کون هر کوندن ده ا سیکیر لیجه . . .

وجدی

سبب ؟ .. مادام که سعدون ده ا ایلشمش ...

دلاور

حتی دون کینمش ، یتاقدن قالقمش ، اوداسنده کزینمش . . .

رخسار — متفکر

اوت ، هله بوسباح تماماً ایلشمش دینه جک بر حالده ایمش .

مسعدت خانم اوبله سويله بوردی ، فقط دون کيجهدن بری بشقه
بر وقعه وار . سزك خبر يکتر يوق ...

وجدی

نصل وقعه ؟

رخسار — آغیر بر تبسمله
کاپورلر .

دلاور

کیم ؟

رخسار

ایکی قرداش ...

وجدی

کیم ، ایکی قرداش ... نه ایچون آچیق سويله ميورسك ؟

رخسار — ایلریلر ، بابا ایله قیزی و اوغلی یا لاشمش بولونورلر ، رخسار
دالغین و کوزلری بیجهول بر نقطه به صرکوزدر .

حکمت کمال بکله ، او ، همشیره سی ، سلما خانم ... ادرنه به
دونمشلر ، سعدونک خسته لغنه اوراده واقف اولمشلر ، همان استانبوله
کلشدر ، بو کيجه بی اوراده کچیرمشلر ...

دلاور

او حالده بورایه می کله جکلر ؟

رخسار

دو کیجه حکمت کمال بکدن فریدبهایه تلفراف کلدی : یارین
صباحلین کلپورز ، دیپور .

وجدی

همشیره سیله برابر اولدیغه نره دن حکم ایدیورسک ؟

رخسار

مادام که کلپورز ، دیپور .

وجدی — اوطوره رق وقیزینه باقرق

اصوله مغایر بر زیارت ...

رخسار

بن اوپله بولمایورم ، مادام که آرادہ چوجقلم وار ، صکره بر

خسته لق سببی ده وار ...

دلاور

هر حالده ناخوش بر زیارت ...

رخسار دوشونور

وجدی

او حالده سن نه یاپا جقسک ؟

دلاور

اوداسنه قاپانیر .

رخسار

سبب؟ او کلبه که جسارت بولدقدن صکره بن نه ایچون قاپانغه
 لزوم کوره یم؟ ..

وجدی

هر حالده تصادف ایتک غریب بر وضعیتیه سبب اوله جق .
 جمیل شوکت نه دیدی؟

رخسار

هیچ ! ..

وجدی

انصل هیچ ؟ ..

رخسار

ساده جه هیچ ! ..

دلاور

سیکیرلیجه، دیوردک .

رخسار

کیجه آغزینی آچادی، بو صباح ایرکنندن باغچه یه فیزلادی؟
 حالا اوراده ... دمین سزک بکله دیککزدن بحث ایدرک چاغیردم .
 « کله م ، باغچه ده مشغولم ... » دیدی . ایشته بو قدر ...

وجدی — آیاهه قالفهرق ، دلاوره
 هایدی کیده لم . سن ده یانیدن آیرله ، بشقه درلو بو کیدیشه
 کاغدلر بر آیده حاضر اوله میه جق...

بو صره ده آجیق پنجره — قاپیدن بر خدمتچی کنیش قامشدن بر
 باغچه قولتوغنی مولده پنجره به دوغری سورر
 رخسار — خدمتچی به
 اونه در ؟

خدمتچی

بک افندی تزییه ایتدی ، افندم . . . غالباً کوانش بو طرفه
 کینجه سهدون بیکی کتیره جکلر مش .

خدمتچی ایشنده دوام ایدر ، اونلر یکدیگرینه باقدیشیرلر — وجدی
 ایله دلاور چیقارکن
 رخسار — باباسنه
 بالطبع ، ایشیتدی ککز حوادندن بحث ایتمز سکز .

وجدی

سن بزه براق ! . . .

ایک منجی مجلس

رخسار یالکز خدمتچیلہ صکرہ شرارہ ایلہ فریدبھا
رخسار

خستہ جوجق حصیر صندالیہ اوطورریمیش ..؟

خدمتجی

اچریدن قوش تونی یصدیقار کتیرہ جکم ، افندم ؟

رخسار

کیم سویلہ دی ..؟

خدمتجی

بک افندی اویلہ امرایتندی . بک افندی : «مسافر اوداسندو»

کیلری ده آلیرسک ! ، دیدی .

رخسار جواب ویرمز ، صولده قاپیسندن چیقارکن خدمتجی آچیق
پچرد - قاپیدن چیقار ، فریدبھا ایلہ شرارہ ایلہ اورادن کیررلر ، شرارہ نکه
آلنده ایچی صاری ، بیاض وقرمزی کلرله دولو برسپت واردر .

شرارہ — پرنشوه در

ایلول کلری ... کویا آنه می سلاملاق ایچون بو صباح اویلہ

بر مبدولیتله آچمشلر که ...

سپتی صاغده ایکی قاپی آراسنده ، ماصه نکه اوستنه قور ، وبر

صاری کل آلهرق

باقیکز بونی کورویور میسکیز؟ نه کوزل! کویا مایسده آچمش ظن

ایدیله جک قدر ، یالکنز صاریسی بر آرز دهاظالب ... سزده کللرک
جاهله سکیز ... بن ، بالعکس ...

فرید بها

کچن سنه ، بوکل دکلیدی ، تشرین ثانیده بیله آچمشدی ؟ ..

شراره

اوت . صارماشیق لک اکتوتلیلرندن بری ... بن اونلری
اسملریله ، جنسلریله ، شجره لرله بیلیرم . اونلریم برررقیه مدره ،
بررحبه مدر ... مثلا بونک « آلتون رؤیا » دیدکاری صاری کلدن
آز دیریلهرق صارماشغه قلب ایدلمش اولدیغنه واقفم . قرمزنی بی
سراق ایتدیکنز ، دکلی ؟

فرید بها - ایله آوب قوقلایهرق

یوق ، بن سراق ایتهدم ، فقط مادام که سویله مک ایسته یورسکنز ..

شراره

اوت ، بو کون هپ سویله مک ایسته یورم ، و کللردن بحث
ایتمک ایسته یورم ... ایسته بوده «امل» اسمنده برکل . پارلاق قویو
قرمزنی ، قوقوسنده خفیف بریایغینلقده وار ، بوده صارماشیق ،
دیگری قدر چیچکلری مبدول دکل اما .. اسمی کبی محترز: امل ...

فرید بها

اوت ، آلتون رؤیا قدر مبدول اولمایه جق ، قناعتمکار برامل . .

شراره

بیاضی ده مراق ابتدیکز : « معصومیت » ، باقیگز ، اسمی
 بیاضغذک شعشه سندن آ کلاشیلور ، « معصومیت » . اینی باقیلیرسه
 بک چوق آچار ، حتی بو موسمه بو قدر چیمچک ویریشنه سبب
 بوتون نوموسمه اونکله مشغول اولیشمدر .

فرید بها

سزله پارمقلر کزک کرامتی ..

شراره

لکن ، بیلورمیسکنز ؟ سز دیندن بری بگا شاعرانه شیلر
 سویله یورسکنز .

فرید بها

بیلمم ، بو کون بنده ده سویله مک استعدادی پیدا اولدی .

شراره

کندی کندییه دیوردم که : آنه مک بورادن حرکتی کونی
 حزیراندی ، ینه بوبله کلر آچیلمشدی . بو کون ، تکرار ، ونو
 برکون ایچون اولسون ، عودتی کونی ، اونی ینه کلر آراسنده استقبال
 ایدیم . بهار کلر یله خزان کلری ... بیلورمیسکنز ؟ بو کون
 او قدر بختیارم ، او قدر بختیارم که ...

فرید بها

صکره ؟

شراره

هپ آغلامق ایسته یورم .

فریدها

سز یختیار اولور کن آغلار میسکنز؟ ..

شراره

اوت، بدیخت اولور کن کولنلرده غالبابویله اولیور. دوشونمکنز

بر کره ، هله سمدونک عاقیتی ... نه تور قولی کونلر کچیردک .

فریدها

اوف، هله ایلك کون اودالغینلق ائناسنده برین حماسی اولما-ین

دینه تیره مشدم .

شراره

نهایت کچیردک . (صاغده پنجره دن کونشه بافرق) هجبا ده

کچیکیرلرمی ؟

مسعدت کیرر

اوچنجی مجلس

اولکیلر مسعدت

مسعدت

سمدون بک تکرار دالسی ، ظایت راحت اولیور .

شراره

خبری یوق ، دگلی ؟

مسعدت

قطعياً ، بر کره والده کزکده کله جکیندن امین دکلز . صکره
خبر ویرمک ، اساساً ، اونی تهیج اتمک اولوردی .

شراره

اووخ ! .. بن والدهمک کله جکیندن امینم ...

فرید بها

اونی اولاسزک اودایه آلیرسکیز ، صکره یواش یواش سمدونه
خبر ویره رک ...

مسعدت

اوت ، اوت ، اووظیفه نی بکا حواله ایدیکز ...

شراره — قوشوب سیتی آلهرق

اوحالده وقت ضائب اتمه ملی ، کلری چیچکله کلره قویه لم ...
(فرید بها) سز منتظر اولورسکیز ، دگلی : ..
صولدن چیقارلر



دردنجی مجلس

فرید بها صاعده پنجره ده

فرید بها

بندهده اوفق بر خلعجان وار . حیات نه دولاشیق بر ساسله
غرائب ا.. (بردن انظر دقتی جلب ایدن بر شیده باقرق) ظن
ایدورم، اونلر ... (براز دها ا کیلهرك باقاز) اوت، محقق اونلر ...
استعجال ایله کری چکیلپر، آجیق قانی — پنجره به قوشار، صول طرفدن
مسارعت ایدورم صحنه بر دقیقه بوشدر - متعافیا فرید بها سلما ایله کیررلر



باشنجی مجلس

فرید بها سلما

سلما — سیاه وجدی بر چارشفله
بی تأمین ایدیورمیسکیز؟

فرید بها

یمین ایدیورم ... قطعاً تهاکه قالماشدر، تماماً ایدورم.

سلما

او حالده دوغرو اوداسنه کچهرز .

فرید بها

خیر، اویویور... اولا قاپیدن، کیزلیجه اونی کوروک، قلاباً
 مستریخ اولدقدن صیکره شرارنک اوداسنده بکلر سکنز...
 چوجنک برشیدن خبری یوق. آلیشدیره آلیشدیره سویله یه جکز...

سلما

بکا مشکل کله جک تصادفلردن قورقماورمیسکمز؟

فرید بها

خیر، او کندی اوداسنه چکیلمش. برادریک زده دایمله مشغول
 اولور...

سلما

اوحالده کیده بیلیرز.

دلالت ایده جکنی ایما ایدن بر اشارتله

فرید بها

البت!...

یواشجه، اوکده فرید بها، سولدن چیقارلر

آلتنجی مجلس

صحنه بر دقیقه بوشدر. جیل شوکتله حکمت کمال آجیق قاپی —
 نجره دن کیررلر. حکمت کمال سولده ایکی قاپی آراسنده، سدیرک
 اوستنه اطورور، جیل شوکت آیاقده دز.

حکمت کمال

مادام که تماماً ایسدر، کورمک ایچون عجله یه لزوم یوق . ایلك
تأثر دقیقه لرنده حاضر بولونمق ایسته مم . غریبدر، بو قدر دولاشمش
اولوق؛ حیاتی، انسانیتی بو قدر طانیق حالا بنده رقت استمداد لرینی
اسکات ایده مه دی . دوشونیورسکیز ..؟

جیل شوکت

عجا حیاتی ، انسانیتی طانیق ایچون ایی بر اصول انتخاب
ایتمه میسکیز ، دییه دوشونیورم . بن اویله ظن ای دیورم که بر شیشی
ای آکلامق ایچون اونک باشنده صاپلانوب قالمق ، سنه لرحه اونی
تدقیق ایتمک ، اونک حیاتی ایچنده یشامق لازمدر . دنیانک اوستمندن
قوشه رق یکمک کورمک ایچون کافیمیدر ..؟

حکمت کمال

بو دیدیکه کزده یا کلش اولمایان جهتلرده وار ، غالباً ... حتی
بویله ، دائماً کندی کندندن قاچارجه سنه ، بر نقطه ده ایلدشوب
قاله مایه رق ، بر خبره نك فتیلنه آتش ویردکن مسکره پاتلایه جق
تهلکینی آرقدده بر ارق ایسته ینلرک استمجالیله هپ شهردن شهره ،
دیاردن دیاره یو وارلانوب کیتمک ، بلکده خودکامانه بر حر کتدر .

جیل شوکت

محقق اویله ... نیجه حیات ، بر وظیفه یه ، بر مقصده باغلا نمقدرد .

حکمت کمال باشنی قالدیره رق حیرتله باقار

جیل شوکت

اوت ، باغلامقدر ؛ بو دائما باغلامه صادق قالنه جغنه ، سیزی
وظیفه یه ، مقصده باغلايان زنجیر حلقه لرندن برینک ، برکون ،
قضاء قیرلیه جغنه دلالت ایتمز ...

حکمت کمال

ذاتاً حیاتی اداره ایدن ایلمک او قدر قاریشیقدرکه براوجک ،
چکینجه ، مطلقاً عین اتها یه قدر منتظماً چوزوله چکنه حکم
اولونه ماز .

جیل شوکت

ا کثرت اوزره او دولاشیق صاپلری قوپاران دوکوملره
تصاف اولونور . (بو وادیده دوام ایتمک ایسته میورمشجه سنه ،
ودزین برکوکس کچیروب یاسنه او طوره رق) سیاحتدن بحث ایدمه لم .

حکمت کمال

اوت ، سیاحتدن ... نجه سیاحت بر نوع اویالانمقدر ، بوش
بر عمرک حزین یانکیز لقلرینی دولدیره جق بر غفلت ، لذیذ ، شفا
بخش ، مستی آور بر غفلت ... او غفلتک آراسنده تماماً بیلمیرسکیز که
کندی کندی کیزی آلدانیورسکیز . او کچدی کیکیز یزلردن ، او
کوردیک کیز شیلردن ، او طانیدیدفکیز چهره لرندن ، او یشادیفکیز
ذوقلردن هیچ بری سنک حیاتکیزه ، هویتکیزه ، روحکیزه عاند
دکلدر ، مرحله دن مرحله یه طویلانوب آتیه جق بردمت چیچک شککنده

بر نقطه‌دن بر نقطه‌یه خاطرات تلذذاتیکزی نقل ایدر، و متصل موقوفلر
 دیکشدکجه آثار سکیز . صانکه حکمی قالمش اسکی بر یول بیلتی،
 بر آرزو صکره دیگر بر یکدینی آله‌جه سکیز ...

جیل شوکت

انسان ، او دین یحیٰ ایتمدی کیز چیچک دمتی ، کندی
 حیانتک باغچه سندن ، او باغچه نک خاطرات تلذذاتندن ترکیب
 ایده بیلمه لی . صکره ده ...

حکمت کال

صکره ده ؟

جیل شوکت

صکره ده اونی دایما یساته بیلمه لی ، دایما صولوب یپرانمقدن
 محافظه ایده بیلمه لی .

حکمت کال

ایشته بر خیال که آ کلاشیلان قابل تحقیق دکل .

جیل شوکت

کیم بیلمر ؟ ...

بر ثانیه سکوت — یکدیگرینه باقدشیرلر — صکره حکمت کال محاوره بی
 دیکشدیرمک ایسته یرک

حکمت کال

بو صوک سیاحتتمده اصلسه شمدی به قدر اهل ایدلش یرلره

کیتدم . قاراسیادده بر آیه یاقین بر زمان قالدقن صـکره بوتون
 سالج قامهرغوت قطعه منی ، تیرولك بر قسمنی دولاشدم ؛ چاغلا .
 یانلر ، دره لر ، سزوی سـاعترله قظار کزده تعقیب ایدن نهر لر ،
 آغوشنه آلوب کوتورن اورمانلر آراسینده اوچدم... آوس زده
 داغلرک اوستینده ، عظیم اورمانلرک ایچنده بر زمردک قویندنه
 اویولمش دینه بیله جک یشیل کولارده یوزدم ...

جیل شوکت

بویله دولاشیرکن نه دویارسکیز ؟ ..

حکمت کمال

بر قوش خفتنی دویارم . روزکارلرک اوکنه قاتیلهرق ، موسم
 موسم ، صیجاقدن صـوغوغه صوغوقدن صیجـاغه هجرت ایدن
 قیرلانغچلر نه دویارسه اونی دویارم . اونلرک مینی مینی کوزلرینه
 نصل ثانیه بشانیه الواحی ضبط ایدن بر آلت سرعقیله بوتون
 اوستینده اوچدقاری صحرالر ، داغلر ، دره لرانتفاش ایدرسه بندده
 عین حادثه اولور . روحک عدسه سنه بر ثانیه مثلاً ویانه نک بر محشر
 حیاتی ، دیگر بر ثانیه سیتیریانک صـیق بر قوروسی ، بر اوچنچی
 ثانیه ده باویهرانک سیاه بر کولی

جیل شوکت

هر ثانیه تبدیل ایدن ، بشقه بریکیلکله کان بر لوحه ...

حکمت کمال

اوله که ذهک ایچنده بی افنہا ، هر مر بعنده بشقه بر منظره ،
بشقه بر حیات چالنامان ، دائماً سیال ، مریع بر شریت وار کیدر .

جیل شوکت — متردانه

قارلسبادده چوق قالدیکزمی ؟

حکمت کمال

بر کره اوچ هفته قالمق ضروریدی . تداویدن اول و صکرده
بر قاچ کون قالدق ...

جیل شوکت — هپ ترددله و یواش سسله

نهدی ؟ خسته لاق نهیدی ..؟

حکمت کمال

بن ، بن قطعاً خسته دکلدیم .

جیل شوکت

یوق ، سزدن بحث ایتمه یوردم ...

حکمت کمال

اووخ ! .. شایان اهمیت دکلدی ، کوچک بر بحران ...

اوفق بر سکوت . جیل شوکت باقماق ایستر ، حکمت کمال

استفسار کارانه بکلر

جیل شوکت — نهایت بر جسارتله
 بی وجداناً پک، اما پک محکوم، متهم بر آدم اولمق اوزره می
 تلتقی اییدیورسکیز؟ (حکمت کمال فتور کتیرمه یین بر نظرله باققده
 دوام ایدر، جواب ویرمن) جواب ویرمه یورسکیز، بآس یوق...
 ذاتاً جواب ویرمه کزده لزوم قالمادی . سنزک حیاتنک کزده هییچ ،
 هییچ بر کنه یوق ایدر؟ ..

حکمت کمال — کوله رک قالفار وبرأیلله جیل شوکتک اوموزینه اوره رق
 عزیزم ، نهم حیاتمده کناهدن بشقه بر شی یوق . . . بوتون
 کنه ، دایماً کنه ، دنیانک هر طرفنده ، بوپیس طوپراق پارچه سنک
 هر قبضه سنده هر وسیله ایله تکرر ایدن ، چشمید چشمید ، رنگ
 رنگ کنه . . . کره ارضک نهم قدر معند، نهم قدر مصر بر کنه کار
 دها طانیدیفنه زور احتمال ویریم . . تاهانیا کوپریده آریله رق
 ساده چه کویه چیه جغه غلطیه کچن کنج طیبیدن باشلا یه رق دها
 دون عودت ایش شو کچکین حریفه قدر هر صحیفه حیاته بر
 بشقه کنه ک دستانی یازمش بر آدم کورمک ایسترسه کز ایشته
 بن . . . فقط ، فقط بو قدر کنه لهرک ایچنده . .

جیل شوکت

اکمال ایدی کز .

حکمت کمال

مادام که ایسته یورسکیز ، اکمال ایده میم : فقط بو قدر

کناهلرک ایچنده بر دانه سنه تصادف ایدمه سز سبکزه که بر جنايته
بکزه سین ...

جیل شوکت

بشقه لری ایچون پک شدت پرور ، کندی نفسکزه ایچون ده
بالعکس پک مساهله کارسکزه .

حکمت کمال

بی عفو ایدی کزه ، هنریم سزه بو بخته داتر بر گله سوبله مه مشدم .
بلکه سوبله مه مکده دوام ایتک مرججیدی ، فقط انسان داتما مرجج
اولان شیلری یابه ماز ، دکلی ؟ بر ازده شودقیقه ده ایچریده جریان
ایدن شیتک ، حتی سزده جریان ایدن تاترک ، صکره صوک
آیتره عاند مشاهداتک هوا سنه قاپیلهرق یورودم ... کندی نفسمه
کلنجه ...

جیل شوکت

اوت ، پک صراق ایدردم ، بوتون کناهلری کزی نصل عفو
ایتمک قوت بولیورسکزه ؟ ..

حکمت کمال

ایشته مسئله اوراده ! .. اولنلری عفو ایتک ایچون بر زور اغه
تصادف اتمه یورمه که قوته عرض احتیاج ایدیم . کندی کندی
دیورم که : دنم هیچ بر فرده ، هیچ بر شیده قارشی بر ارتباطم ،
بر تعهدم یوق ... اورته ده نه اخلال ایدیلن بر صداقت ، نه شکست

اولونان بر مربوطیت وار . عنیزم ، بز ، یعنی اولنرله بز لر ...
 جمیل شوکت
 کیملر ؟ .. اولنرله مز لردن مقصد کیملردر ؟ ...

حکمت کمال

اونر ، یا تصادفک ، یا قضانک ، یا خود فطرتده ، مزاجده ،
 تربیهده آرائمق ایجاب ایدن برسیله ، دمین بحث اولونان تعهدده مشابه
 بر تعهد آتته کیرمه یه رک موجودیتلرینی احتمالاته وقف ایدن قادینلردر .
 بوز مره به ، نصلسه بر تعهد آتته کیروب ده صکره اوندن چیه رقی التحاق
 ایدنلرده وار ، البته .. بز لرده ، ایشته بز لرده بونلرک موجودیتلرینه
 بش اون دقیقه ، بش اون کون ...

جمیل شوکت

بش اون سنه ...

حکمت کمال

اوت ، بلکه ... بش اون سنه طاکم اوله جق احتمالاتی شخصلرنده
 تمثیل ایدنلر . بز لر و اونلر ازدواج خارجنده بز ، یعنی عهدود
 متقابله خارجنده یشایان فردلر . اکر قادینلرله ارککلرک مناسبانی
 عمومی بر تعریف ایله تصدیف ایدمک ، لازم کلیرسه دییه جاکم که
 ازدواج بو مناسبانک نیجه نیجه تدقیق وتصیحدن چکدکن صکره
 تدبیض وثبیت ایدلمش بر قانون مقدسیدر .

جیل شوکت

دیگر لوی ده قاری شیق، بوزوق، کندیلرینه قانونده بر تخصیص
اولنه مامش مسودات...

حکمت کمال

باقک، نه کوزل : سانه افکارمی دکل عبارتیمی ده ا کمال اید.
بیورسکیز. حتی کندیلر کندن بر تعمیر بیله حاصل اولیور : خارج
از قانون؛ ایسته اونلر و بزلر خارج از قانون مخلوقلرز ...

جیل شوکت

کرک ار ککلر ده، کرک قادینلر ده قانونک حوصله سنده یشایوب ده
اونک احکامی خلافنده حرکت ایدنلره ...

حکمت کمال

حکم ویررکن البته فرقلری دوشونورم. اسباب مشده وار.
اسباب مخففه وار، حتی ...

جیل شوکت

حتی ار ککلرله قادینلر آراسنده بر فرق بیله وار.

حکمت کمال — تحف بر وضعیتله اطرافنه باقنهرق

ظن ایدوم، یاغزده قادین یوق . اوت هنریم ، مادام که یاب
یالکز ایکی ارکک آراسنده قونوشویورز، سزه بو مساعده نی
یاغزده محذور کورمه یورم : ار ککلرله قادینلر آره سنده بر فرق
وار. قادینلری براقلم، کندیمزله مشغول اوله لم. مساعده کارلقده.

ایلمی کیده جکم : بنجه بر ارکک اکر تماماً صادق، خالص، هر درلو معصیتدن سالم اوله مایورسه هیبج اولمازسه ریا کار اولسون..

جیل شوکت

اصل ریا کار ؟

حکمت کمال

اوت ، اونی بیقان ، چوجقلرنی ازن، قاریسنی اولدیرن بر جنایتکار اوله جفته هیبج اولمازسه ریا کار اولسون.

جیل شوکت دونر و آغیر آغیر صاغده پنجره به یورور

جیل شوکت

اکمال ایتمه دیکیز .

حکمت کمال

اوت ریا کار اولمالی دیوروم ، مادام که بز ، بیچاره ارککلر، هرأسمن روز کارک او کنه دوشوب یووارلانه جق قدر ضعیف مخلوقلرز ؛ هیبج اولمازسه بر یره طوتونوب دوغری دورمق قابل اولما بنجه . سقوطلرمزی صاقلامالی بز، دوشونمهللی بز که سالم خطوه لر اوزرنده یورویشلرمزه ، یاخود بوزوق آدیملرله سنده له یشلرمزه علاقه دار اولانلر واردر : قادینلر، چیلغین حیاتمرک شایان مرحمت اوزتاقلری .. هیبج اولمازسه اولرله ظن ایتمیره لم که بز صاغلام وجودلرز. او بیچاره لر یالانه او قدر چابوق سانیرلرک، بودرجه قولای

ولان را یونی نه ایچون او بنا مالی، آکلامایوره؟ کوریورسک زیا،
 ایچ ده متعصب برا خلاقیت دکلم. ماما صا غلام اولمالی دیورم،
 فقط در حال استمه جال ایده رک علاوه ای دیورم که صا غلام اوله مایجه
 ایچ اولما زسه مستکره مرضاری ساتلاما ایدره.

صولدن فرید بها کیر

یدنجی نجاس

اول کیلر فرید بها

رید بها

حکمت کال بک!.. سزی بکله یورلر، ایلك هیجانلرک ساعتی

کیدی:

حکمت کال — ایلرلر، صکره دونوب جیل شوکته تقرب ایده رک،

واش سسله

خی عفو ایدیگز.

حکمت کال صولدن جیقار

سکزنجی مجلس

فرید بها جمیل شوکت

فرید بها — دالغین باغچه به باقان جمیل شوکت
 نه دو شو نیورسکوز ، دایی ؟ ..

جمیل شوکت

هیچ ... نصل جریان ایتدی ؟ ..

فرید بها

غایت طبیعی ! ..

جمیل شوکت

بکا دائر بر سوز ؟ ..

فرید بها

تک بر کلمه بیله سویلنمهدی ، نه سزه ، نه اولوره ، نه وقعیه

دائر ... یالکنز ...

جمیل شوکت

یالکنز ؟ ..

فرید بها

یالکنز اوچی ده آغلادیلر ... ظالبا بزده ، مسعدت خانمه

بنده ... (تقرب ایده رک) ظالبا سزده ... (جمیل شوکت باشی

چویرهك ألبه ایترا (برابر براز باغچه به چیهلم می ، دایی ؟ ظن
ایده رم ، بورابه کله جگار ، برازده هوا آلمش اولوردیکیز .

ألبه آرقه سندن اینهرك باغچه به چیقارلر

طاقوزنجی مجاس

سلما مسعدت

سولدن کیررلر ، آرقه لرنده قوش تویی یصدیقارله برخدمتیجی واردر
مسعدتله سلما قونوشه رق یصدیقارلی یرلشدیررلر .

سلما

مطابقا کینمک ، سوسلنمک ایسته دی . . قورقیورم که کنندیسنی
یورماسین .

مسعدت

نی بکله نه جک افندم . یازدیم ایده جگم ، شیمدی آرتق بکا
مساعده ایدیور .

سلما

شراهه نایینسک یاننده می ؟

مسعدت

اوت افندم، برابر اولك وداستنده ايد بلور. بكا اذر ويرميسكيز ؟

كیده يم ...

سلما

ن ده آرقه كز دن كليورم .

سلما يصد يقلى دوزلتمكده ، اسكمله نك وضعيتنى اصلاح ايتمكده .

ايكن مسعدت خدمتجمله جيقارلر ؛ سلما ده صوك ايشلمرى بيتيرمشدر ،
بر خطوه آتار ؛ صوك بر نظر فبرلانقدن صوكره اولرى تمقيب ايدر كن
براز اول كيره رك صاغده پنجره نك كوشه سنه دايانوب دالفين باقان جبل
شوكت سسلنير . سلما نك چارشنى اوستنده در .

اوننجى مجلس

جبل شوكت سلما

جبل شوكت

سلما ! ..

سلما ، بردن سه باشنى چويره رك اونى كورور ، وبر وعشه برقيه
ايله صارصياوب دوغولور ، بر خطوه دها آتار كن

جبل شوكت — ايلريلر

سلما ، رجا ايدرم ، بر دقيقه ، يالكن بر دقيقه ..

سلما — دورور ، و باقابهرق ، آلرینی کلیدلایهرك ، کرکین
نه لزومی وار ؟

جیل شوکت — نیازمندانہ

یالیکیز بر دقیقه... سزدن ، بکا کیتمه دن اول ویرمک
ایسته مه دیکیکیز دقیقه یی ایسته یورم . آرا مزده یکر می سنه لک بر
حیات مشترکہ وار ...

سلما — جیل شوکت دائما اوکا متوجهدر ، سلما دائما کرکین وضعیتله
و باقما مقده مصردر

آرا مزده دکل ، آرقه مزده دیمه ایسکیز ...

جیل شوکت — دوام ایدهرك

یکرمی سنه لک بر حیات مشترکہ ، صکره ، حالا آرا مزده
ایکی چوجق وار ، ایکی چوجق ... ایشته سنزی بو کون بورایه
سوق ایدن وقعه اثبات ای دییورکه او یکرمی سنه یی نه قدر آرقه مزده
براقیرسحق بر اقالم او چوجقلرک باشلری اوستمنده دونن مقدراته
هرایکیمزده سیاناً علانہ دارز .

سلما

هیئات ... سیاناً علاقه دارز دییورسکیز ، فقط متشابه شرائطله

دکل ...

جیل شوکت

نه فرق کورییورسکیز ..؟

ما
 او رخ... بلکه وهلمهٔ یالکز کلمه او یونندن عبارت ظن ایدیله جک
 فرق!.. نیم اونلرله رابطه قوپارلمش، قوپان یرنده برزهرلی
 لکسی براقیلهرق قوپارلمش... سز کیکی... سز کیکی چوزولمش،
 اش یواش، اهمال ایدیلهرک، یالکز اهمال دکل اوکا عاند وظیفه
 شی اهانت ایدیلهرک، چوزولمش...

ل شریکت
 قوپارلمش یا خود چوزولمش اولسون، حیاتده اویله ساعتر
 ایورکه...

ما
 اوت، مصیبت ساعتری... یالکز مصیبت ساعترنده
 لوشان بر اشترا کدن نه چیقار؟

ل شوکت
 چوجقارمله رابطه مک چوزولدیکنندن بحث ایتدیکز. اونلری
 کون بندن براز دها اوزاق، بکا براز دها دشمن کوردم؛
 صوک آیلری هپ بو آجینک ایچنده کچیردم... بی بو کافارشی
 قید ظن ایدیورسه کز...

ما
 لاقید؟.. بلکه دکل... حتی تمی ایدرم که لاقید اولمایه سکز،

بوتمنی یالکیز چوجقلرمی تکرار سومه کزک قیمت معنوی بیسی ایچو
دکل ...

جیل شوکت
اکال ایدیکیز ...

سلما

عین زمانده سزکده او آجیلرک ایچندن کچرکن حزا کوزمه ک
ایچون ...

جیل شوکت
ظالمسکز .

سلما

ظالم دکل عادل ... اییلک ایچون بر مکافات ایسته مک نه قدر
محق ایسه فنالق ایچونده مجازات ایسته مک او قدر دوغرودر ..

جیل شوکت
شدت قاعده سنه مبتنی بر عدالتکیز وار .

سلما

دئما عفو ایدن ، فناقلرک خاطر اتی دانما تسلیت و مرحمتله
سیلمک ایسته یه رک یالکیز مکفانده سماحتی التزام ایدن عدالت
بر کوزی آشاغیده، بر کوزی یوقاریده چارییق بر ترازو کبیدر .

جیل شوکت

اونلر بکا دشمن اولورکن ، بالعکس هپ سزه یاقلاش-دیلمر ،
هپ سزه صداقتلرینی بکا بر سلاح شکلنده قولاندیلر .

ساما — حرارتلنهرک آره صره اونک یوزینه باقار
اعتراف ایدیکز که قباحه بنده دکل . بن حتی اونلری مکتوب
یازمقدن منع ایتدم . ایستهدم که بکانه حس-لرنندن بحث ایتسینلر ،
نده بنی اوزاقدن ... اوت ، اوزاقدن اوکزه قاریشان بر قادین
مظنونیتی آلتنده بر اقسینلر . صکره ، بن ، بنده اونلره یازمادم ،
یا لیکز برر سطر ...

جیل شوکت

وبر مکتوب ... اوزون بر مکتوب ...

سلما

اوت ، کیدنجه ، تک بر مکتوب ... بالریه حرمتلرینی ،
اگر قالمشسه ، حرمتلرینی ازاله ایتدیرمیه جک ، فقط والدهلرینی ،
کندیلرینه قارشو اختیار اولونان حر کتده محق کوستره جک بر مکتوب .

جیل شوکت

محق ؟ ...

سلما

اوت ، محق ! .. اگر بو مدت ظرفنده چوجقلرض سزندن
اوزاقلاشمقده ، بکا یا نالاشمقده دوام ایتشلرسه بو اونلرک قابنده

حقسنزی حقلیدن تفریق ایدن بر چیز کینک موجودیتنه دلالت ایدر. چوجقلرک محبتی انقسام ایتک لارم کلنجه قلبلرنده، محبتلرینک نه طرفه توجه ایتمه سی لازم کله چکنه اشارت ایدن بر پارمق واردر، بو پارمق دوضری بولی کوسقن بر پارمق ایسه بوکا ممنون اولمق ایجاب ایدر.

جیل شوکت

دیگ چوجقلرک بکا خصومتنه ممنون اولیورسکیز؟

سلما

رجا ایدرم، مطالعه می تخریف ایتمه کیز. کندیکیزی اولا بکا، صکره اونلره قارش متهم وضعیتنه قویمش اولمه کزه ممنون اوله امام البته، فقط بر کره...

جیل شوکت

بر کره بو وضعیتنه کیرنجه؟

سلما — بردن دها زیاده حرارتلنهرک

سز، بوتون وقعنه ک مقدماتنده اونلری لاقید وغیر متحسس ظن ایدیور دیسه کیز یا کله مشسکیز... هپچ دقت ایتمه مشسکیز، حتی کندیکزه دقت ایتمه دیکیز... او، بو اوه کایر کلز سزک بوتون دقت کیزی، محاکمه کیزی، حساسیت کیزی سیدله این بر مسم هوا اسمش اولدی، اعصاب کیز بوز ولدی، هر شیدن حد تله تن، هر شیدی قیه وب کچیرن،

خدمتچیلردن ، اوشاقلردن باشا-ایه رق بکا . . . اوت ، اوت ،
 زوجه کزه ، او زمانک زوجه سنه ، صکره چوجقلری بکزه قدر کیدن
 بر انفعال و اغبرار ، بر جبر و قهر اصـولی تعقیب ایدن بر آدم
 ارلدیکیز . . .

جیل شوکت

بکا آجیالیدی کیز . . . بر بحران کچیریوردم .

سلما

اوت ، آجیردم ، فقط اوظام زمانلر کزده ، استبداد ساعتلر-
 کزده دکل . او اناده ، سزی بوتون وظیفه لر کزی اونوتیور ،
 اوك بر صـاحبی ، بر افندیسی دکل ، یر دشمنی ، بر مخربی اولیور
 کورورکن ، اوت ، بوتون اسکی رابطه لر کزه ، محبتلر کزه خیانت
 ایدیور ، و بو خیانتی بر جنایت حسنک سوتیله یا ور کورورکن
 آجیمق دکل کینله نیردم . . . نه زمان آجیردم ، بیلیرمیسکیز . . ؟
 سزک او بحران ساعتلردن چیقدیغکیز اولوردی . . .

جیل شوکت

او وسیله لری یا قالا مایدی . . .

سلما

او زمان سرخوشلق ، بدمسـتلك زمانلرنده خضالر یامش ،
 قضالره سبب اولمش ، بارداتلری قیرمش ، سفره یی ده ویرمش بر
 یچاره نك او یا یقلاق ساعتلرنده کی حائنه بکزه یین بر زواللیغکیز واردی .

هر کس دن سا کتانه عذر ديلر، عفو ايستر بر کولسکه اولورديکيز .
 بن بونی کورور، وسزی اصل موقعکيز دن دوشمش، قاریسندن،
 چوجقلرن دن مرحمت ديله ن بر بدبخت درکس نه اینمیش کوردکجه ..
 ایشته او زمان آچیردم ..

جیل شوکت

ا کر بکا حقیقه آجیدیفکيز ساعتلر اولسهیدی بی قورتارمغه
 تشبث ایدردیکيز .

سلما

نجبه انسانلری یکدیگرینه باغلايان رابطه ایکی منبعدن کله بیلیر:
 یا حرمت، یا مرحمت ... حرمت حسنی منزه ویرن بوتون کوزل،
 یوکسک، ممتاز بولدیفکيز شیلردر؛ منزه بکا یکر می سنه لاک بر حیاتی
 هپ او حس ایچنده کچیرتدیکيز ... صکره ، صاغلانمغه ایمان
 ایدیان بر شیئک اک کوچک بر تماسه بیله تحمل ایدمه من چوروک
 برشیدن عبارت اولدیغنه اینانق دقیقه سی کلنججه ... بردن او حرمت
 حسنک یرینه ...

جیل شوکت

مرحمت حسنی اقامه ایتک لازم کلیردی ..

سلما

فقط منزه مرحمته سوق ایدن شیلرک ذلیل ، منفور ، سفیل
 سبیلردن کلدیکنه ، اوللری بالذات آجینه جق آدمک کنیدی

ألدريه احضار ايتديكنه دقت ايتدكدن صكره بيلمم، مرحمت
ايديم ديركن نفرت ايمه مكده ممكنميدر؟..

جیل شوکت

ا کر سز ایسته سه یدیکنز ...

سلما

صكره سزدن اول آجینه جق، مرحمت وعین زمانده حرمت
حسیله وقایه ایدیله جك بری دها واردی ...

جیل شوکت

کیم ؟ ...

سلما

کندم، کندی نفسم، قادینلق، و آناق صفتلرنده حقوقی
چکنه نمش اولان بن ...

جیل شوکت

سز ! ...

سلما

اوت ، بن ... بونده حیرت ایدیله جك بر نقطه بولمامالیسکنز ...
البته سز ارکیکار ، بر کون هر نه نوعدن بر سبیله حتی انکار
ایدلمک ایسته بن قادینلقک، بردن بره قارشیکزه چیقوبده «بن ...»
دییه بیلیمه سینه مساعده ايمه مک ایستر سکنز ... قادینلق ! ... او

بنده کندن بحث ایدر بیله جک ، بناکنه عاقد بر حق مدافعه ایتمک ،
بر حیثیتی قورومق ، بر سسی ایشیتدیرمک ایچون آیاغه قانقوب
دیکیله بیله جک بر موجود میدره؟.. دیرسگیز.

جیل شوکت

اعتراف ایدیکیز که بن بو فکرده ...

سلما — دوام ایدرهک

قادین .. اونه دره؟.. اوکیزی سیلوب سوپورن بر خدمتچی ،
یمککیزی پیش-یروب اوککیزه قویان بر آشیجی ، چوجقلر کیزک
دادیمی ، ثروتکیزک بکجیسی ...

جیل شوکت

انصاف .. بو دایما بویله میدره؟

سلما

آز چوق فرق ابله . . . بوتون بو ناخوش عنوانلری عفو
ایتدیرمک ایچون اوکا ایشکاردن ، الماسلردن مرکب بر اورتو
اورترسگیز. بو، نه زمان باشی قالدیرمق ایسترسه یوسروغکیزی
قالدیرمقدن سنزی منع ایده من ...

جیل شوکت

رجا ایدرم ، سلما . . . بونی بکا سویله یه منرسگیز .

سلما — شدتله

سزك بكا يابديغكزه مشابه ر شبيهه بن تشبث ايتسه يدم نه
ياپه جقد يگيز؟

جميل شوكت
ياپمازديگيز؟..

سلما

اوت، نه يابه جنگيزي سويله مه مك ايچون بويله جواب وير-
بيورسگيز . بن سويله يديم : او زمان ايشته يومروغكيزي ،
يومروغكيزك قوت وشدني باشمك اوستنه اينديره جكد يگيز ...
قادينلرك يومروقلري يوق... او، طوتولوب بورفولاجق ، قيريلوب
آيليويره جك بر اويونجاقين عبارتدر. فقط قادينلرك يومروغه
بدل بشقه بر قوتلري وار: قلابري... ا كر قابلرنده كافي درجه ده
قوت، متانت، قدر و شرفك محافظه سنه عزم ايدن بر صلابت
وارسه، ايشته بوده اونلرك يومروغيدر. بن ده سزه بويومروغك
سلاحني قوللاندم .

جميل شوكت

شدته بدل ملايمته، شفقته مراجعت ايتسه يديگيز بله كه مصيبت
واقع اولمازدي .

سلما

نه اولوردي؟.. مصيبت ذاتاً واقع اولمشدي . سز سقوط

ایتمه دن اول سزه چاره نجات بخش ایده جک شیرله محاط ایدیکنز .
هپسندن قاچدیکنز ، سقوطن صکرده ...

جیل شوکت
اوت ، دها صکره ؟ .

سلما

یعنی سزی سقوطن صکره ، بشقه یرده دویمشده آراتق
عودته استعداد بولمش بر خیانتدن صکره قبول ایتمک ، ینه سومک ،
ینه سزه حرمتله ، شفقتله باقق ... بن بونی یاپه مازدم .

جیل شوکت
بونی یاپمالیدیکنز ...

سلما

یعنی عفو ایتمه اییدی ... بونی یاپه مازدم ، بونی یایمق ایچون
انسان لاقید اولمالیدر . عفو ذاتاً صاپی قورومنه باشلامش بریاپران
قییلندندر ، کندی ، کندینه دوشر ... بن یا محبتده دوام ایدن ،
یاخود محبتک دوامنه امکان براقیلما ییجه خصومت ایدن برقادیم ...

جیل شوکت
بو صورتله تحقق ایدن عاقبتک مسئولیتی قسماً سزه عاند ...

سلما

اصلاً ... سزلی ، ارککاری شمارتان ، ازدواج حیسانده
بر خطا ، بر جنایت ارتکاب ایده جککنز زمانلرده تشجیع ایدن

برعامل وار: قادينلرك مروتى... كندى نفسكيزده بوله مایه جفكيز
 برطافتك از نلرده دائما موجوديتى... نه زمان عودت ايدرسهك
 بزى ينه قبول ايدن قوللرى واردر! « ديهه حاصل اولمش برفكر.
 بو دائما بويله دكل... هيچ اولمازسه بن اونلردن اولمق ايسته مدم.
 بن ده قادينلرك قوتلرني كوستر مه لرينه طرفدارم. انسا نلرك
 مناسبانده: « سزه كملك ايدنه ايلك ايديكيز! « قاعده سـنك
 بضلاننه قانم. ايلك ايلك، كملك كملك... جبر و شدتك، ظلم
 و اهانتك قارشيسينده بوينى بوكن بر مذلت، آيا نلره قاپانان بر
 مسكنت دكل، عصيان، اختلال، مقاومت، متانت قالقه جق اولسه
 امين اولكيز، بر فناغه تشبث ايده جك اللرده فضله بر احترام،
 فضله بر تردد اولوردى... استبدادى ياپان، مقابل طرفك سفلي تيدر.
 قادينلىق يوزينه حواله ايديلن توقانه عجزينك كوز ياشلريله يانغنى
 اوزاته جفته...

هيچانندن بورغون درشرك او طورور

جبل شوكت

بكا بو قدر درين بر كينكيز اوله جفته احتمال و برمه يوردم. ظن
 ايدى يوردم كه بنى بوتون ييقيلان شيلره رغماً قلبكيزده خفى بر عفو
 حسييله تلقى ايدى يورسكيز.

سلما

سز ار ككار كندى نفسكيزه محبتك، بو برستش خودكامه نك

او قدر غفاتی ایچنه کیرمشسکیز که ، دمین برقاچ کزه سویله
ایسته دیککیز طرزده ...

جیل شوکت
نه زمان ؟

سلما

دمین ... دمین ... ایسته یورسکیز که بزه خیانت ایدیلیر
بزینه سزی تداوی ایدلم ؛ سزی قورنارمغه ، تکرار قازان
تثبت ایدلم ... بر دوکه کز قویجه اونی فصل بزه دیکدیرسه کز
بر طرف کز صیرلاسه اونی فصل بزه اوغدیرسه کز بزه خیانت
ایتدیک کز زمانلرده ایسته یورسکیز که بزالمزده بر فنجان صیجان
اخلامورله کلم : « نزه اولمشسکیز ... بر فنجان صیجان اخلامور ...
کو کسکیزه اینی کایر ... » دبیلم . نه قدر اینی ... کویا بر نزا
تداویسی ... (آیغه قاقهرق) بن بوکا قادر دکلم ... سزه یالواد
مالیدی ؛ سزک آیاقلری بکیزک دیدنده ، دیزلری بکیزه قاپانهرق ، اتکار کز
صاریلهرق : « ینه بکا کلکیز ... » دیمه ایدی ... سز قادینلرد
بونى بکلر سکیز ، و ، قادینلر سزه بو ذانی ویر دکلری ایچوندر که
اونی بکله مکده دوام ایدیورسکیز . بن بویله دینانه رک استردا
ایدیلن شیده بر قیمت بولان قلبه مالک دکلم . بلکه سرت ، فقط
شرفه ، حتی حضور و راحتک بهامی مقابلنده ، شرفه صادق
بر قادینم ...

جیل شوکت

سز بکا بر دوست اولسه بیدیکز ...

سلما

یو کله دن مقصد نه در؟

جیل شوکت

او زمان ده دوست اوله بیلیردیکز ، حالاده دوست اوله بیلیر-
سکز. بکا بو قدر خصومته مقابل هیج اولمازسه ماضینک
حرمتنه ...

سلما

دوست اولق نه دیمکدر، رجا ایدرم ؟ دوست اولق ایچون
آراده بر نقطه اتفاق اولالیدر. باشلیجه اساس : دوست اولق
یکدیگرینک ایلمکنی ایسته مکدر. بو آرازرده نصل قابل اوله بیایه ؟
حیاتمک اک بویوک فناغنه سبب اولان بر آدمک ایلمکنی ایسته مک
ایچون، بوکا قوت بوله بیلیمک ایچون اولا حیاتمک یقیلان شیلرینه
قارشى قلباً خیانت ایتمک لازمدر .

جیل شوکت

دیمک نی بدبخت کورسه کز ممنون اوله جقسکز ...

سلما

نی جوانی ویرمک مشکل اولان سوالره مخاطب ایتهدیکز .

جیل شوکت

اوت، اوت، بونی هر سوزیکزدن آ کلایورم . جوابی سز
ویرمه سه کز حالیکز ویریور : او حالده نمون اولیکز . بن
بدبختم ...

سلما — کوزلرینی قاپار، ودوداقلرینی ایصیرر، صکره یواشجه
چوجقلرمده بدبخت !..

جیل شوکت

سز ؟ ..

سلما

بن !.. بنمی ؟ .. بن بدبخت دلم ، اولمش بر وجود آرتق نه
بختیار، نه بدبختدر . بردن باشنک اوستنه بر طاش دوشمش ،
آزلمش، همان اورایه دوشیورمش بر وجود . . .

جیل شوکت

صوک کونی تخطر ایدیورم . بلکه او کوزممکر اولوردی ...

سلما

بن ظن ایتمه یورم . آرامزده مصیبتنه دائر یکانه ملاقات
کونی ، ایلك و صوک کون . . . ینه بوراده . . . سزه او کون
سویله نه جک شیلری سویله مک ایچون اک قطعی قرارلری آلمش ،
اک قوی فناعتلری طویلامش ایدم . او کون ، آرتق هیبج ، هیبج

برشیشک تکرار تعمیر ایدیله میه جکینه ، تکرار یشایه میه جقنه حکم
ویرد کدن صکره ...

جیل شوکت

ینه بوراده ، بویله ، کوروشیوردق ...

سلما

وین سزه یکر می سنه نك صوك دقیقه سی چالمق اوزره اولدیغندن
بخت ایدرکن اوده ، اوراده عود چالیوردی . سز بوتون خاطرات
مقدسه نك صداسنی ایشیدوب او یانه جغکزه اونك عودینه توجه
ایدیوردیکز . باشکز ، کوزکز ، روحکز هپ شو پنجره یه ،
اوندن کلن سسه متوجهدی ... (آیاغه قالدهرق) رجا ایدرم ،
ینی براقیکز ... بو قدر کافی ... بنده اوغلمه کیده جکم ، ینی
بکله یور ...

جیل شوکت

براز دها ، یالکیز بر دقیقه دها ... سزه سویله نه جک نه قدر
شیلر واردی ! از جمله چوجققلر ...

سلما

اووخ .. چوجققلر ... اولنری دوشونمکدن بر دقیقه خالی
دکلم . کوریورسکیز که خبر آلیز آلاماز ، هر شیده رغماً کلک ،
بوآوه تکرار آیاق باصحق ایجاب ایتدی . بو بر ایکی ساعت کفایت
ایدر .

جیل شوکت
 بو او هرشیدن اول سزک اویکیز دکلی ؟

سلما

هرشیدن اول بایک اویله ایدی ، فقط هرشیدن صکره دکلی !
 چوجقلره کانه ، آراده فرید بها وار . چوجقلریمک ننهک
 وظیفه سی اونک اوستنده در .

جیل شوکت

سلما ...

سلما

رجا ایدرم ، بنی یالکیز برافیکیز ، شیمدی سعدونی
 کتیره جکلر ...

جیل شوکت کوزلری سلماده چیقار . سلما یواش یواش ایلریله بهرک
 اولایا صدیقلره دو قونور ، صکره پنجه دن دکزه دالارکن صولده
 قاپی آچیلیر ، سعدون ، اوالبسه سیله ، حکمت کمال ، شراره ، مسعدت ،
 کولوشه رک ، قونوشه رق کیررلر . سعدون سوسله نمشدر ، فقط
 ضعیف و صاریدر ، بلیدر که یورومک ایچون باجقلرنده هنوز کافی
 قوت یوق . بریاندن اونی صندالییه او طورتوب یصدقلری
 دوزانیرکن بریاندن مکالمه باشلار .

اون برنجی مجلس

سلما سعدون شراره مسعدت حکمت کمال
براز صکره فرید بها

مسعدت

دیمک افندم ، همان عودت اییدیورسکیز ؟

سلما

بشقه نه یاپه بیلیرم ؟

شراره

اوقدر اوزون بر تحسردن صکره ، بر رؤیا کی ، کلوب
کچیورسکیز .

سعدون

طاطلی فقط زواللی بر رؤیا ...

سعدون اوطورم شدر . سلما بر کوچک
اسکمله چککک و اونک دیزلرینه آلرینی
دایایوب یاننده در ،

سلما

حیات ذاتاً هپ بویله رؤیاردن مرکب دکلیدر ؟ بن بوکون ،
غالبا آنجق بر ساعت صکره ، آیدیورم . برقاج کون صکره ،
براز دها قوتلنجه ، سن ، سن ده کیده جکسک ...

شراره

اوت ، يالکيز بن قاليورم ، وَ ، تک باشمه قاليورم ...
 نه ايچون صانکه ني کوتورمه مکده اصرار ايد ييورسکيز؟ سمدت
 سوريه يه ، سمدون اسويچوره يه کيتدکن صکره بن نه يابه جغم؟ ..

سلما — بو آراق کيرن فرید بهايه بافهرق

سني بورايه باغلايان وظائف وار ، برچوق وظائف ...
 فقط هپسندن اول کندی نفسکه قارشى اولان وظيفه تک. والدم لرك
 هرشيدن اول دوشونمکله مکلف اولدقلمرى نقطه ده چوجقلمرينه
 محبتلرنده خودکامانک قاريشماسنه دقتدر . ا کر بن ، سني دکلم ،
 کنديمي دوشونسه يدم ...

شراره

او زمان ؟ ..

سلما

او زمان ؟ .. اونى سويله مکه نه لزوم وار ، مادام که اويله
 دوشونمدم ...

بو مدت ظرفنده فرید بها ايله حکمت کمال کوروشمکده درلره

سمدون

دایي !.. بکا نه اولوردی؟ اذن ویرسه يديکيز، اسويچوره يه
 کيتهدن اول ادرنده هيچ اولمازسه بزهنقه، آتنه دک، سزک ...

حکمت کمال

بو علاوہ یہ لزوم کورمہ... آنہکک یا نندہ دیمک کافیدر.

سعدون

سزک ایکیکیزک یا نکیزدہ دیکلنہ یدم . . .

حکمت کمال

آنہک موافقت ایدرسہ. دگلی، سلما؟..

سلما

ظن ایدرم. اکر بر محذور کورولیمہ جک اولورسہ،
بورادن ادرنہ یہ قدر بریمی رفاقت ایدردی، ادرنہ دن صکرہ دہ...
حکمت کمال

اوت، سعدونی اسو بچرمہ یہ قدر کوتوروب یرلشدیرہ جک
بریسنه احتیاج وار. اکر فرید بہا...

سلما — فرید بہا ایله شرارہ یہ باقہرق
بیلمم، بو ممکن اولورمی؟ فرید بہا بکک بورادن آیرماسنه
احوالی مساعد بولمایورم.

شرارہ — فرید بہا یہ باقوب کولومسہ دکن صکرہ دایسنہ
او حالہ سزہ بر سیاحت دها کورونیور.

حکمت کمال — درحال، قوشلری اوچہرق
اووخ!.. نہ ای!.. دگلی، سعدون؟ سننکله قول قولہ، ایکی
اقران... ہا صحیح، سن حالا طیب اولوق فیکر نہ میدسک؟

سعدون

البتة!.. رزك الكزہ یا پيشمقی ایسته یورم ...

حکمت کمال

هانکی آله؟.. ایسته تخمیناً اون سنه وارکه کیمسه نك نبضنی

آله آمادم ...

سعادت

دمین سعدون بکک نبضنی طوتیوردیکز .

حکمت کمال

سعدون کیمسه دن معدود دکل .

سلما — برادرینه

قنای اولور؟ بز ادرنه یه دونر دونمز تداویخجانه نی تأسیسه

باشلامیه جقمی بز؟ ...

شراره

حالا اوفکرده میسکز؟..

سلما

دائماً ... سعدونده اورایه کلیر، سزه معاون اولور ...

حکمت کمال

دها دوغرابمی کلوب بنم بریمی طونار. درت بش سنه صکره

آرتق بن اوقدر اختیار اوله جقم که ...

مسعدت

نه چابوق!..

حکمت کمال -- حیرتله مسعدته باقه رق
آی! یو نه التفات، مسعدت خانم!..

سلما

بیاسهك سعدون... بو سیاحتهمده نه کوزل فکر لر طو پولادم .
ادر نده چفته کده کوچک بر اصاح ایله تمیزله نوب میدان چیقہ-
بیله چک بر کوشک وار ...

حکمت کمال

کوشک!.. اما تعیر!.. چوجق لک فکر نده مبالغه کارانه بر
خیال او یان دیره جقسک ...

سلما

آنجق دزت اودا... بر قاتده اخشاب علاره ایداسه قولایاقله
سکیز اوله جق. حتی یوقاری اودالر ایکیشره تفریق اولونسه ...

حکمت کمال

ایکیشر قوطوبه ...

سلما

اون ایکی ایده چک . اون ایکی خسته ایچون بر وار دیمکدره
بونى یالکیز تداوی ایله قورنازیله بیله چسک کینج قیزلره حصر
ایده چکیز . تداویخانه نك اختصاصی بو اوله جق ...

شهراره

نه کوزل !..

سلما

نازه بومورطه ، بول سوت ، تمیز هوا و مبدول بر کونش
تداویسی ... طوپراقلرک ، آرپه و بغدادی خرمنلرینک قوقولری
ایچنده حیاتی ، حیاتک آلام و فحایه نی اونوتدیرمق تداویسی ...

مسعدت

تداویخانہ نی کورزکی اولدم ... ہم بیاض ، هرطرف مجلا...
ساده و بسیط اشیا ، پنجره لردہ پردہ بیله یوق ، یالاکز پارلاق
جاملر ... مینی مینی ، مطبخ ، انسانک یوزینه کوان بر حمام ...

سلما

برکتبخانہ... بن خسته لره آکلایه بیله جکلری شیلر سو بله به جکم ؟
خوشلرینه کیده جک ، قلبلرینه براز قوت ، تسلیت و حیاته محبت
ویره جک حکایه لر آکلایه جقم ...

فرید بها

بونکله ایی روقت کچیرمک امیدنده بیسکمز ؟..

سلما

پک ایی... انسان سعادت نی زرده بولاق ممکنسه اوراده آرامالی.
کنندی حیاتنده بوله مازسه بشقه لرینک حیاتنده سعادت ایجاد ایدهرک
منشعود اولمغه چالیمالی .

مسعدت

بنی ایمرنیدر دیکیز . سوریهده خسته اولور سه م - بوبک ممکن
برشیدر - بنده تداوی ایدلمک اوزره سزه کلیم ...

سلما - حکمت کاله، صکرده مسعدته باقهرق
نه دن اورایه کلک ایچون خسته اولونجه یه قدر بکلیه جک - کیز؟
بر کره سزک ایچون بویله بروسیله یی اصلاتی ایده م . اوندن صکره ،
مثلا سوریه یه کیده جک کیزه هر شیشی بر طرفه بر اقوبده دوضیجه
ادر نه یه کلک او قدر ممکن ، حتی او قدر معقول بر شیدر که ...
بن یانمده او یلده بویله ده برینه محتاج اوله چغم . (حکمت کاله)
دکلی ؟ ...

حکمت کال - دوغریجه مسعدته جواب ویره رک
نه ای اولوردی! هایدی، مسعدت خام، قلبکیزک بر کوچک
حرکتته مساعده ایدیکیز، در حال قرار ویریکیز ... هم خسته لره ،
سزک شخصکیزده بر صحت ، عافیت ، سلامت نمونسی کوستر مش
اولوردق . جسمانی و معنوی ...

مسعدت - کوله رک

نه ای اولوردی ؟ فقط هیات ! .. داتما ای اولان شسیلر
ممکن اولمایور که ...

سعدون - اوفق بر آه تحسر . برمدتن بری نچره دن دیشاری یه باقده در .
- دونه رک آنه سنه

دیلمک، آنه ؟ .. بر ساعت صکره کیدسیو بسک ..

سلما — ساعتہ باقہرق
حتی الی دقیقه صکرہ ...

سعدون

زمان نہ جابوق کچور ا

سلما

مادام کہ بش اون کون صکرہ بولوشہ جغز . او بش اون
کوندہ بویله جابوق کچہ جک ...

سعدون

اوت، اما بو قدر جابوق دکل ... (داورانہرق) بیایر میسک،
آنہ؟ بن براز باغچہ دہ کز مک ایستہ یورم، سکا کندی المله چیچک
قویارہ جغم ... سن دہ کلز میسک؟

سلما — حکمت کمالہ اندیشہ ایله
یورولمازمی؟

حکمت کمال

بالعکس، پک ای اولورہ . فایت یوانش، هپ برابر کیدہ رز.

فرید بہا

بن سعدونک قولنہ کیرہ یم .

سلما

خیر، بن بر دقیقه سزکله یالکیز قالمق ایستردم، او وظیفہ بی
دایبسنہ براقلم ...

سعدون قالفار؛ شراره، مسعدت، حکمت کمال برابر یواش یواش
آجیق قابی — پنجره به توجه ایدر لر. اونلر چیققدن صکره ...

اون ایکنجی مجلس

فرید بها سلما

فرید بها

دمین ظن ایدرم که سزی بوراده یا ایکنز بولدی ...

سلما — صوصدیره رق

رجا ایدرم، بوندن بحث ایتمه بیکنز. اک زیاده بوندن

قورقوردم ..

فرید بها

بن به بالعکس اک زیاده بوندن امیدوار ایدم. اونده بر

مدتدن بری درین بر تحول وار. اونی یواش یواش شفا یاب اولیور

ونهایت حقیقی کورویور، بولیورم. سز بوکا دقت ایتمه دیکزمی؟ ..

سلما

هیچ بر شیشه دقت ایتمدم و ایتمکده ایستهمم. سزندن ده پک

رجا ایدم، بکا بوندن بحث ایتمه بیکنز. سزندن بحث ایدم.

فرید بها

بندگی ...؟

سلما

اوت، سزدن و شراره دن ... اویله حس ایدیورم که سز
کوندن کونه بو اوده دها مشکل شرائط ایچنده قایورسکز.

فرید بها

آلدانما یورسکز.

سلما

نه باقی ایسته یورسکز؟

فرید بها

آ کلامادم ...

سلما

یعنی سزک ایچون موقع مشکل اولمقده دوام ایتدیکه ...

فرید بها

مغلوب اولماق عنمنده ایم.

سلما

او حالده ...؟

فرید بها

او حالده شراره نک یانندن آیرلما یه جقم.

لدا

هرشيئه رغماً؟ ..

يد بها

هرشيئه رغماً! ..

ما

بونی بکا وعد ایدیور میسکز؟

يد بها

یعین ایدیورم ...

ما

نه قدر زمان؟ ..

يد بها

شراره بکا محتاج اولدجه ...

ل

ياشراره سزه بك اوزون ، بك اوزون بر زمان ایچون محتاج

رسه ...

بها — کوزلری اوکنده دالغین ، سکوت ايدر .

.....

جواب ویره یورسکز .

فرید بها

حیاتده دها آبی یاییله جق بر وظیفه صاحبی دکلم ...

سلما

بکا بو قدر کافیدر. بشقه برکله علاوه سته حاجت کورمه یورم .
او حالده آرتق راحت راحت کیده بیلیرم .

فرید بها — تمیکار

دیمک ؟ ..

سلما — أیلله صوصدیره رق

سکوت .. سزکله تفرعات قییمانندن شیلره دائرقونوشه بیلیمک

ایچون ...

فرید بها

اسکله یه قیدر مزه رفاقت ایدیم .

سلما

نه آبی اولور ..

فرید بها

او حالده مساعده ایدیکز، اودامه قدر کیدوب حاضر لانه یم .
بش دقیقه صکره سزی بوراده، یاخود باغچده بولورم .

سلما

باغچده . بنده سمدونک یانسه کیدیورم ...

فرید بها صاغدن چیقار، سلماده سه دونك اسكمله سنك اوستنده
قالان آل چانطه سنی آلمق اوزره او طرفه بورور، آلوب دونر،
و آچیق قاپی - پنجره یه توجه ایدرکن صولدن قاپی تردده آچیله رق
رخسار کورونور.



اون اوچنجی محاس

سلما - رخسار

رخسار

مساعده ایدر میسکیز؟

سلما

بندن مساعده ایسته یه جک بره موقعده دکاسکیز . بن ذاتاً

چیققیوردم .

رخسار — تماماً کیره رک

خیر، سزه سویله یه جک شیلرم واردی .

سلما

بکا سویله یه جک نه لر کیز اوله بیلیز؟ بن آرامزه سویله نه جک

شیلرک موجودیتنه قائل اولسه یدم وقتیه کوروشوردک .

رخسار

تی متهم کورپیوزسکیز . . .

سلما

سزى نصل كورمه لى يم ؟ .. اطفأ حقا كزده دو بولوق لازم كان
حس حقتده بر بشقه تعبير بولورميسكيز ..؟

رخسار

بني متهم كورييورسكيز ، يالكلز و قدر دكل ، شايان تحقير
عد ايدييورسكيز .

سلما

اعتراف ايدييكيز كه بوني سزه احساس ايچون كوچك بر حر كتمده
بيله بولونمادم ، شو تصادفده ، شو بر قاچ كله يه ده سز سبيسكيز .
اكر بوزيارتمده بر معنای تحقير بولويورسه كز اوندزده بن مسئول
دكل . ارادتمك فوقنده بر سبب اولماسه يدي ...

رخسار

بني نه قدر متهم و محقر كورديكيزه واقف اولوق ايچون
سز كله بولوشمغه وقونوشمغه هيچ حاجت يوق . اوزاقدن بيله
آكلايورم كه ...

سلما — عصبي ، كسه رك

بو مكاله دن نه فائده بگله يورسكيز ؟

رخسار

بله كه هيچ ! .. فقط قلمك اوستنده بر يوك وار . بو اونه
سز دن باشلايه رق كان و بني بوغان بر خصومت ايچنده يم ..

سلما

بوراده جریان ایدن شیلره واقف دکلم .

رخسار

سزه یالکیز بر مثال کوستره بيم : سعدون ، اوغلاکیز ، بوتون
خسته لغنك دوامنده بر دنه بيله اوداسنه کیرمکلمکه موافقت
ایتمه دی .

سلما

بوندن خبردار دکلدم . برنجی دفعه اوله رق سزدن ایشیدییورم .
بوکا دائر بندن نصل بر خدمت بکله یورسکیز ؟ بردها خسته ولورسه
یتاغنك باش اوچنده سزه بر یر تخصیص ایتمه سی می امر ایده بيم ؟
بیلیم ، بندن کله جک بویله بر امره رعایت ایدرمی ؟ .. فقط بندن
اول اوکا امر ویره جک بری واردی : باباسی ...

رخسار

چو جقلر کزله آرامزده هپ سزک کینکیز وار .

سلما

نه اولماسنی آرزو ایدردیکیز ، رجا ایده رم ؟ .. رخسار خانم ،
نی دیکله بییکیز . مادام که بنمله مطلقا بر مکانه یه لزوم کوردیکیز ؛
مطلقا بی سویاتمک ، حقک زده دوش و نکلریمه دائرینه بندن
معلومات آلق ایسته دیکیز ، پک اعلی ، مکلمه یی قبول ایدیورم .
و آجیتی قونوشلم ؛ نصل اولماسنی آرزو ایدردیکیز ، رجا ایده رم ؟

چو جقلرمك ، بابالری آلرندن آدیغكز ، آنه لری قو لارینك
 آراسندن قوپاردیغكز ، سز كلنجه یه قدر بر شطارت و سعادت زمینی
 اولان بو اوده كوزل اوله رق ، ای اوله رق هیچ بر تخم راقادیغكز ،
 بوتون آیاقلرینك آلتنه دیکنلر ، چاقیلار سرپدیگكز ایچون سزه
 منتدار اولمالری می ایستردیگكز . . . یوقسه اونلر كریاكار بر نمایشی می ،
 اغفال ایدن ، یالان سویله یین برساخته محبتی می ترجیح ایدردیگكز . . .
 اکر اوله ایسه هیچ مشکلا پسند دكلسكز . وعلاوه ایدم ، بو
 سزك طرفكزدن عاقلانه بر حرکت اولمازدی . اونلر ، بیلمه یورم ،
 بله كه نارك بولونمادیلر ، بله كه خشین داورانیدیلر . . . بونده هیچ
 اولمازسه ساخته اولغه تنزل ایتمین بر علوجناب ، بر صفوت قاب ،
 بر آچیقلاق ، بر دوضو لاق وار . . . سزه فارشی صراحة : « سزی
 سو مهیز ، وسومك ایچون چالیشما یورز . « دیمك : « ایشته دایما
 سلا حلر كزله حاضر بولونكز ، ظالم داورانمایكز . . « دیمكدره
 سزی وضعیتك حقیقتندن خبر دار ایدن بو چو جقلره نه دییه بیایرسكز ؟ .
 یوقسه والده لری ایچون چو جقلرینك كندیسنه صادق قالماسنی ده می
 فضله بولیورسكز . . .

رخسار

خی نه صورتله اتهام ایده بیایر لر ؟ سز و اونلر ، بنده فصل بر تهمت
 بولیورسكز ؟ اکر اورته ده بر تهمت وارسه او بكا عاند دكل .
 بن آراده ایسته مكسزین آلت اولمش بروجودم .

سلما

ایسته مکسزین ۰۰۴

رخسار

شبهه می ایدیورسکیز؟

سلما

شبهه به امکان بر اقایان بر حقیقت وار. مادام که آچیق قونوشمق
 دها موافقدر، و مادام که بر کره سویله که باشلادم، ا کمال ایده میم.
 او حقیقت ده شودر: سز بوتون اورته ده موجود اولان و بو قدر
 مصیبتلره سببیت و برن تهحتی ایسته دیکیز، ایسته یه رک یاپدیکیز،
 ترتیب ایده رک، قارا کاکلرده دسیسه لر قوره رق، او یونلر دوزه رک،
 دوغریدن دوغری به فطرتیکزدن کلن بر مهارتله، اثر کزی اوزون
 اوزون ایشله یه رک، یاپدیکیز ۰۰

رخسار

افترا ایدیورسکیز.

سلما

یا لیکز ایکی حسک، ایکی کوتو حسک آلتنده چالیشیور دیکیز:
 حسد و حرص ۰۰ ا کر سبب بر عشق، خیر، حقیقی، صمیمی
 بر عشق دکل، آز چوق قلبده اجرای تاثیر ایده بیله جک بر تمایل
 بیله اولسه یدی، بلکه سزک حقیق کزده خصوصتک یاننده بر ازده
 مرحت دو یاردم. فقط او بیله یوقدی. بالهکس سز یکرمی سنه لک

حیاتی بیقیمق ایچون وسیله خیاتی اک یاقین بر یردن ، کندی
 قانندن آلان، بوچکین عائله باباسنی قلاباً تزییف بیله ایدیوردیکیز
 اونک قوللرینه عادتاً تیکسینه تیکسینه، ایکره نه ایکره نه ... (بردن
 سکون بولهرق) اووخ !.. نه فنا ایتدیکیز ! نه ایچون بی بویله
 شیلردن بجنه سوق ایتدیکیز؟ آزالدی، بالاآخره نفسی مؤاخذه
 ایده جک قدر لسانه حکم ایدرمیه جکدم . هیچ شدت طرفداری
 دکلم، اساساً حقه مستند بر قوته مالک اولان شده لزوم کورمه ملیدر،
 فکرندیم ...

رخسار - متجاوز ویولنی کسه جک بر یرده
 بکا اک آغیر شیلری سویله دکدن صوکره شیمدی ملایمه
 طرفدار اولیورسکیز . بوده سزک عظمتسکیزک قاعده لرندن بری ..
 دمین حسدن و حرصدن بحث ایتدیکیز... نه یکزه حسد ایتشم؟
 نه یکزه کوز دیکمشم ؟ ..

سلما — آجی بر تبسمه

رخسار خام ... سزی تأمین ایدرم که بوکون مستثنا بر
 کوندهیم، نه وقتدن بری التزام اولونان سکوت نهایت بوزولدقن
 صوکره قورقیورم که بکا سزک ایچون ایشیتمه مک مرجح اولان
 شیلری سویله ته چکسکیز ...

رخسار

شیمدی اسکی قوجه کزک حر کتندن بی مسئول طوتمق ایستهین
بر حالکیز وار .

سلما

سزک مسئولیتکیز اونک مسئولیتی تخفیف ایدر ذهابنده دکلم .
فقط سز ، سز مسئولسکیز . حسد و حرص دیوردم . اوت ،
حسد ، کندی کندیسنه بر حیات ترتیب ایده جکنه ، غیرته ،
استحقاقه مستند بر سعادت قازانمغه چالیشه جفته ، بشقه لرینک حیاتی
بیقیمدن ، بشقه لرینک سعادتنی چانقدن حظ آلان حسد... ایسته
سزده بو واردی . بن یولک اوستنده بو قادین نمونه سندن قچ
دانه سنه تصادف ایتدم ..

رخسار

نصل قادین ؟

سلما

قیسقا نچ قادین... کندی کندیسنه سربست بر زمین اوزرنده
أو قورمق لذتی دوشونمغه یه رک هرشیدن اول بشقه برأوی بیقیمق
ایستهین ، بویله کندی ایلله بیقیملمش بر أوک خرابه سی اوستنه
چیقوب اوطور مادقجه بختیار اوله میان قیسقا نچ قادینلر ... اونلر
قیسقا نمغه اک یانین اولانلرندن باشلارلر . قرداشلر بی قیسقا نیرلر ،
پوتون اقربا احبا قیزلرینی قیسقا نیرلر ، قومشو قیزلرینی قیسقا نیرلر .

اونلر ایچون اک جاذبه دار ارکک کندیلرینسک اک یاقیننده بولونان
بر بدبختک قوللارندن سو کولوب آله جق ارککدر . انسانلقدن
زیاده جانوارلغه بکزمین بر حس ...

رخسار

بونى به یله تفسیر ایدرک کندیکزمه تسلیت و یرمک ایسته .
بورسکزمه . بن بورایه کانجه ذاتاً تمامیه کوشه مش ، توپمه باشلامش
بر ایپلک کوردم ، تصادف اونى بنم پارماغمه دولاشدیردی .

سلما

چونکه حسدله قالقان او پارماق پک اعلى بیلورودی که بر کره
ایپلک دولاشدقدن صکره ...

رخسار

شیمدی ده حرصدن بحث ایدر جکسکزمه : یالیدن ، ثروتدن ،
طنطنه دن ، دها بیلیرمییم ، نه دن ؟ .. بونلرک هپسنه بردن مالک
اولیویرک ... (کولر) - (کیتدکجه متجاوز) بیلیرمیسکزمه ؟
سزده آجیورم . بوتون غائب ایتدیکزمه . شیلرک ایچنده طوتونه جق
بریر آریورسکزمه . بنده کندی کندیسنه کفایت ایدن ، نه حسدک ،
نه حرصک تأثیراتنه مراجعت ایتمین ، بر قوت واردی : کنجلاک ...
سز کنجلاککمک یولی اوستنده بولوندیکزمه ، چیکننندیکزمه ، او قدر ...

سلما

باقک ، باقک ، سزده چرکین اوله رق نه وارسه نصل میدانه

جیغیورا زمین جنایتندن اوتانان بر ندامت تواضعیله کلدیکنز ،
سکزده، حالکزده عفو ایستهین، اونوتدیرمغه چالیشان، عذاب
وجداننک اوستنه بر نسیان پرده سی اورتمکه چالیشان بر ادا
واردی؛ شیمدی، شیمدی تمامیله سزسکز، نصلسه کز اولیله .

رخسار

اصل سز، سز ریا کارسکزه بورایه قدر تکرار کلک ایچون
ایجاد ایتدیکنز بهانه.. ظاهر چوجقلر کزدن هانکیسی بر نزه
اولوبده آفسیرسه سزی بوراده کوره جکزه...

بو صرهده جمیل شوکت پنجه — قاپیدن قسماً کیرمش، کنارده
دایانهرق دیکله بوردر. اونلر کورمنلر، سسلر براز یوکسلمشدر.

سلما

سفیل!...

رخسار

سزک بورادن کیدرکن، بر ساطان عظمتیله جیقیشکزده یینه
مظفرآ عودت ایتک قناعی صراحة اوقونیوردی. آرقه کزدن
سزی تعقیب ایده جک رجالره، ندامتله، استغفارلره منتظر دیکزه..

سلما

سفیل قاذین!..

رخسار

اوت ، او سفیل قاذینی ، کلوب حیاتیکزی تارومار ایدن او

قوشاز و باباسیله قزداشنه التحاق ایدر

جیل شوکت — چوکه رک

اوت ، اصل سفیل، نیم ...

سلما — قارقار ، وفرید بهایه

کیده لم !..

سعدونله شراره آصیله رق مانع اولمق ایسته یورلر مشجه سنه نیاز منده

آنه !..

سلما — بر سساتر فی المنام حالنده ، آرقه سننده یورون حکمه

وفرید بها ایله ایلریلرکن

کیده لم ! کیده لم !..

جیل شوکت — باشنی چویرر و بوغوق بر سسله


سلما !..


بو ندانک ایچنده بوتون حیات منقرضه سنک استمدادی وارد

سلما آجیق پنجره — قابییه متوجهاً هب اوساتر فی المنا حالنده ایلر

پردہ اینر

1000000







3 1761 07749069 6

PL
248
U78K32